

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jě₃ jág₁ 'a₂ lia'₂ dsón'₂ niog₅ ca₂lě₃ jě₄ quián₂ jnia'₅₄,

² lia'₂ con'₂ lě₅ ca₂jme₃tag₅ dsa₂ i₂ca₂tě₂ ne₄ lia'₂ con'₂ le₂'uig₅₄ jme₁ca₂rë₃lióg₃, ton'₂ ca₂jme₃'o₅₄ ca₂'ě₂ jág₁ dse₃.

³ Ján₃ bá₄ le₂jaun₂, jniá₂ ně₃ ma₂caun₃ 'í₁ dse₃ lin₃ 'a₂ lia'₂ ma₂já₅ jě₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jě₃ lia'₂ con'₂ lě₅, a₂tsíng₂ ne'₅₄ 'ne₂, gui'₅₄ Teófilo,*

⁴ ia₁jaun₂ ŋi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'Ě₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uě₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ ně₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón.

⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ ně₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂.

* **1:3** o₃, “ne₂ i₂'nióg'₃ Diú₄.”

7 La₁ 'i₁jan₂ guein₂ tsá₃ i₂ma₂ca₂rë₃chán₃ quiáin₅,
ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄
ma₂guein'₂ 'ηio₅ lín₃ jain₂ jain₂.

8 Co₂ráun₂, ca₂lë₃ jme₁ca₂të₂ jmig₄ a₂tin₅₄ jme₂dsa₂
i₂quian'₅₄ Zacarías a₂jme₃ti₃ ta₁ a₂tióin₂ ne₄ Diú₄,

9 a₂jmo₃ lia'₂ con'₂ lë₅ tag₄ chí'₅ quió'₅ jme₂dsa₂.
Të₃jë₄ jmig₄ jaun₂, ca₂o₃ág₃ jág₁ ca₂tin₂ Zacarías, a₂'í₂
dsi₂néi₂ ja₁jñio₅ quió'₅ Te₁gui'₅₄ a₂dsí'₂ chen₂.

10 Të₁lia'₂ 'ein₅₄ dsí'₂ chen₂ ne₄chei₂ ně₃, dsa₂ juig₂
guë'₂ le₃ca₁'né₄ bá₄ le₁ηi'₂ chí₂lén'₂ Diú₄.

11 Të₃jë₄ jaun₂ ca₂jme₃jnia₅ jan₂ ángel quián₅
Te₁gui'₅₄ ne₄ Zacarías të₂le₃ gu₂ ne₁ ja₁lë₄ ne₄chei₂.

12 Jme₁ca₂jág₂ Zacarías, ca₂ja₃gó'₃ dsí'₅ 'ηio₅ lín₃,
ca₂lia'₂ tsá₃ a₂ηi₅ jmo₃ ca₂jén'₃.

13 La₁ ca₂juá'₂ ángel:

—Zacarías, tsá₃ lë₁jmo₂ gang'₃, ia₁ ma₂nág₂ Diú₄
jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂
dsa₂ ηe'₂ quián₅ Elisabet dsa₂ mí₂ quiáng'₂. Guein₂
'éi₂ quiang'₅₄ Juan₅₄.

14 Jmó'₂ 'io'₂ le₃chang'₂, o₂'ηio₃ o₂jñia₃ 'au'₂ ně₃,
ján₃ bá₄ juin₅ i₂të₃ dsí'₅ jë₁ma₂chain₂.

15 Ia₁ lénin₂ dsa₂ juin'₂ le₃ne₄ Te₁gui'₅₄. Tsá₃
vino 'ín'₂, on₃ guë'₂ ti₁jmíg₃ ně₃; Jme₂dsí₂ Jñio₅ bá₄
ma₂rë₂rín₅ të₂dsí'₅ né'₃ a₂le₃chain₂.

16 Co₃jén'₂ juin₅ lín₃ dsa₂ juig₂ Israel le₃quió'₅
Te₁gui'₅₄ Diú₄ quián₅.

17 'Éi₂ i₂já₅ ne₄ juí₅ quió'₅ Te₁gui'₅₄, 'ein₅₄
jme₂dsí₂, ton'₂ 'io₂₃ juí₅bí₂ juí₁lia'₂ a₂jme₁'io₅ Elías,
a₂jme₃dsiain₁₂ mí'₅₄ ja₁con₂ dsa₂, quian'₅₄ chí'₂-
guein₂ quián₅, a₂co₃jén'₂ juí₁lia'₂ i₂tsá₃ ne'₅₄,

jme₃tag₂₃ le₃tiin₂ le₃ñíi'₂ a₂dse₃. Le₂ně₅ jmo₃ co₂jñia₅₄
dsa₂ ia₁jaun₂ guein₃ Te₁gui'₅₄.

18 Jaun₂ ca₂ñag₃ Zacarías ca₂ñíi'₃ ángel:

—¿'A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁
ně₅? Ia₁ dsa₂ ma₂guen'₂ bá₄ jniá₂, le₂jaun₂ gué'₂ dsa₂
mí₂ quiáng₃ i₂ma₂dsi₁juin₅₄ ñi₂ ján₃.

19 Jaun₂ ca₂ñag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄
bá₄ guio₃ a₂juá'₄ jág₁ dse₃ la₂ ne'₅₄.

20 La₁ tē₂ně₃, cóng'₂, tsá₃ ma₃jág₁ le₃dsiá'₁ ca₂lia'₂
ca₂lě₃ le₂ně₅, 'uig₅₄ ia₁ a₂tsá₃ 'éng'₂ jág₁ quió₃ a₂le₃ti₃
jē₁ma₂dsin₃ jmig₄ jaun₂.

21 Dsa₂ juig₂ ně₃, le₁jñia₂₃ a₂o₃'in₅ Zacarías, dsi₂gó'₃
dsí₅ ia₁ a₂ca₂rě₃'in₄ 'éi₂.

22 Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃,
jaun₂ ca₂rě₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅
templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁
ma₂coin₅₄.

23 Jme₁ca₂dsin₃ jmig₄ a₂jme₃ti₃ ta₁ jaun₂, jaun₂
ñái'₃ bá₄ ja₁quió'₄.

24 Cang₂ jaun₂ ně₃, ca₂can₃ Elisabet dsa₂ mí₂
quiáin₅ guein₂. Tē₁lia'₂ jaun₂, tei₄ bá₄ ca₂'í₃ dsi₂néi₂
quió'₅ con'₂ 'ñiá₂ tsi'₂. 'Ein₅₄ qui₂dsi₂jñia₅ dsí₅, lín₂:

25 “Co₂ně₅ ca₂rě₃'ñi₃ dsí₅ Te₁gui'₅₄ a₂lín₅ le₂la₂,
ia₁jaun₂ tsá₃ ma₂'ag₃ dsa₂ 'lig'₅₄.”

'Ē₂ jág₁ jan₂ ángel quián₅ Diú₄ a₂le₃chan₂ Jesús

26 Jñéi₂ tsi'₂ ma₂ne₁ñó₄ a₂quian₅ Elisabet guein₂,
Diú₄ ně₃ ca₂chein₃ táng₃ ángel Gabriel caun₂ juig₂
ja₁tén₄ Galilea ja₁chei₂ Nazaret,

27 a₂ca₂i₁jme₁jñiai₂₃ ne₄ jan₂ dsa₂ mi₄
i₂jme₁ma₂lí'₅₄ jág₁ a₂jéin'₂ gu₂ quian'₅₄ i₂chen₂

José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María.

28 Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:

— ¡Siang'₃ María! ¡'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

29 La₁ jme₁ca₂nág₂ María jág₁ ně₅, 'ñio₅ lin₃ ca₂i₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂.

30 Jaun₂ ca₂juá'₂ táng₃ ángel:

— Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂.

31 Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiain'₅₄ JESÚS.

32 'Ñio₅ juin'₂ lén₂; quiong₃ dsa₂ a₂lín₅ Ja₁ñi'₅₄ Diú₄ i₂guá₅ guei'₅₄ lin₃. Te₁gui'₅₄ Diú₄ ně₃, dsio₃ ne₄ta₁ quió'₅ David jme₂gui'₂.

33 Jaun₂ jme₃gón₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

34 Jaun₂ ca₂ñag₃ María ca₂ñí'₃ ángel:

— ¿'A₂ bá₄ lia'₂ lé₂ a₂ně₅? Ia₁ tsá₃ dsa₂ ñe'₂ cuíng₅.

35 Jaun₂ ca₂ñag₃ ángel:

— Jme₂dsí₂ Jñió₅ bá₄ jmo₃ a₂lé₂ le₂jaun₂ ja₁cong'₂; ju₁i₅bí₂ quió'₅ Te₁gui'₅₄ i₂guá₅ guei'₅₄ bá₄ lio₃ 'en'₁ quió'₅. Jaun₂ lě₃, guein₂ jñió₅ i₂le₃chan₂ 'éi₂, quiong₃ dsa₂ Ja₁ñi'₅₄ Diú₄.‡

36 Ján₃ bá₄ le₂ně₅ Elisabet ríng'₂, o₁jñia'₅₄ ma₂guein'₂, ma₂tě₂ jñéi₂ tsi'₂ a₂quiain₂₃ guein₂,

† 1:28 A₂lin₅₄ chog₅₄ si₂juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃ dsa₂ mí₂.” ‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñió₅.”

jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂
dsa₂ 'io₅₄ quen₂.

37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄
Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂;
ju₁le₅₄ ja₁cong₂ con'₂ lě₅ já₁ quiáng'₂.

Jaun₂ ca₂ḡá'₃ ángel ja₁coin₂.

Ca₂i₁jag₅₄ María ja, quió'₄ Elisabet

39 Tě₃jě₄ jmig₄ jaun₂, ca₂ḡó₃ María tē₂le₃ dséi₂ ju₁
juig₂ niog₅ má'₂ ja₁tén₄ Judea.

40 Jaun₂ jme₁ca₂dsió₃, ca₂í₃ dsi₂néi₂ quió'₅
Zacarías, ca₂cuin₃ Diú₄ Elisabet.

41 Jme₁ca₂nág₂ Elisabet a₂cuag₅ María Diú₄,
dsi₂ju₁ jaun₂ bá₄ ca₂jín'₂ guein₂ tē₂dsí₅, jaun₂
ca₂rě₃cain'₂ Jme₂dsí₂ Jḡi₅.

42 Jaun₂ ca₂í₃ co₂mi'₅₄, juá'₂:

—i'E₂ guě₄ 'ḡi₅ jme₂gu'₅₄ Diú₄ 'ne₂, lia'₂ con'₂ guě₄
'i₁jan₂ dsa₂ mí₂ sián'₂, le₂jaun₂ guě'₂ guein₂ quiáng'₂
ně₃!

43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃
ja₂jag₅₄?

44 Ia₁ dsi₂ju₁ jme₁ně₂cuag'₅₄ Diú₄, ca₂jín'₂ 'io'₂ jén'₅
guein₂ quiáng₃ tē₂dsi₃.

45 i'E₂ guě₄ dsen'₃ 'ne₂ a₂ca₂rě₃'éng'₂, ia₁ le₃ti₃
ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:

Jme₂juin'₂ tē₂dsi₃ Te₁gui'₅₄.

47 Jme₂dsí₂ quió₃ ně₃, 'io'₂ jén'₅
le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jén'₃ ne₅₄ ja₁con₂ jniá₂
dsi₂ḡég₂ i₂jme₂ti₃ quián₅.

Jaun₂ ně₃, le₂tan₅₄ le₃ne₄ jui₅ ja₁ŋó₄,
tě₂ dsa₂ líng₅ i₂rě₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄,
ia₁ ca₂jmo₃ caun₂ a₂juě'₂ ja₁cong₂;
i'e₂ guě₄ jŋi₅ó₅ a₂chein₂!

50 Co₂tan₅₄ bá₄ ŋéi₂ dsí₅
le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bėn₂, ca₂jmo₃ caun₂ a₂juě'₂
a₂tsá₃ 'ein₂ qui'₅₄ jmig₄.

Ia₁ co₂ŋei'₅₄ ca₂guiain'₃ 'uě₃
dsa₂ i₂con'₂ ŋí'₂ dsí₅ guion₅₄ jmo₂₃ táin'₅.

52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.

I₂ŋí₄ jme₁chan₂ dse₃ guě'₂,
ca₂'uág'₂ ca₂chei'₃ lín₃.

54 Ca₂jme₃'oin₅₄ dsa₂ juig₂ Israel i₂jme₂ti₃ quián₅,
ca₂dsia₃ ŋéi₂ dsí₅ ca₂dsáu'₃ dsí₅

55 con'₂ lě₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsi₁jon₂ quián₅ co₂tan₅₄.

56 Con'₂ 'ni₅ tsi'₂ ca₂dsin₃ ca₂'í₃ María ja₁quió'₄
Elisabet. Cang₂ jaun₂ ŋái'₃ táng₃ ja₁quió'₄.

Ca₂rě₃chán₃ Juan₅₄ i₂chon₅ dsa₂ jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂
quián₅ Elisabet, jaun₂ ca₂rě₃chán₃ jan₂ guein₂ dsa₂
ŋe'₂ quián₅.

58 Jaun₂ ca₂rě₃ŋi₅ o₁riin'₅₄, quian'₅₄ dsa₂ i₂tián'₅
cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅
ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lë₃ nĕ₃, jme₁ca₂tĕ₂ŋjia₃ jmig₄, ca₂o₃lén₂
dsa₂ ca₂ti₃ lo₄ guein₂, jaun₂ jme₁'nio₃ quiong₃
Zacarías lia'₂ chen₂ jmei₂.

60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ŋag₃ táng₃ dsa₂:

—'I₁jan₂ o,ríng'₂ tsá₃ i₂chen₂ le₂nĕ₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃
jmei₂ guein₂ 'a₂ guè'₂ lia'₂ 'nio₃ 'éi₂ le₃chen₂ guein₂.

63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄
jaun₂ ca₂tíong₃: “Juan₅₄ bá₄ chein₂.” Jaun₂ ca₂i₃gó'₃
dsí₅ ca₂le₃jín₃ tioin'₅₄.

64 Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁
táng₃ le₁tsi'₂, ca₂dsia₃ jág₁, ca₂jme₃juin'₂ Diú₄.

65 Jaun₂ ca₂i₃gó'₃ dsí₅ ca₂le₃jín₃ dsa₂ i₂tián'₅ cau₅,
jaun₂ le₂tan₅₄ juig₂ te₁'i₁ 'uĕ₃ má'₂ ja₁tén₄ Judea nĕ₃,
ca₂i₃ag₅₄ jág₁ ca₂le₃jĕ₃ a₂ca₂lĕ₃ jaun₂.

66 Dsa₂ i₂qui₂ca₂rĕ₃ŋi₅ a₂jaun₂ nĕ₃, jme₁'nio'₂ dsí₅
i₂gú'₃ jág₁ nĕ₅, qui₂ŋí'₅ le₂jan₂ le₂jan₂ dsia₂₃: “¿'E₂
bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄
jme₁quiong'₅₄ Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ nĕ₃, rĕ₂cain'₂ Jme₂dsí₂
ŋjió₅, qui₂ca₂'ĕ₃ jág₁ ca₂cuĕ₃ Diú₄, ca₂juá'₂:

68 Jui₁le₂juin'₂ Te₁gui'₅₄ Diú₄

quián₅ dsa₂ juig₂ Israel,

ia₁ ma₂guain₂₃ jĕ₄ quián₂ jniog₄

dsa₂ juig₂ quián₅, ma₂ca₂lió₂.

69 Ma₂ca₂cuag₃ jniog₄ jan₂ i₂'uan'₂ lin₃

i₂lín₅ lia'₂ lĕ₅ caun₂ mi₁juí₁,

jan₂ i₂já₅ jĕ₄ tsi₁jon₂ David i₂ca₂jme₃ti₃ ta₁ ne₅₄,

a₂ja₂lioín₅₄ dsa₂ quiáin₅.

70 Le₂në₅ jág₁ quió'₅ ca₂cuë₃ ca₃ma₂líg'₂,
ca₂juá'₂ tē₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quiáin₅,

71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,

72 ja₁juá'₂ ně₃ a₂tiá'₃ nēi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ njió₅ quió'₅ ron₅.

73 A₂në₅ bá₄ jág₁ jaun₂ ca₂quiog₂
jme₁ca₂'iin₃ 'n₁iog₅

ca₂tsí'₃ Abraham jme₂gui'₂ jniog₄:

74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsí₅ jme₁ti₁ ne₅₄,

75 ia₁jaun₂ le₂chong₂ rē₂ le₃ne₅₄, lě₅ 'í₁,
ca₂le₃jě₃ jmig₄ chong₂.

76 Jaun₂ tē₂le₃ ja₁con'₂ 'ne₂ guē'₂, jón₃,
tě₂ dsa₂ a₂lín'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lín₃,

ia₁ gog'₅₄ ne₄ juí₅ quió'₅ Te₁gui'₅₄
a₂jmó'₂ co₂n₁ia₅₄ juí₅ quió'₅.

77 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
'e₂ jaun₂ a₂lión₂ dsa₂,
tē₂le₃ quian'₅₄ a₂'én₂ dsáu₁.

78 Ia₁ nēi₂ bá₄ dsí₅ Diú₄ quián₂ jniog₄.

Jaun₂ lě₃, tē₂ guei'₅₄ i₂juig₃ bá₄
chein₂₃ caun₂ si₂,

nē₂jag₄ bá₄ ca₂jnia₃ caun₂ jmig₄ 'mí₂

79 ja₁con₂ dsa₂ i₂tián'₅ jě₄ qui₁né'₃,

ja₁'ei₅ 'én'₁ 'mú₃ ně₃,

a₂j₁iog₃ jniog₄ caun₂ juí₅ ja₁'ag₃ tei₄.

80 Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃ jui₅ jme₂dsí₂ nē₃; ca₂guá₂ caun₂ ja₁lě₄ 'uē₃ quein₂ co₂'ñiog₅, ca₂lia'₂ ca₂tě₂ jmi_g₄ a₂ca₂jme₃jniai₂₃ jin₄ dsa₂ juig₂ Israel.

2

Ca₂rē₃chán₃ Jesús (Mateo 1:18-25)

1 Jaun₂ ca₂lě₃ nē₃ jmi_g₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioin₃ ca₂le₃jín₃ dsa₂ ta₁caun₂ mi₂güig₃.

2 (Jē₁le₂'uig₅₄ si₂ nē₅ ca₂cho₃ dsa₂ lia'₂ con'₂ jme₁lín₄ Cirenio dsi₄má'₂ 'uē₃ Siria.)

3 Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄, a₂qui₂dsi₃tioin₃ si₂.

4 Jaun₂ ca₂'í₃ José jui₅ ca₂o₃'ín₃ juig₂ Nazaret ja₁tén₄ 'uē₃ Galilea, ca₂ñái'₃ ju₅ 'uē₃ Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José.

5 Ca₂i₁tioin₃ si₂ ja₁jaun₂ quian'₅₄ María i₂ma₂lí'₅₄ já_g₁ jéin'₂ gu₂ quian'₅₄; ma₂quian'₂₃ bá₄ guein₂ ñi₂₃.

6 Ca₂lě₃ nē₃, con'₂ ma₂tioin'₅₄ ja₁jaun₂, ca₂dsin₃ jmi_g₄ a₂le₃chan₂ guein₂ quiáin₅.

7 Ja₁jaun₂ ca₂rē₃chán₃ guein₂ ne₅₄ 'éi₂ quiáin₅, 'ein₅₄ ca₂lio₃ 'mi'₂, ca₂quio₂₃ 'ñió'₃ tsi₁gu₅ ja₁gué'₅ já'₂, 'uig₅₄ ia₁ a₂tsá₃ ma₃ja₁ca₂tín₂ dsi₂néi₂ ja₁siá'₂ ja₁ñia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

8 'Uē₃ jaun₂ jme₁tion'₅₄ jñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂'uē₂ jaun₂.

9 Ca₂jme₃jnia₅ jan₂ ángel quián₅ Te₁gui'₅₄ ne₅₄,
ca₂jnia₃ co₂tág₅ co₂'né'₅ quió'₅ Te₁gui'₅₄ le₃lág'₃
ja₁tioin'₅₄, jaun₂ ca₂rè₃gó'₅ 'ñio₅ lin₃.

10 La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ě₃ jág₁ dse₃ bá₄
jniá₂ guio₃, caun₂ jág₁ quió'₅ ca₂le₃jín₃ dsa₂, jiá₃ cán₂
o₂'ñio₃ dsi₅.

11 Ia₁ jmi₄ ně₃, ca₂rè₃chan₂ o₄quián'₂ 'nia'₂ juig₂
go₄ David, jan₂ i₂lió₂, i₂lín₅ Te₁gui'₅₄ I₂rè₂'ín₁ quián₅
Diú₄.

12 Quian'₅₄ léi₄ la₂ o₁quion'₂ 'nia'₂ 'í₁: dsian'₂
'nia'₂ guein₂ rē₂bón'₅ 'mí'₂, rē₂quian₂₃ 'ñio'₃ tsi₁gu₅
ja₁gué'₅ já'₂.

13 Dsi₂jui₅ con'₂ tsá₃ jáin₅, ca₂jín₂ juin₅ lin₃ ángeles
sián'₂ con₂ ángel 'éi₂, ca₂tóin'₂ jme₂juin'₂ Diú₄
ca₂juá'₂:

14 jui₁le₂juin'₂ Diú₄ guei'₅₄ i₂juíg'₃!

Ne₄ gua'₅₄ 'uē₃ ně₃,

jui₁'ei₅ tei₄ ja₁con₂ dsa₂ mi₂güí₃

i₂ma₂dsia₅ Diú₄ dse₃ dsi₅ o₄quió'₄.

15 Ca₂lě₃ ně₃, jme₁ma₂lén₃ ángeles guei'₅₄ i₂juíg'₃,
jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂
qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lě₃
ja₁jaun₂, con'₂ lě₅ jág₁ ma₂ně₂'ě₂ Te₁gui'₅₄.

16 Ca₂i₃lén₂ jaun₂ ně₃ tē₂le₃ dséi₂. Dsón'₂ rē'₂
ja₁jaun₂ ca₂dsáin'₂ María quian'₅₄ José, guein₂ ně₃
rē₂quian₂₃ 'ñio'₃ gu₅ ja₁gué'₅ já'₂.

17 Jme₁ca₂jág₂, jaun₂ gué₄ ca₂dsia₃ 'a₂ lia'₂ lě₅ jág₁
a₂ca₂nág₂, a₂ca₂'ě₂ ángel a₂'iin₂₃ guein₂,

18 jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁
a₂dsia₅ dsa₂ i₂quián₅ já'₂ cha'₂ 'éi₂.

19 La₁ María ně₃, 'no'₂ bá₄ dsí₅ ca₂le₃jě₃, 'e₂ jein₅
a₂lě₂ jaun₂.

20 Dsa₂ i₂jmo₅ 'í₁ já'₂ cha'₂ ně₃, ca₂i₃lein₃ bá₄ táng₃
qui₂jme₂juin'₂ Diú₄, qui₂cuě₂₃ ti₁'mag'₄ o₄quió'₄
ca₂le₃jě₃ a₂ca₂tě₂ ne₅₄ quian'₅₄ a₂qui₂ca₂nág₂. Ia₁
ca₂le₃jě₃ bá₄ ca₂rě₃ti₃ con'₂ lě₅ ca₂juá'₂ ángel.

Ca₂i₃jme₂jniai₂₃ guein₂ Jesús guá'₅

21 Jme₁ca₂dsin₃ jnia₃ jmig₄, ca₂ti₃ dsa₂ lo₄ guein₂,
jaun₂ ca₂quiong₃ JESÚS* lia'₂ con'₂ lě₅ ca₂juá'₂ ángel
ca₂tsí'₃ María né'₃ a₂caun₂.

22 Jme₁ca₂dsin₃ jmig₄ a₂'i₄ 'éi'₃ jmo₃ le₃jín₃
a₂jme₂ti₃ lia'₂ con'₂ lě₅ 'Ei'₃ quió'₅ Moisés, ca₂i₃lein₅₄
Jerusalén jniai₂₃ guein₂ i₁jein'₅₄ ne₄ Te₁gui'₅₄.

23 Ca₂jmo₃ le₂ně₅ ia₁ ton₅ ne₄ Si₂ quió'₅ Te₁gui'₅₄:
“Ca₂le₃jín₃ guein₂ dsa₂ ŋe'₂ i₂ne₅₄ i₂le₃chan₂, lén₂
i₂lě₅ 'í₁ quián₅ Te₁gui'₅₄.”†

24 Ja₁jaun₂ ca₂jén'₃ ján₃ con'₂ lě₅ juá'₂ 'éi'₃ quió'₅
Te₁gui'₅₄: “On₃ i₁ju₂, o₃ co₂dsán'₃ i₁ju₂ bě₂ 'e₂.”‡

25 Jmig₄ jaun₂, jme₁chan₂ jan₂ dsa₂ jě₄ juig₂
Jerusalén i₂jme₁chen₂ Simeón. Jme₁lín₄ jan₂
dsa₂ dsen₃ lín₃, i₂jme₁jme₂gan₃ Diú₄; jme₁chain₂
chi₁jnia₂₃ a₂guán₂ i₂cuě₃ lián'₂ quió'₅ dsa₂ juig₂
Israel. Jme₁quiong'₅₄ Jme₂dsí₂ Jñi₅;

26 'éi₂ bá₄ ma₂ca₂'ě₂ jág₁ ne₅₄ a₂tsá₃ jóin₂ ca₂lia'₂
ca₂jín₂ de'₂ I₂rě₂'ín₁ quián₅ Te₁gui'₅₄.

* **2:21** Lia'₂ chen₂ Jesús (hebreo: Yeshua) jein₅ jág₁ “Li₂ó₂ bá,
Te₁gui'₅₄.” † **2:23** Éxodo 13:2. ‡ **2:24** Levítico 5:11; 12:8.

27 Jmíg₄ jaun₂ nǒ₃ jiog₅ Jme₂dsí₂ Jñió₅ juí₅ guá'₅
templo. Ja₁jaun₂ jme₁'ein₅₄ ně₃ jme₁ca₂dsi₃lén₂
chog₅₄-jmei₂ guein₂ Jesús, jñiai₂₃ guein₂ a₂jmo₃
quiong'₅₄ con'₂ lě₅ tag₄ chí'₅ a₂quí'₅ 'Éi'₃.

28 Jaun₂ ca₂jñau'₃ Simeón ca₂jñai'₃ guein₂,
ca₂jme₃juin'₂ Diú₄, ca₂juá'₂:

29 Ně₃ guě₄ ně₃, 'ne₂ juig₃ quiáng₃,
ma₂lé₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lě₅ jág₁ quiáng'₂.

30 Ia₁ la₂ ca₂tě₂ ne₃ i₂ma₂cheng'₂ lió₂,

31 i₂ma₂jmo'₅₄ co₂jñia₅₄ quián₅ ca₂le₃jě₃ juig₂ nación.

32 I₂la₂ bá₄ i₂lín₅ si₂

i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁

juig₂ Israel quiáng'₂.

33 Ca₂i₃gó'₃ dsí₅ bá₄ José quian'₅₄ chog₅₄ guein₂,
o₄quíó'₄ jág₁ a₂ca₂juá'₂ Simeón jaun₂, 'in₂₃ guein₂.

34 Jaun₂ ca₂jme₃gu'₅₄ Simeón quió'₅, jaun₂ ca₂juá'₂
ca₂tsí'₃ María chog₅₄ guein₂:

—Ní₂, 'en₅₄ juí₅ guein₂ la₂ já₅, jmo₃ a₂dsi₃gan'₅₄ 'uě₃
juin₅ dsa₂ juig₂ Israel, o₃ tē₂le₃ ron'₂ juin₅ 'e₂. Já₅ lín₅
caun₂ léi₄ quió'₅ i₂'ag₃ i₂ná_{u3} quen₅ i₂le₃'iog₅₄.

35 Le₂ně₅ bá₄ jióg'₃ 'í₁ le₃jniá₂ 'a₂ lia'₂ dsi₂jio₅ dsí₅
dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₃ñíg'₂
ně₂jag₄ bá₄ caun₂ ñi₁tág₂ dsi₂tia₃ tē₂'au'₂.

36 Ján₃ bá₄ jaun₂ jme₁'en₅₄ jan₂ guiong'₂ i₂chen₂
Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃
jme₁'ě₂ jág₁ o₄quíó'₄ Diú₄ ján₃. Jme₁ma₂guein'₂.
Mei'₂ bá₄ lia'₂ con'₂ ca₂jen'₂ gu₂. Guio₃ ñi₂ bá₄
ca₂rě₃quiain'₅₄ dsa₂ ñe'₂ quián₅.

37 Quén'₂ ne₂guióg₂ rē₂dsí₂ quén₂ (84) η₂
a₂ca₂rē₃'nii₂.§ Guiong'₂ 'éi₂ ně₃ jme₁'ein₅₄ tián₂
i₁dsi₅ guá'₅. 'Uē₂-jmi₂ bá₄ jme₁jme₂ti₃ ne₄ Te₁gui'₅₄
chi₂léin'₂ Diú₄ a₂jme₂'iin₅₄ ně₃.

38 Hora jaun₂ dé₄ ca₂dsióg₃ ja₁tión₂ dsa₂, ca₂cué'₃
ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅
ca₂le₃jín₃ dsa₂ i₂tion'₅₄ i₂le₁jñia₅ a₂lión₂ dsa₂ juig₂
Jerusalén.

Ca₂i₃lein₃ táng₃ Nazaret

39 Jaun₂ ně₃ jme₁ma₂ca₂lě₃ jmo₂₃ ca₂le₃jě₃ con'₂ lě₅
ta₁ quí'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uē₃
Galilea, ja₁niog₅ Nazaret, juig₂ go₅₄.

40 Guein₂ ně₃, caun₂ ca₂i₃juin'₂ bá₄, caun₂
ca₂rē₃'uáin'₃ ně₃, ton'₂ 'ñio₅ lín₃ η₅, Diú₄ bá₄
jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

41 Ca₂le₃jě₃ η₂ jme₁dsi₂lén₂ chog₅₄-jmei₂ Jmig₄
Tē₂'in₅₄ a₂tě₅ Jerusalén.

42 Jme₁ca₂dsí'₃ Jesús guia₃-tín₂ η₂, ca₂i₃lén₂ táng₃
co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃
η₂ dsí₃lén₂ jmig₄ jaun₂.

43 Jme₁ca₂gú'₃ jmig₄, ca₂i₃lein₃ táng₃. Tsá₃
ca₂rē₃lí'₄ chog₅₄-jmei₂ jñia'₅₄ jaun₂ bá₄ tē₁'ñia₄ Jesús
Jerusalén,

44 ia₁ lín₂ ma₂ñái'₅ bá₄ quiaín'₅₄ dsa₂ sián'₂. Caun₂
jmig₄ ma₂ne₁ñó₄ tioin'₅₄ jui₅ i₃lein₃ jme₁ca₂'nau'₂ jin₄
o₁riin'₅₄, jin₄ dsa₂ i₂cuin₂₃ ně₃.

45 La₁ tsá₃ ca₂dsáu'₂. Jaun₂ ca₂jéin'₃ táng₃ jui₅
ca₂i₃lén₂ Jerusalén ca₂i₁'niog'₂ ja₁jaun₂.

§ 2:37 o₃, “Ma₂'ein₅₄ quén'₂ ne₂guióg₂ rē₂dsí₂ quén₂ (84) η₂.”

46 A₂'ni₅ jmig₄ jaun₂ jme₁ca₂dsáu'₂ i₁dsi₅ guá'₅,
guá'₅ jin₄ tē₅juá'₅, nag₂₃ jág₁, ηag₂₃ ηii'₅ 'éi₂ ně₃.

47 Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁
quió'₅, ia₁ 'ηio₅ lin₃ ηi₅ 'a₂ lia'₂ qui₂jéin'₃ jág₁ quió'₅
dsa₂ 'éi₂.

48 Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂
ca₂juá'₂ chog₅₄:

—Jón₃, ħ'e₂ lē₃ jmog'₅₄ le₂nē₅? Néi'₅, jniá₂ ně₃,
ma₂nē₂i₁nio₁ 'i₅ dsí₅ 'niog'₂ jnia'₅₄.

49 Jaun₂ ca₂ηag₃ Jesús:

—ħ'E₂ lē₃ 'nau'₂ 'nia'₂ jniá₂? ħTsa₁ ηi'₅₄ 'nia'₂
a₂ca₂tíng₂ 'ú₄ ta₁ quió'₅ Ne'₃?

50 La₁ tsá₃ ca₂ηí'₂ dsí₅ 'éi₂ 'e₂ jein₅ jág₁ jaun₂.

51 Jaun₂ ca₂jóin'₃ bá₄ quiaín'₅₄ chog₅₄-jmei₂ jui₅
Nazaret. Caun₂ bá₄ ne'₅₄ ca₂le₃jě₃ a₂tē₂néi'₂ chog₅₄-
jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂.

52 Jaun₂ caun₂ ca₂i₃juin'₂ bá₄ Jesús, rē₂ niog₅ dsi₅₄,
rē₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

3

*Ĕ₂ Juan₅₄ i₂chon₅ dsa₂ jmig₂ jág₁ caun₂ 'uē₃ quein₂
co₂'ηiog₅*

(Mateo 3:1-12; Marcos 1:18; Juan 1:19-28)

1 Ni₂ guia₃-'ηiá₂ lia'₂ con'₂ jme₁lín₄ emperador
Tiberio, jmig₄ lia'₂ con'₂ jme₁lín₄ táng₃ Poncio Pilato
dsi₄má'₂ 'uē₃ Judea; Herodes guē'₂ jme₁lín₄ rag₅₄
i₂jmo₅ 'éi'₃ 'uē₃ Galilea; Felipe riin'₅₄ guē'₂ jme₁lín₄
dsi₄má'₂ le₂tan₅₄ juig₂ Iturea quian'₅₄ Traconite;
Lisancias ně₃ jme₁lín₄ dsi₄má'₂ quián₅ Abilinia.

2 Ján₃ bá₄ jmig₄ jaun₂ jme₁lín₄ jme₂dsa₂ dsen₅₄
Anás quian'₅₄ Caifás. Con'₂ jmig₄ jaun₂ dé₄ ně₃,

ca₂të₃ Diú₄ ca₂të'₃ Juan₅₄, ja₁ŋi'₅₄ Zacarías, 'uë₃
co₂'ŋiog₅ ja₁jme₁guá₄.

³ Juan₅₄ në₃ ca₂ŋi'₃ le₂tan₅₄ juig₂ te₁'i₁ ma₂quián₅
Cuá₃ Jordán, qui₂tsí'₅ dsa₂ a₂'nió'₅ tsóin₃ jmig₂, cuë₃
léi₄ a₂ma₂ca₂dsi₃quén'₅ dsí'₅ ia₁jaun₂ le₃'én₂ Diú₄
dsáu₁.

⁴ Le₂në₅ bá₄ ca₂lë₃ ca₂rë₃ti₃ con'₂ lë₅ jág₁ a₂ca₂tó'₂
Isaías ne₄ si₂, i₂jme₁'ë₂ jág₁ o₄quió'₄ Diú₄, a₂ca₂juá'₂:
Nag₃ dsa₂ co₂mi'₅₄ jág₁

caun₂ 'uë₃ co₂'ŋiog₅, a₂juá'₂:

Jmo₄ 'nia'₂ co₂ŋia₅₄ jui₅ quió'₅ Te₁gui'₅₄:

Nia₄ 'nia'₂ caun₂ jui₅ co₂dsau₅.

⁵ Ca₂le₃jë₃ ji'₅₄ siá'₅ 'nió'₅ le₃can'₂,

ca₂le₃jë₃ dsi₂con'₂, má'₂, 'nió'₅ 'ag₃ co₂rë₂;

Ca₂le₃jë₃ jui₅ qui₂rë₂guion'₂, 'nió'₅ lé₂ co₂dsau₅,

jui₅ a₂qui₂le₁quin'₅₄, 'nió'₅ lei₂.

⁶ Ca₂le₃jín₃ dsa₂ mi₂güí₃g bá₄ jág₃

'a₂ lia'₂ lë₅ a₂jmo₃ Diú₄ lió₂.*

⁷ Jaun₂ ca₂'uín₂ dsa₂ quió'₅, ca₂o₃lëin₂ mi₂₃ cho₃
Juan₅₄ jmig₂,† jaun₂ ca₂juá'₂ 'éi₂:

—i'Nia'₂ tsi₁jon₂ dsi₂mi'₂! ¿'Ein₂ bá₄ në₂chí'₃ 'nia'₂
a₂cuíng'₂ long'₅₄ uig₅ a₂ja₂quián₃?

⁸ Cuë₄ 'nia'₂ léi₄ jaun₂ a₂të₃dsón'₂
ma₂ca₂dsi₃quén'₅ 'au'₂. 'A₃ lë₁ju₁dsi₂jnia₅ 'au'₂
'nia'₂ jua'₅₄ a₂jua'₅₄: “Lág₅ jnia'₅₄ tsi₁jon₂ Abraham”;
ia₁ jniá₂ juá'₅, Diú₄ qui'₅₄ jmig₄ jmo₃ ca₂të₂ ni₁cang₁
tio'₅₄ la₂, lé₂ le₃jmói'₂ chi'₂-guein₂ quián₅ Abraham.

⁹ Ia₁ ma₂lë₅ co₂ŋia₅₄ ŋi₁dsi₁ a₂qui₃uín'₂ ni₁'ma₂.
Ca₂le₃jë₃ 'ma₂ a₂tsá₃ dse₃ mí₃g₂ 'ag₅, uín'₂ dsi₃to'₅₄ si₂.

¹⁰ Jaun₂ ca₂ŋag₃ dsa₂:

* **3:6** Isaías 40:3-5. † **3:7** lit. “tióg₂ Juan₅₄ jmig₂.”

—ǂ'E₂ bá₄ le₃jmó₁ jnia'₅₄ jaun₂ ně₃?

11 Jaun₂ ca₂ŋag₃ táng₃:

—I₂cha₂ tin₃ dsán'₃ tsin'₅₄, jui₁cuě'₄ co₂dsán'₃ i₂tsá₃ cha₂ quió'₅; le₂jaun₂ guě'₂ jui₁lia'₂ i₂cha₂ a₂guě'₃, jui₁jme'₂oin₅₄ jui₁lia'₂ i₂tsá₃ cha₂ quió'₅.

12 Ca₂O₃lén₂ i₂lín₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmíg₂, jaun₂ ca₂tsí'₃ Juan₅₄:

—Tě₅, ǂ'e₂ bá₄ lé₂ le₃jmó₁ jnia'₅₄?

13 Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ŋag₅₄ guě'₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

14 Ca₂O₃lén₂ i₂lín₅₄ 'lióg₂ ně₃, ca₂ŋag₃:

—Jnia'₅₄ guě'₂ ně₃: ǂ'E₂ bá₄ ca₂tág₂ jnia'₅₄ jmó'₁?

Jaun₂ ca₂ŋag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁jñiá'₄ 'e₂ qui₁jñiá'₄ quió'₅, on₃ guě'₂ qui₁'níg'₄ dsa₂ jua'₅₄ a₂lě₁qui₁'ní'₄. Jui₁le₂'ŋio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

15 La₁ dsa₂ ně₃, tsá₃ tei₄ le₁'ág₄ dsi₅ tioen'₅₄, le₁jñia₂₃ le₃ŋi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄.

16 Jaun₂ ca₂juá'₂ Juan₅₄ 'ŋiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmíg₂; la₁ i₂já₅ chi₂quín₃ ně₅, tióg₂ Jme₂dsí₂ Jñiós₅, jě₄ si₂ ně₃. 'Éi₂ bá₄ i₂'uan'₂ guě'₄ lia'₂ con'₂ guě'₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsí'₅₄.

17 Ma₂chi₁chan'₂ si₂jmu₂ a₂jme₂dse₃ míg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmíg₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tšin₂₃ dsa₂ jág₁ dse₃.

19 Ján₃ bá₄ ca₂jéin₂ Rag₅₄ Herodes, ia₁
a₂jme₁ma₂guá₅ 'éi₂ quian'₅₄ 'í_o₅₄ Herodías dsa₂
mí₂ quián₅ riin'₅₄,[‡] ne₄ 'lióng₂ guě₄ a₂'lig'₅₄ siá'₂
a₂jme₁jmo₅-dsá_u₅ Herodes;

20 la₁ tē₂le₃ ŋag₅₄ guě₄ ca₂jme₃ja₃: né'₃ 'má₃ bá₄
ca₂tiáin₂ Juan₅₄.

Ca₂chon₃ Juan₅₄ jmig₂ Jesús

(Mateo 3:13-17; Marcos 1:9-11)

21 Jme₁ma₂ca₂lě₃ choin₂₃§ jmig₂ ca₂le₃jín₃ dsa₂,
jme₁ma₂ně₂chon₃a Jesús jmig₂, a₂ma₂chéin'₅
chi₂lěin'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃.

22 Ca₂sión₃ Jme₂dsí₂ ŋjío₅ chi₁dsáin₃ jniá₂ lia'₂
jniá₂ jan₂ i₁ju₂, ne₄ quió'₅. Jaun₂ ca₂né'₂ já_g₁ a₂já₅
guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ŋio₂
bá₄ dsi₃ 'ŋio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ŋí₂ ma₂dsi₃jo₃

(Mateo 1:1-17)

23 Con'₂ guióg₂-guiá₂ ŋi₂ bá₄ jme₁ma₂'en₅₄ Jesús
lia'₂ con'₂ jme₁ca₂jme₃lióg₃ ca₂jme₃tiin₂₃ dsa₂ já_g₁
dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ŋi'₅₄ Sě₄.
Jaun₂ Sě₄ 'éi₂ ca₂já₃ ca₂liin₃ ja₁ŋi'₅₄ Elí.

24 Elí 'éi₂ guě'₂ ně₃ ca₂já₃ ca₂liin₃ ja₁ŋi'₅₄ Matat;
Matat 'éi₂ guě'₂ ně₃ ca₂já₃ ca₂liin₃ ja₁ŋi'₅₄ Leví
i₂jme₁lín₄ ja₁ŋi'₅₄ Melqui;

Melqui ně₃ jme₁lín₄ chi'₂ quián₅ Jana,
i₂jme₁lín₄ chi'₂ quián₅ José;

‡ 3:19 A₂lín₅₄ chog₅₄ si₂: “Felipe riin'₅₄.” § 3:21 lit. “tiáin₂.”

* 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅
táng₃ “jmig₄ ně₃ ca₂lǐng₃ ŋéi'₅.”

25 José ně₅ ně₃ ca₂já₃ ca₂liin₃ chi'₂ quián₅ Matatías;
 Matatías guë'₂ ně₃ ca₂já₃ ca₂liin₃ ja₁ŋi'₅₄ Amós;
 Amós jme₁lín₄ ja₁ŋi'₅₄ Nahum;
 Nahum guë'₂ jme₁lín₄ ja₁ŋi'₅₄ Esli,
 i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;
 Ma'at guë'₂ ca₂já₃ ca₂liin₃ ja₁ŋi'₅₄ Matatías;
 Matatías guë'₂ ca₂já₃ ca₂liin₃ chi'₂ quián₅ Semei;
 Semei 'éi₂ ně₃ ca₂já₃ ca₂liin₃ ja₁ŋi'₅₄ i₂chen₂ José;
 José guë'₂ ně₃ ca₂já₃ ca₂liin₃ ja₁ŋi'₅₄ Judá;
 27 Judá 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Joana;
 Joana 'éi₂ guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Resa;
 Resa guë'₂ ně₃
 ca₂já₃ ca₂liin₃ ja₁ŋi'₅₄ i₂chen₂ Zorobabel;
 Zorobabel guë'₂ ně₃
 ca₂já₃ ca₂liin₃ chi'₂ quián₅ i₂jme₁chen₂ Salatiel,
 i₂jme₁lín₄ ja₁ŋi'₅₄ Neri,

28 i₂jme₁lín₄ ja₁ŋi'₅₄ Melqui,
 i₂jme₁lín₄ ja₁ŋi'₅₄ Adi,
 i₂jme₁lín₄ chi'₂ quián₅ i₂chen₂ Cosam,
 i₂jme₁lín₄ chi'₂ quián₅ Elmodam,
 i₂jme₁lín₄ chi'₂ quián₅ i₂jme₁chen₂ Er,

29 i₂jme₁lín₄ chi'₂ quián₅ Josué;
 Josué ně₃ ca₂já₃ ca₂liin₃ ja₁ŋi'₅₄ Eliezer;
 Eliezer guë'₂ ně₃ ca₂já₃ ca₂liin₃ ja₁ŋi'₅₄ Jorim,
 i₂jme₁lín₄ ja₁ŋi'₅₄ Matat;

30 Matat guë'₂ ně₃ ca₂já₃ ca₂liin₃ ja₁ŋi'₅₄ Leví;
 Leví guë'₂ ně₃ ca₂já₃ ca₂liin₃ ja₁ŋi'₅₄ Simeón;
 Simeón guë'₂ ně₃ ca₂já₃ ca₂liin₃ ja₁ŋi'₅₄ Judá;
 Judá guë'₂ ně₃ ca₂já₃ ca₂liin₃ ja₁ŋi'₅₄ José;

José 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Eliaquim;
 31 Eliaquim guë'₂ ca₂já₃ ca₂liin₃ ja₁ŋi'₅₄ Melea;
 Melea guë'₂ ca₂já₃ ca₂liin₃ ja₁ŋi'₅₄ Mainán;
 Mainán guë'₂ ca₂já₃ ca₂liin₃ ja₁ŋi'₅₄ Matata;
 Matata guë'₂ ně₃ ca₂já₃ ca₂liin₃ ja₁ŋi'₅₄ Natán;
 32 Natán guë'₂ ca₂já₃ ca₂liin₃ ja₁ŋi'₅₄ David;
 David 'éi₂ guë'₂ ně₃ ca₂já₃ ca₂liin₃ ja₁ŋi'₅₄ Isai;
 Isai guë'₂ ně₃ ca₂já₃ ca₂liin₃ ja₁ŋi'₅₄ Obed;
 Obed guë'₂ ca₂já₃ ca₂liin₃ ja₁ŋi'₅₄ Bo'oz;
 Bo'oz guë'₂ ca₂já₃ ca₂liin₃ ja₁ŋi'₅₄ Salmón;
 Salmón guë'₂ ca₂já₃ ca₂liin₃ ja₁ŋi'₅₄ Na'asón;
 33 Na'asón guë'₂ ně₃ ca₂já₃ ca₂liin₃ ja₁ŋi'₅₄ Ami-
 nadab;
 Aminadab guë'₂ ca₂já₃ ca₂liin₃ ja₁ŋi'₅₄ Aram;
 Aram guë'₂ ně₃ ca₂já₃ ca₂liin₃ ja₁ŋi'₅₄ Esrom;
 Esrom guë'₂ ca₂já₃ ca₂liin₃ ja₁ŋi'₅₄ Fares;
 Fares guë'₂ ně₃ ca₂já₃ ca₂liin₃ ja₁ŋi'₅₄ Judá;
 34 Judá guë'₂ ně₃ ca₂já₃ ca₂liin₃ ja₁ŋi'₅₄ Jacob;
 Jacob guë'₂ ně₃ ca₂já₃ ca₂liin₃ ja₁ŋi'₅₄ Isaac;
 Isaac guë'₂ ně₃ ca₂já₃ ca₂liin₃ ja₁ŋi'₅₄ Abraham;
 Abraham guë'₂ ně₃ ca₂já₃ ca₂liin₃ ja₁ŋi'₅₄ Taré;
 Taré guë'₂ ně₃ ca₂já₃ ca₂liin₃ ja₁ŋi'₅₄ Nacor;
 35 Nacor guë'₂ ca₂já₃ ca₂liin₃ ja₁ŋi'₅₄ Serug;
 Serug guë'₂ ca₂já₃ ca₂liin₃ ja₁ŋi'₅₄ Ragau;
 Ragau guë'₂ ca₂já₃ ca₂liin₃ ja₁ŋi'₅₄ Peleg;
 Peleg guë'₂ ně₃ ca₂já₃ ca₂liin₃ ja₁ŋi'₅₄ Heber;
 Heber guë'₂ ca₂já₃ ca₂liin₃ ja₁ŋi'₅₄ Sala;
 36 Sala guë'₂ ca₂já₃ ca₂liin₃ ja₁ŋi'₅₄ Cainán;
 Cainán guë'₂ ca₂já₃ ca₂liin₃ ja₁ŋi'₅₄ Arfaxad;
 Arfaxad guë'₂ ca₂já₃ ca₂liin₃ ja₁ŋi'₅₄ Sem;
 Sem guë'₂ ca₂já₃ ca₂liin₃ ja₁ŋi'₅₄ Noé;
 Noé guë'₂ ca₂já₃ ca₂liin₃ ja₁ŋi'₅₄ Lamec;

37 Lamec guë'₂ ně₃ ca₂já₃ ca₂liin₃ ja₁ŋi'₅₄ Matusalén;
 Matusalén guë'₂ ně₃ ca₂já₃ ca₂liin₃ ja₁ŋi'₅₄ Enoc;
 Enoc guë'₂ ně₃ ca₂já₃ ca₂liin₃ ja₁ŋi'₅₄ Jared;
 Jared guë'₂ ně₃ ca₂já₃ ca₂liin₃ ja₁ŋi'₅₄ Mahalale'el;
 Mahalale'el guë'₂ ně₃ ca₂já₃ ca₂liin₃ ja₁ŋi'₅₄ Cainán;
 38 Cainán guë'₂ ně₃ ca₂já₃ ca₂liin₃ ja₁ŋi'₅₄ Enós;
 Enós guë'₂ ně₃ ca₂já₃ ca₂liin₃ ja₁ŋi'₅₄ Set;
 Set guë'₂ ně₃ ca₂já₃ ca₂liin₃ ja₁ŋi'₅₄ Adán;
 Adán guë'₂ ně₃ ca₂já₃ ca₂liin₃ co₂'nió'₄ ja₁ŋi'₅₄ Diú₄.

4

*Ca₂caun₃ i₂sě₃dse_{n3} táu₂ quió'₅ Jesús
 (Mateo 4:1-11; Marcos 1:12-13)*

1 Jaun₂ Jesús ně₃, ma₂rě₂rĭin₅ Jme₂dsí₂ Jŋi_{ó5},
 ca₂o₃'i_{in3} Cuá₃ Jordán. Ca₂jio_{g3} Jme₂dsí₂ caun₂ 'uě₃
 quein₂ co₂'ŋio_{g5}.

2 Ja₁jaun₂ ca₂i₁'i₅ tē₂láu₃ jmĭ_{g4}, ia₁jaun₂ cáun₂ táu₂
 i₂sě₃dse_{n3}. Tsá₃ 'e₂ ca₂guě'₃ 'i₁ca₂juĭ_{g4} tē₁lia'₂ jmĭ_{g4}
 jaun₂. Jme₁ca₂dsan₃ jaun₂, jaun₂ guě₄ ma₂i₁cón'₅
 'ŋio₅ lĭn₃.

3 Jaun₂ ca₂juá'₂ i₂sě₃dse_{n3}:

—Chi₂jua'₂ dsón'₂ líng'₅ Ja₁ŋi'₅₄ Diú₄, jmo₄ jui₁le₅₄
 i₁ŋí'₄ ni₁cang₁ ně₅.

4 Jaun₂ ca₂ŋag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ŋí'₄
 le₃tan₅₄ dsa₂ mi₂güĭ_{g3} le₃chain₂.”* , †

5 Jaun₂ ca₂jio_{g3} táng₃ i₂sě₃dse_{n3} caun₂ má'₂ ja₁ŋe_{i5}.
 Ja₁jaun₂ ca₂'ě₃ ca₂tiá₂ tei₄ ca₂le₃jě₃ juĭ_{g2} te₁'i₁ gua'₅₄
 'uě₃.

6 Jaun₂ ca₂juá'₂:

* **4:4** Deuteronomio 8:3. † **4:4** A₂lĭn₅₄ chog₅₄ si₂ juá'₂ ján₃: “a₂'nió'₅
 le₂chain₂ nag₃ jág₁ quió'₅ Diú₄ ně₃.”

—Gog'₂ 'ne₂ bá₄ dsia₅₄ jniá'₂ ca₂le₃jě₃ juig'₂ nē₅; 'ne₂ bá₄ gong'₂ lé₂, 'ó'₄ bí₂, qui₂jme₃juag'₂ dsa₂. Ia₁ a₂nio₅ ne₃ jniá'₂ bá₄ nē₅, ton'₂ lé₂ le₃cué₄ jniá'₂ 'ein₂ 'nio₃ cué₄.

⁷ Jaun₂ a₂lé₂ quiáng'₂ nē₁jua'₂ ca₂chi₁jne'₄ ne₃ jme₁juag'₂.

⁸ Jaun₂ ca₂ηag₃ Jesús:

—Ne₄ Si₂‡ quió'₅ Diú₄ chi₁ton₅: “Jme₁gan₃ 'nia'₂ Te₁gui'₅₄ Diú₄ quiáng'₂; ne₄ jan₂ 'éi₂ bá₄ ca₂tín'₂ 'nia'₂ jme₁ti'₄.”§

⁹ Cang₂ jaun₂ ca₂jiog₃ táng₃ i₂sē₃dsen₃ juig'₂ Jerusalén, jaun₂ ca₂i₁chei'₂ caun₂ ja₁lě₄ ja₁ηei₅ gué₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ηi'₅₄ Diú₄, tian'₅₄ ca₂tě₂ 'uě₃;

¹⁰ ia₁ chi₁ton₅ ne₄ Si₂:

Dsiog₃ Diú₄ o₄gú₃ ángeles quiáin₅,

jaun₂ jmo₃ 'í₁;

¹¹ guéi'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

¹² Jaun₂ ca₂ηag₃ Jesús:

—Ján₃ bá₄ juá'₂ ne₄ si₂: “Tsá₃ tang'₅₄ Te₁gui'₅₄ Diú₄ quiáng'₂.”†

¹³ Jme₁ca₂dsan₃ ca₂le₃jě₃ a₂nio₅ ca₂juá'₂ i₂sē₃dsen₃ a₂cáun₂ táu₂ jaun₂, jaun₂ ca₂i₃uín₂ co₂'na₂, nē₁jua'₂ líg'₂ ca₂cuin₃ táng₃ jmig₄.

*Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)*

‡ **4:8** A₂lin₅₄ chog₅₄ si₂juá'₂ le₂la₂ján₃: “Jniag'₃ cau₅ quió' 'ne₂ Satanás, ia₁ ne₄ Si₂.” § **4:8** Deuteronomio 6:13. * **4:11** Salmo 91:11-12.

† **4:12** Deuteronomio 6:16.

14 Ca₂ŋá'₃ táng₃ Jesús jui₅ 'uë₃ Galilea rë₂can'₂
Jme₂dsí₂ Jñi₅ó₅ të₂dsí₅. Le₂con₂ juig₂ te₁'i₁ ma₂quián₅
jaun₂, ca₂i₃'ag₅₄ jág₁ 'ag₅ dsa₂.

15 Ca₂i₁jme₁tiin₂₃ dsa₂ le₂tan₅₄ guá'₅ sinagogas
quió'₅ dsa₂, jaun₂ ca₂le₃jín₃ bá₄ dsa₂ jme₁jme₂juag'₂.

Dsiáin'₃ táng₃ juig₂ Nazaret

(Mateo 13:53-58; Marcos 6:1-6)

16 Jaun₂ ca₂ŋái'₃ jui₅ Nazaret, ja₁ca₂i₃juin'₂.
Caun₂ jmig₄ sa₅₄ ca₂í₃ dsi₂néi₂ guá'₅ sinagoga,
ia₁ le₂jaun₂ tiin₂. Jaun₂ ca₂nau₂ a₂'i₃ Si₂.

17 Jaun₂ ca₂cuë₃ dsa₂ si₂ rë₂bin₅ quió'₅ Isaías
i₂jme₁'ë₂ jág₁ o₄quió'₄ Diú₄. Jme₁ma₂në₂néi'₃ si₂,
jaun₂ ca₂dsó'₂ ja₁chi₁ton₅ le₂la₂:

18 Dsín₂ Jme₂dsí₂ quián₅ Te₁gui'₅₄ ne₄ quió₃,

ia₁ ma₂ca₂'ag₃ jniá₂

a₂i₁'ë₃ jág₁ dse₃ jin₄ dsa₂ dsi₂ŋé₂.

Ca₂chei₃ a₂i₁'ë₃ jág₁ a₂lión₂ dsa₂ i₂qui₂le₁jní₅,

ton'₂ ján₃ guè'₂ jmo₅₄ jnia₅₄ jme₁ne₁ dsa₂ i₂ten₄;

qui₁long₁₂ dsa₂ i₂qui₂dsi₂ŋí₂ uig₅ qui₂j móg'₂
dsa₂;

19 a₂'ë₄ jmig₄ dse₃ a₂lió₂ Te₁gui'₅₄. †

20 Jaun₂ ca₂bíin₂ táng₃ si₂; ca₂jín'₃ dsa₂ i₂jme₂'o₅₄,
jaun₂ ca₂guá₂ táng₃. Ia₁ jaun₂ bá₄ tion'₅₄ dsa₂
ca₂le₃jín₃ le₁ŋii'₂, jág₂.

21 Jaun₂ ca₂jme₃lióg₃ Jesús ca₂juá'₂:

—Jmig₄ në₃ ca₂të₂ ne'₅₄ 'nia'₂ ca₂rë₃ti₃ a₂juá'₂ Si₂
në₅.

22 Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅
ca₂le₃jé₃ jág₁ jlá'₁ a₂'uë'₂ 'o₅₄. Jaun₂ qui₂ca₂ŋí'₃
riin'₅₄:

† 4:19 Isaías 61:1-2.

—¿On₁jua'₅₄ i₂në₅ 'éi₂ i₂lín₅ ja₁ŋi'₅₄ Së₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmi_g₄ le₃jua'₅₄ 'nia'₂ juig'₅₄ jniá₂ quio₃Š la₂: “Ne₂ tē₅mí₅ jma'₅₄ mí₅ 'ŋiag'₂.” Le₃jua'₅₄ 'nia'₂ në₃: “A₂ca₂rë₃ne₄ jnia'₅₄ a₂ca₂jmo'₅₄ Capernaum, ma₂në₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂të₃dsón'₂ juá'₅ jniá₂ juig'₂ 'nia'₂, 'i₁jan₂ dsa₂ i₂'ë₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄.

25 Tí₅ bá₄ jág₁ quió₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmi_g₄ lia'₂ con'₂ jme₁chan₂ Elías i₂jme₁'ë₂ jág₁ o₄quió'₄ Diú₄, lia'₂ con'₂ ca₂rë₃'ín₃ 'ŋio₅ lín₃ a₂gué'₃ dsa₂ ta₁caun₂ juig'₂ nación, ia₁ tsá₃ ma₃jmí₅ ca₂tang₂ 'ni₅ ŋi₂ tē₂ ca₂dsio₄.

26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ŋe₄ Elías, jŋia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂niog₅ quián₅ ciudad Sidón bá₄.

27 Já₁₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig'₂ Israel, lia'₂ con'₂ jmi_g₄ ca₂ŋi₃ Eliseo i₂jme₁'ë₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jŋia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uë₃ Siria bá₄.

28 Jme₁ca₂nág₂ dsa₂ jág₁ në₅, ca₂le₃jín₃ con'₂ i₂tion'₅₄ guá'₅ sinagoga ca₂rë₃'néi₃ 'lig'₅₄.

Š 4:23 quio₃; Já₁, quió'₅ dsa₂ Jen'₅₄, co₂'nió'₄ le₃jua'₅₄, caun₂ já₁ a₂ŋi'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'Í₂ 2 Reyes 5.

29 Qui₂ca₂nau₂ t₂ioin'₅₄, ca₂dsei₂₃ juig₂, ca₂i₃léin₂ le₁jiog₂₃ ca₂tē₂ ne₄ má'₂ ja₁lě₄ ni₁'lau₂ dsio'₅₄ juig₂, ia₁ a₂jme₁dsi₂jiog₅ dsí₅ jme₁tón₂ ja₁jaun₂.

30 La₁ con'₂ ca₂ŋi₅ bá₄ 'éi₂ jě₄ quió'₅, ca₂lón₂ ŋái'₅.

Jan₂ dsa₂ i₂jme₁'en₅₄ jme₂dsí₂ 'lin'₅₄

(Marcos 1:21-28)

31 Jaun₂ ca₂ŋó₃ Jesús juig₂ Capernaum, caun₂ juig₂ tén₅ 'uě₃ Galilea. Ja₁jaun₂ ca₂jme₃t₂in₂₃ dsa₂ jme₁jmig₄ sa₅₄.

32 'Ni₅ lin₃ dsí₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃.

33 Dsi₂néi₂ guá'₅ sinagoga ja₁tioin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

34 —i'Ne₂ ně₃! ĸ'E₂ lě₃ tiáng'₅ jě₄ quián₂ jnia'₅₄, 'ne₂ Jesús Nazareno?‡ ĸA₂i₃'éin'₃ jnia'₅₄ bá₄ 'ne₂ ŋe'₃? Guion₄ jniá₂ 'ein₂ líng'₅: 'ne₂ líng'₅ I₂jŋi₅ quián₅ Diú₄.

35 Jaun₂ ca₂jí₂ Jesús, ca₂juá'₂:

—i'Tei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uě₃ tē₃ jág₅ ca₂le₃jín₃, jaun₂ guě₄ ca₂o₃'iin₃, la₁ tsá₃ 'e₂ uig₅ ca₂jmóg'₂.

36 Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jín₄ riin'₅₄, ca₂juá'₂:

—ĸ'E₂ bá₄ jág₁ ně₅? I₂ně₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lin'₅₄ jě₁ma₂ca₂juá'₂.

37 A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

‡ 4:34 o₃, “i₂chan₂ Nazaret.”

38 A₂ca₂o₃'ín₃ Jesús guá'₅ sinagoga jaun₂, ca₂ηó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'i₄ dséi₂ 'ηio₅ lin₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄.

39 Jaun₂ ca₂jme₃quiáin₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

*Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Marcos 1:32-34)*

40 Tē₂le₃ ca₂nei₂ jmig₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ guě₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂.

41 Juin₅ bá₄ jme₂dsí₂ je₂na'₅₄ qui₂ca₂'uúin'₂ quió'₅ dsa₂, qui₂quió'₅ juá'₂:

—i'Ne₂ lín₅ Ja₁ηi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuě₃ jmig₄ jua'₅₄ a₂juá'₂ guě₄, ia₁ a₂ηi₅ rē₂ bá₄ je₂na'₅₄ a₂lín₅ 'éi₂ I₂rē₂'ín₁ quián₅ Diú₄.

*Ca₂ton₃ Jesús jág₁ 'uě₃ Galilea
(Marcos 1:35-39)*

42 Jme₁nia₃ jaun₂, ca₂o₃'ín₃ Jesús ηó₃ caun₂ ja₁lě₄ co₂'ηiog₅. La₁ ca₂le₃jín₃ dsa₂ ca₂i₁nioi₁₂ ca₂'nau'₂. Jaun₂ ně₃ jme₁ca₂dsá'u'₂, jme₁jnéi₂ jui₅ tsá₃ jme₁cuě₂₃ jmig₄ dsáin'₃.

43 Jaun₂ ca₂juá'₂ Jesús:

—Ca₂tín₂ jniá₂ qui₁i'₂ě₃ jág₁ jui₁lia'₂ ja₁gon₂ Diú₄, le₂tan₅₄ jui₂g₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

44 Jaun₂ le₂në₅ bá₄ ca₂ŋi₃ Jesús ca₂'ë₂ jág₁ le₂con₂ guá'₅ sinagogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ ju₄

(Mateo 4:18-22; Marcos 1:16-20)

¹ Ca₂lë₃ co₂ráun₂ jme₁'en₅₄ Jesús chei'₅₄ Jmi₁ŋí'₄ Genesaret.* Të₃jë₄ jaun₂ ca₂ŋi'₂ juin₅ lin₃ dsa₂, ca₂lia'₂ co₂'liog'₂ bá₄ tioin'₅₄, ia₁ 'nio₃ nag₃ jág₁ quió'₅ Diú₄.

² Jaun₂ ca₂jág₃ Jesús tin₃ tsi₁mu₅ a₂le₁jë₁, le₁'ág₄ chei'₅₄ jmig₂, ia₁ dsa₂ i₂tsán'₂ ju₄ jme₁ma₂sióin₃ i₂ráng₃ 'má₅ quió'₅.

³ Jaun₂ ca₂'í₃ Jesús caun₂ tsi₁mu₅ jaun₂, a₂lë₅ quió'₅ Si₂mu₅₄. Jaun₂ ca₂mi₃ a₂jiog₃ 'éi₂ ca₂juig₄ guë₄ le₃ne₄ jmig₂. Jaun₂ ca₂guá₂ 'ŋió'₃ tsi₁mu₅, jaun₂ ja₁jaun₂ ca₂jme₃lióg₃ ca₂jme₃tiin₂₃ dsa₂.

⁴ Jme₁ca₂dsan₃ cuë₂₃ jág₁, ca₂tsí'₃ Si₂mu₅₄:

—Jŋiog'₅₄ mu₅ quiáng'₂ le₃ja₁jí'₂ guë₄. Ja₁në₅ tiong₂ 'má₅ quiáng'₂, jaun₂ lén'₂ 'nia'₂ ju₄.

⁵ Jaun₂ ca₂ŋag₃ Si₂mu₅₄:

—Të₅, la₂ tio'₅₄ bá₄ jnia'₅₄ ta₁jma₃ nei₅ ca₂néi₃, tsá₃ 'ein₂ já'₂ ma₂lag₅ jnia'₅₄; la₁ i₁tion₃ caun₂ ia₁ a₂juá'₂ 'ne₂.

⁶ Jme₁ca₂jmo₃ le₂jaun₂, ca₂lia'₂ juin₅ lin₃ ju₄ i₃ton'₅₄, jnia'₅₄ mei'₂ tsá₃ ca₂gag₂ bá₄ 'má₅ quió'₅ tioin'₅₄.

⁷ Jaun₂ ca₂bí₂ gu₂ ca₂të'₃ riin'₅₄ i₂jme₁tion'₅₄ tsi₁mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂ 'éi₂ në₃, ca₂jme₃cain'₂ ta₁tin₃ tsi₁mu₅, jnia'₅₄ mei'₂ tsá₃ ca₂i₃guein'₅₄ bá₄ tioin'₅₄.

§ 4:44 A₂lin₅₄ chog₅₄ si₂ juá'₂: “Galilea.”

* 5:1 Ján₃ bá₄ chei₂

“Jmi₁ŋí'₄ Galilea.”

⁸ Jme₁ca₂jág₃ Si₂mu₅₄ në₅, ca₂ηó₃ ca₂chi₃jnë₃ ne₄ Jesús, ca₂juá'₂:

—Jña'₃ cau₅ quió'₃, Te₁gui'₅₄, ia₁ dsa₂ cha₂ dsáu₁ bá₄ jniá'₂.

⁹ Ia₁ dsi₂gó'₃ dsí'₅ Si₂mu₅₄ quian'₅₄ riin'₅₄, ia₁ a₂ñí'₄ lë₃ 'ñio₅ juin₅ ju₄ i₂ca₂join₃.

¹⁰ Ján₃ bá₄ le₂jaun₂ Jacobo quian'₅₄ Juan₅₄ i₂lín₅ ja₁ñi'₅₄ Zebedeo, ia₁ co₂dsia₅ jme₁i₂nioi₅₄ quian'₅₄ Si₂mu₅₄ tsáin'₂ ju₄. La₁ Jesús në₃ ca₂juá'₂ ca₂tsí'₃ Si₂mu₅₄:

—Tsá₃ jmo₂ gang'₃. Ia₁ tē₂le₃ ne₄ jui₅ ja₁dsau₅₄ në₅, ñí'₁ jmag'₅₄ dsa₂ mi₂güig'₃ ju₁lia'₂ jmag'₂ ju₄.

¹¹ Jme₁ma₂nē₂jñióg'₃ tsi₁mu₅ quió'₅ le₃ja₁quein₂ chei'₅₄ jmig₂, ja₁jaun₂ ca₂dsia₃ jē₂, ca₂i₃lén₂ bá₄ quian'₅₄ 'éi₂.

Ca₂jme₃lión₂Jesús jan₂ dsa₂ i₂lín₅ 'mé'₅ 'iog₅

(Mateo 8:1-4; Marcos 1:40-45)

¹² Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso'₅₄ i₂lín₅ 'mé'₅ 'iog₅, ta₁jain₂. Jme₁ca₂jín₂ Jesús, ca₂tóin₂ tē₂rē₃'éin₂ 'uē₃, ca₂mi₃tion₅₄-jan₃, ca₂juá'₂:

—Te₁gui'₅₄, chi₂jua'₂ 'niog'₂, jña'₅₄ lia'₂ 'ne₂ bá₄ qui'₅₄ jmig₄ chi'₅₄ dso₄ a₂lín₅.

¹³ Jaun₂ ca₂néi'₃ gu₂, ca₂ní'₃ quió'₅ dsa₂ dso'₅₄, ca₂juá'₂:

—'Nio₃ jniá'₂. Jmo₅₄ bá₄ le₁jín₃'₃.

Dsi₂jui₅ jme₁ca₂juá'₂ jaun₂, ca₂jña'₃ 'mé'₅ 'iog₅ a₂jme₁lín₄.

¹⁴ Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Jña'₅₄ lia'₂ ca₂juá'₂:

—La₁ gua₂ o₂jme₁jnia₅ ne₄ jme₂dsa₂, o₄quió'₄
a₂ma₂le₁jíng'₃, o₂jmo₄ o₂jen'₅₄ ne₄ Diú₄ con'₂ lě₅ 'Éi'₃
quió'₅ Moisés,† co₂'nió'₄ a₂jang'₅₄ jág₁ dsau₅ jin₄ dsa₂.

15 La₁ tē₂le₃ lě₅ guě₄ ca₂i₃'ag₅₄ bá₄ jág₁
ca₂le₂con₂ a₂'in₅ dsa₂ Jesús. Jaun₂ i₂juin₅ lin₃ dsa₂
i₂jme₁tē₁ja₂lén₂ ŋi'₂ ja₂néi₃ jág₁, i₂'nio₃ 'lión₂ ně₃ 'e₂
caun₂ jmī₁uig₅ chain₂.

16 La₁ jme₁dsi₂uíin₃ bá₄ 'ni'₂ juig₂ ja₁con'₂ 'ŋiog₅,
chi₃lén'₂ Diú₄.

*Ca₂jme₃'lión₂ Jesús jan₂ dsa₂ 'lian'₂
(Mateo 9:1-8; Marcos 2:1-12)*

17 Ca₂lě₃ co₂ráun₂ jme₁'en₅₄ Jesús jme₂tiin₂₃ dsa₂.
Le₂con₂ jaun₂, jme₁tián'₄ i₂lin₅₄ dsa₂ fariseos,
tē₅juá'₅ ně₃, i₂ja₂lén₂ le₂con₂ 'uě₃ Galilea, Judea,
juig₂ Jerusalén ně₃. Ia₁ ju₁i₅bí₂ quió'₅ Te₁gui'₅₄ bá₄
jme₁'io₅ Jesús, a₂jme₂'lión₂ dsa₂.

18 Tē₃jě₄ jaun₂, ca₂dsi₃lén₂ dsa₂ le₁ŋjia₁₂₃ jan₂ dsa₂
'lian'₂, dsín₂ ne₄ tsi₁jein₁. Jme₁'no'₂ ju₁i₅ dsi₃toin'₅₄
dsi₂néi₂, jme₁dsi₃quió₂₃ ne₄ Jesús.

19 Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂ŋí₄ lě₃
juin₅ dsa₂ tion'₅₄, jaun₂ ca₂uig₂ le₃co'₅₄ tsi₁'né₅. Jaun₂
ca₂niá₃ jě₄ gua'₅₄ lag₁, jaun₂ ca₂sió₂ lia'₂ jma₃quian'₅₄
tsi₁jein₁, dsi₂jo₂ jaun₂, ne₄ Jesús.

20 Jme₁ca₂jág₃ Jesús a₂'én₂ dsa₂ 'éi₂ 'ŋio₅ lin₃, jaun₂
ca₂juá'₂:

—'Ne₂ dsa₂, ma₂rě₂'én₄ bá₄ dsáu'₂.

21 Jaun₂ ně₃ ca₂jme₃lióg₃ tē₅juá'₅ quian'₅₄ dsa₂
fariseos ně₃ ca₂i₃ŋjia₅ dsí₅: “ǀ₂ein₂ bá₄ ně₅ jmái'₂
mī'₅₄ Diú₄ a₂juá'₂ le₂ně₅? 'I₁jan₂ tsá₃ 'ein₂ lé₂ le₃'én₂
dsáu₁ dsa₂, jŋia'₅₄ lia'₂ Diú₄ bá₄.”

† 5:14 'Í₂ Levítico 14.

22 La₁ a₂ lí'₄ rě₂ bá₄ Jesús 'e₂ a₂ qui₂ dsi₂ ŋi₂ a₅ dsi₅ dsa₂ 'éi₂, jaun₂ ca₂ juá'₂:

—ǂ'E₂ bá₄ lě₃ dsi₂ jio₅ 'au'₂ 'nia'₂ le₂ nē₅?

23 ǂ'E₂ a₂ 'ua₁ guě₄ ta₁, a₂ juá'₄ jniá₂ juig₅₄ dsa₂ la₂: “Ma₂ rě₂ 'én₄ dsáu'₂”, o₃ a₂ juig₅₄ 'e₂ jniá₂: “Nau₂, ŋi₄”?

24 Ia₁ dse₃ jaun₂. La₂ jmo₅₄ jniá₂ ia₁ jaun₂ le₃ ŋi'₅₄ 'nia'₂ a₂ 'io₅ bí₂ 'éi'₃ Jaun₅ dsa₂ mi₂ gü₃ ne₄ gua'₅₄ 'uě₃ a₂ qui₃ 'éin₂ dsáu₁ dsa₂.

Jaun₂ guě₄ ca₂ tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁ jein₁ quiáng'₂, guan'₂.

25 Dsi₂ jui₅ jaun₂ tē₃ já₅ ca₂ le₃ jín₃, ca₂ nau₂ ca₂ cáun₃ tsi₁ jein₁ quió'₅ ca₂ ŋái'₃ jme₂ juin'₂ Diú₄.

26 Jaun₂ ca₂ i₃ gó'₃ dsi₅ ca₂ le₃ jín₃, ca₂ jme₂ juin'₂ Diú₄ nē₃. Jaun₂ tē₃ jē₄ dsi₂ gó'₃ dsi₅ jaun₂, qui₂ ca₂ tsí'₃ riin'₅₄:

—Jm_{ig}₄ nē₃ ca₂ tē₂ ne₄ jniog₄ a₂ dsi₂ gó'₃ dsi₅.

Ca₂ tē'₃ Jesús Leví

(Mateo 9:9-13; Marcos 2:13-17)

27 Cang₂ jaun₂ ca₂ o₃ 'iin₃ táng₃. Ja₁ ŋó₄ jaun₂, ca₂ jín₂ jan₂ i₂ chen₂ Leví i₂ cán₂ 'lia'₅₄ a₂ ca₂ tín₂ dsi₂ tan₅₄, guá₅ ja₁ dsi₂ qui₅ dsa₂ 'lia'₅₄. Jaun₂ ca₂ juá'₂ Jesús:

—Ŋia₅ chi₁ co'₅₄ quió₃.

28 Ja₁ jaun₂ ca₂ dsia₃ jē₂, ca₂ nau₂ ŋó₃ quiong'₅₄.

29 Ca₂ i₁ jmo₅₄ Leví caun₂ má₃ pa₁ dsi₂ néi₂ quió'₅ o₄ quió'₄ Jesús, jaun₂ ca₂ ŋi'₂ juin₅ dsa₂ i₂ cán₂ 'lia'₅₄ riin'₅₄. Juin₅ bá₄ dsa₂ sián'₂ nē₃ qui₂ ca₂ guě'₃ quiain'₅₄.

30 La₁ dsa₂ fariseos quian'₅₄ tē₅ juá'₅ quiáin₅, chi₂ ca₂ 'iin₃ dsa₂ i₂ ma₂ quian'₅₄ Jesús, ca₂ juá'₂:

—ǂ'E₂ lē₃ qui₂quē'₂ qui₂'ág'₂ 'nia'₂ co₂dsia₅ quian'₅₄
dsa₂ i₂cán₂ 'lia'₅₄ nē₅, dsa₂ i₂le₁cán'₄ dso₄ ně₃?

31 Jaun₂ ca₂ḡag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le₁'ág₄ dse₃
dsí₅; dsa₂ i₂le₁dso'₅₄ bá₄ 'nió'₅ quió'₅.

32 Tsá₃ ta₁ jaun₂ guio₃ jniá₂ a₂tě₄ dsa₂ dsen₃;
a₂tě₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂
dsi₁quén'₅ dsí₅.

*Ca₂ḡí'₃ dsa₂ Jesús jui₁lia'₂ a₂jme₂'in₅₄ dsa₂
(Mateo 9:14-17; Marcos 2:18-22)*

33 Jaun₂ dsa₂ 'éi₂ ně₃ ca₂tsí'₃ Jesús:

—ǂ'A₂ guē'₂ lia'₂ i₂gú'₃ jme₂'in₅₄ dsa₂ i₂quian'₅₄
Juan₅₄, jē₂ qui₂tsí'₅ Diú₄, le₂jaun₂ bá₄ dsa₂ quián₅
fariseos ně₃, la₁ dsa₂ quiáng'₂, guē'₅ 'ín'₂ bá₄?

34 Jaun₂ ca₂jéin'₃ Jesús jág₁:

—ǂLé₂ le₃chi₁quian'₄ 'nia'₂ jmig₄ jme₃'in₅₄ jui₁lia'₂
dsa₂ i₂té₄ ja₁jen'₂ gu₂ dsa₂, chi₂jua'₂ jaun₂ bá₄ guá₅
guē'₂ dsa₂ ḡe'₂ i₂jen'₂ gu₂?

35 La₁ já₅ jmig₄ jē₁ma₂jnia'₃ dsa₂ ḡe'₂ 'éi₂; jmig₄
jaun₂ guē₄ ma₂lé₂ jme₃'in₅₄.

36 Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíong₅ 'nau₅₄ 'mí'₂ 'mí'₂ tsi₁'mí'₂
gui'₅₄. Ia₁ ně₁jua'₂ ca₂jmo₃ le₂jaun₂, a₂jḡia'₅₄ guéi₃
bá₄ caun₂ caun₂, ton'₂ tsá₃ ma₃rē₂ quin₅ tsi₁'mí'₂
gui'₅₄ quian'₅₄ 'nau₅₄ 'mí'₂.

37 Ján₃ guē'₂ tsá₃ tia'₂ dsa₂ vino 'mí'₂ ni₁lau₂ gui'₅₄,
ia₁ ně₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂
gui'₅₄ quian'₅₄ dsió'₁ vino 'mí'₂; téin₃ bá₄ vino, ton'₂
dsi₃'én₂ ni₁lau₂ gui'₅₄ ně₃.

38 Jaun₂ lë₃, lau₂ 'mí₂ bá₄ 'nió'₅ tia'₃ dsa₂ vino 'mí₂,
ia₁jaun₂ rë₂ lé₂ 'í₁ le₃tin₃.

39 Ján₃ bá₄ le₂jaun₂ jui₁lia'₂ i₂ma₂'in'₅ vino gui'₅₄
a₂ma₂ron₂, tsá₃ jiá₃ dsí₅ 'ín'₂ vino 'mí₂ a₂të₂ca₂jlen'₃.
“Ia₁ tió'₅ a₂gui'₅₄” bá₄ juá'₂.

6

*Guén₂ dsa₂ quián₅ Jesús mí₂ trigo caun₂ jmí₄ sa₅₄
(Mateo 12:1-8; Marcos 2:23-28)*

1 Caun₂ jmí₄ sa₅₄, ca₂ñi₅ Jesús caun₂ ja₁nau₂
ja₁jnia₄ trigo. Jaun₂ ca₂gág₃ dsa₂ i₂quiain'₅₄ mí'₂
trigo, qui₂ca₂guéin₂ ca₂gué'₃.

2 Jaun₂ jme₁ca₂jág₂ i₂lin₅₄ dsa₂ fariseos, jaun₂
ca₂juá'₂:

—¿'E₂ lë₃ jmo'₂ 'nia'₂ a₂tsá₃ 'i₄ 'éi'₃ jmo₃ dsa₂
jme₁jmí₄ sa₅₄?

Jaun₂ ca₂ñag₃ Jesús:

3 —¿Tsa₁ ma₂'í'₂ 'nia'₂ ja₁juá'₂ a₂ca₂jmo₃ David
quiain'₅₄ riin'₅₄ jme₁ca₂tá'₂ i₁cón'₅?

4 Ca₂'í₃ dsi₂néi₂ quió'₅ Diú₄ ca₂can₃ i₁ñí'₄ jñió₅ a₂'i₄
'éi'₃ a₂gué'₃ jmá'₃ jme₂dsa₂. Ca₂gué'₃, ca₂cué'₃ riin'₅₄
i₂jme₁quiain'₅₄ né₃.

5 Ca₂juá'₂ Jesús ján₃:

—Jaun₅ dsa₂ mi₂güí₃ bá₄ i₂quian₅ 'éi'₃ ne₄ quió'₅
jmí₄ sa₅₄.

Dsa₂ i₂rë₂já'₃ caun₂ gu₂

(Mateo 12:9-14; Marcos 3:1-6)

6 Co₂ráun₂ táng₃ caun₂ jmí₄ sa₅₄ ca₂lë₃, ca₂'í₃
Jesús guá'₅ sinagoga, ca₂jme₃tin₂₃ dsa₂. Jë₄ jaun₂
jme₁'en₅₄ jan₂ dsa₂ i₂rë₂já'₃ gu₂ ne₁.

7 Ca₂tiog₃ dsa₂ fariseos quian'₅₄ tē₅juá'₅ chi₂jua'₂ jme₃lióin₂'éi₂ tē₃ jmig₄ sa₅₄, ia₁ jme₁'no'₂ juí₅'a₂ lia'₂ jmo₃ dsáu₁'éi₂.

8 La₁ a₂ŋi₅ rē₂ bá₄ Jesús 'e₂ a₂dsi₂jio₅ dsí₅ dsa₂'éi₂ tióin₂, jaun₂ ca₂tsí'₃ dsa₂ i₂rē₂já'₃ gu₂:

—Nau₂, ŋia₅ dsi₂jo₂ la₂.

Ca₂nau₂ bá₄ dsa₂'éi₂ ca₂ŋó₃.

9 Jaun₂ ca₂tsí'₃ Jesús dsa₂ i₂tióin₂ jág₅:

—La₂ ŋag₄ jniá₂ caun₂ 'nia'₂: ¿'E₂ 'i₄ 'éi'₃ jmo₃ dsa₂ juí₁lia'₂ jme₁jmig₄ sa₅₄? ¿A₁dse₃, o₃ a₂'lig'₅₄ 'e₂? ¿A₂lióin₂ dsa₂ mi₂güig₃ riin'₅₄, o₃ a₂ŋag'₃ 'e₂?

10 Jaun₂ ca₂jín₂ ca₂le₃jín₃ dsa₂ i₂tióin₂ le₃lág'₃ quió'₅, jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃. Dsi₂juí₅ jaun₂ bá₄ ca₂lág₃ gu₂.

11 La₁ ca₂rē₃'né₃ bá₄ dsa₂ jain₂ jain₂ tióin'₅₄, ca₂jme₃lióg₃ ca₂tsí'₃ riin'₅₄ 'e₂ jmái'₂ Jesús.

Ca₂quión'₂ Jesús guia₃-tín₂ dsa₂ i₂chein₃ 'a₂ guě₃ já'₄ chei₃

(Mateo 10:1-4; Marcos 3:13-19)

12 Ca₂lě₃ tē₃jě₄ jmig₄ jaun₂, ca₂ŋó₃ Jesús juí₅ caun₂ má'₂ a₂chi₂i₁lein'₄ Diú₄. Tē₁jma₃nei₅ bá₄ ca₂ŋi₅ chi₂lén'₂ Diú₄.

13 Jme₁jnia₃ táng₃ jaun₂, ca₂tě'₃ dsa₂ i₂quaiin'₅₄, jaun₂ ca₂quión'₂ guia₃-tín₂'éi₂. I₂'éi₂ ně₃ ca₂quaiin₃, i₂chen₄ quiáin₅.*

14 Le₂la₂ jme₁chein₂: Si₂mu₅₄ i₂ca₂quaiin₃ Pe₄; Drě₄ rin'₅₄ Si₂mu₅₄; Jacobob quian'₅₄ Juan₅₄ ně₃; Fe₂li₄, Bartolomé,

* **6:13** griego: apóstolous (dsa₂ i₂chen₄).

15 Të₅₄, To₁má₄, Jacobo† i₂lín₅ ja₁ŋi'₅₄ Alfeo; Si₂mu₅₄ i₂lín₅ cananista.‡

16 Judas rin'₅₄ Jacobo; quian'₅₄ Judas Iscariote§ i₂ca₂dsióg₃ ca₂'nií₃ Jesús cang₂.

Jme₂tin₅ Jesús juin₅ lin₃ dsa₂
(Mateo 4:23-25)

17 Jme₁ca₂sióin₃ má'₂ jaun₂, quiaín'₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ŋi'₂ juin₅ lin₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei'₅₄ jmi₁ŋi'₄ ja₁niog₅ juig₂ Tiro quian'₅₄ Sidón ně₃,

18 ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě'₂ dsa₂ i₂chan₂ uig₅ co₂jmóg'₂ jme₂dsí₂ 'lin'₅₄, ja₁jaun₂ qui₂ca₂'lóin₂ bá₄ ján₃.

19 Qui₂ca₂'náu'₃ juí₅ a₂níí'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂
(Mateo 5:1-12)

20 Jaun₂ ca₂jín₂ ca₂le₃jín₃ i₂ma₂quiaín'₅₄, jaun₂ ca₂juá'₂:

—'E₂ guě₄ dsen'₃ 'nia'₂ dsa₂ i₂chang'₂ ŋég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

21 'E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂'o₅ jmig₄ ně₃, ia₁ ŋág'₄ bá₄ 'nia'₂.

† 6:15 o₃, Santiago. ‡ 6:15 griego: Celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ŋí₄ lě₃ mei'₂ tsá₃ ca₂ne₅₄ a₂chein₂. § 6:16 o₃, Judas i₂chan₂ Cariot; o₃ Judas i₂tě₂jín₁.

22 'E₂ gué₄ dsen'₃ 'nia'₂ jë₁ma₂ca₂jme'₃ 'iog'₅₄ dsa₂, a₂'uág'₂, jë₁ma₂të₂ rë₁të₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güí₃.

23 'Jmo₄ 'nia'₂ 'io'₂ 'ñio₅ lin₃, quian₂ 'nia'₂ o₂'ñió₃ 'au'₂ jë₁ma₂të₂ jmig₄ jaun₂, ia₁ le₂në₅ bá₄ guéi'₁ 'nia'₂ juë'₂ 'liang'₅₄ guei'₅₄ i₂juí₃. Ia₁ le₂në₅ bá₄ ma₂jmo₃ dsa₂ can'₅₄ quiáin₅ ca₃ma₂lí₂'g'₂ ma₂jmaí'₂ dsa₂ i₂jme'₁ 'ě₂ jág₁ quián₅ Diú₄.

24 'La₁ 'e₂ gué₄ juí₂'g'₂ 'nia'₂ dsa₂ cha₂ cu₄, ia₁ ma₂gue'₅₄ bá₄ 'nia'₂ liang'₅₄.

25 'E₂ gué₄ juí₂'g'₂ 'nia'₂ i₂chang'₂ qui₂le'₁ 'ág'₃ 'au'₂, ia₁ já₅ jmig₄ jë₁le₃chang'₂ 'ong'₅₄. 'E₂ gué₄ juí₂'g'₂ 'nia'₂ i₂chan₂ co₂ñág₂ jmig₄ në₃, ia₁ já₅ bá₄ jmig₄ jë₁tóng'₁ 'lia'₂ 'au'₂ qui'₁-'áu'₂.

26 'Juí₂'g'₂ bá₄ 'nia'₂ jë₁ma₂të₂ rë₁qui'₃ 'ag'₃ dsa₂ dse₃, ia₁ le₂në₅ bá₄ ca₂jmo₃ dsa₂ can'₅₄ quiáin₅, ca₂'iin₃ dse₃ dsa₂ juí₁gan₂ i₂jme'₁ 'ě₂ jág₁ ma₂lí₂'g'₂.

A₂jme₃'nio₃ dsa₂juí₁lia'₂ dsa₂ i₂'iog'₅₄

(Mateo 5:38-48; 7:12)

27 'La₁ 'nia'₂ dsa₂ i₂nag₅, juá'₅ jniá₂: Jme'₁nió₄ 'nia'₂ dsa₂ i₂'iog'₅₄, jmo₄ a₂dse₃ ja₁con₂ dsa₂ i₂ja₂uín₅₄ dsí₅ jág₂.

28 Caun₂ dse₃ bá₄ qui₁'íng'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lë₁co₂jmóg'₂.

29 Chi₂jua'₂ 'ein₂ ca₂jnú₃ ca₂ton₂ rë₂jog'₂, jein'₅₄ le₃ca₂ton₂ táng₃ o₁jnú₄; chi₂jua'₂ 'ein₂ ca₂jñiá'₂ 'mi'₂ dsiog₂ quiáng'₂, le₂jio₅ tsíng'₂ a₂qui'₅₄ cuë'₅₄ ján₃, o₁quion₂.

30 Jui₁'ein₂ gué₃ mi₅ 'e₂ mi₂₃, cuë'₅₄; chi₂jua'₂ 'e₂ caun₂ a₂jñiá'₂ quiáng'₂, tsá₃ ma₃mag'₅₄.

31 Ju₁lia'₂ a₂'niog'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

32 'Ia₁ nē₁jua'₂ 'nióg'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ħ'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ ján₃ bá₄ le₂nē₅ jmo₅ ju₁lia'₂ dsa₂ i₂'no₅ dso₄.

33 Ia₁ chi₂jua'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ħ'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ dsa₂ i₂'no₅ dso₄ ján₃.

34 Nē₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui'₅₄ jmíg₄ jéin'₃ quiáng'₂, ħ'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ gué'₂ dsa₂ i₂'no₅ dso₄ ján₃, qui₂dsi₂ quió'₅ rīn'₅₄ jain₂ jain₂, ia₁jaun₂ qui₃gue₃ quió'₅ rīn'₅₄.

35 La₁ 'nia'₂ nē₃, jme₁'nió₄ i₂'iog'₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ŋí₄ 'i₅ 'au'₂ a₂jaun₂. Jaun₂ le₂nē₅ bá₄ gué'₁ 'nia'₂ jué'₂ 'liang'₅₄, ton'₂ léng'₂ chí'₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lín'₅₄, i₂ŋia'₅₄ ti₁'mag'₄ tsá₃ cuē₂₃.

36 Ju₁len'₅₄ 'nia'₂ dsa₂ ŋéi₂ dsí₅, ju₁lia'₂ ŋéi₂ dsí₅ Diú₄ Néi'₅.

Tsá₃ lē₁caun₂ 'nia'₂ 'í₁ quió'₅ ríng'₂
(Mateo 7:1-5)

37 'Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄.

38 Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂,

a₂qui₂rē₂'ñiá'₄ rē₂ lin₃, ca₂lia'₂ tsá₃ ma₃to'₂ ja₁'éi'₄
jmo₃, tó'₃ tē₂jmu₂ quián'₂ 'nia'₂. Ia₁'éi'₃ jaun₂ bá₄to'₂
Diú₄ jui₁lia'₂ lě₅ 'éi'₃ a₂dsián'₅ 'nia'₂ ríng'₂ guiong'₅₄.

³⁹ Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃jñia₃ dsa₂ ten₄ jan₂ dsa₂ ten₄ riin'₅₄ a₂'ě₃
jui₅? ¿Tsa₁ tsí₃séin'₂ jua'₅₄ jui₁lia'₂ caun₂ siá'₅?

⁴⁰ 'I₁jan₂ jui₁lia'₂ i₂'i₅ si₂ tsá₃ lín₅ jua'₅₄ a₂juiin'₂
guě₄ con'₂ guě₄ tē₅ quiáin₅; ca₂lia'₂ ca₂dsó'₃ si₂ quió'₅,
jaun₂ guě₄ lé₂ le₃dsióg₄ léin₂ con'₂ lín₅ tē₅ quiáin₅.

⁴¹ ¿'A₂ bá₄lia'₂ jñiá'₄ 'ne₂jme₁qui₅ pí'₁ a₂'i₄jme₁ne₁
ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne'₄
'ñiag'₂?

⁴² ¿'A₂ bá₄lia'₂ tiá₂'au'₂ juig'₅₄ ríng'₂: “Rin'₅₄ jniog₄,
cuē₄ jmig₄ o₁dsi₁₂ jme₁qui₅ pí'₁ a₂'i₄ jme₁ne'₄”? ¡'Ne₂
dsa₂ i₂lě₁jmo₅-dsá₅ o₁ne₁! Dsi₄ de'₂ jñiá₅ ni₁'ma₂
chá₅ a₂'i₄ jme₁ne'₄ 'ñiag'₂, jaun₂ guě₄ le₃jag'₅₄ rē₂ dsí'₁
qui₅ pí'₁ a₂'i₄ jme₁ne₁ ríng'₂.

*Tē₂le₃ 'a₂lia'₂ lě₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)*

⁴³ 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂
'lig'₅₄; ján₃ guě'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄
lé₂ le₃'ag₃ mīg₂ dse₃.

⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂
lia'₂ lě₅ mīg₂ a₂'ag₅: ma₁ tsá₃ quin₅ dsa₂ mīg₂ higos
jui₁lia'₂ ni₁'ma₂ taun₅ chei₅₄, on₃ guě'₂ lé₂ le₃cág'₃
dsa₂ mīg₂ uvas jui₁lia'₂ chi₁uíng₃ taun₅.

⁴⁵ Já₃ bá₄ le₂ně₅ dsa₂ ně₃. Ju₁lia'₂ dsa₂ dsen₃, lia'₂
con'₂ lě₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃;
dsa₂ i₂'lin'₅₄ ně₃, lia'₂ con'₂ lě₅ a₂'lig'₅₄ a₂ma₂rē₂'ma₄

të₂dsí₅, jmo₂₃ a₂lig'₅₄. Ia₁ lia'₂ con'₂ lë₅ a₂'lióng₂ ñag₅₄
 cha₂ të₂dsí₅ dsa₂, a₂jaun₂ bá₄ 'uë₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ '¿E₂ bá₄ lë₃ të'₅ 'nia'₂ jniá'₂, “Te₁gui'₅₄, Te₁gui'₅₄”,
 ton'₂ tsá₃ jmo'₂ guë'₂ 'nia'₂ a₂juá'₅?

⁴⁷ Le₂jan₂ le₂jan₂ i₂të₁ja₂lén₂ ne₃, i₂ja₂néi₃ jág₁
 quió₃, ton'₂ ne'₅₄ ně₃, la₂ 'ín₄ 'a₂ lia'₂ lín₅:

⁴⁸ lín₅ jui₁lia'₂ jan₂ dsa₂ i₂ca₂jmo₃g'₃ 'né₅, ca₂guéi₃
 'ei₄ de'₂ jniá₅ ca₂lia'₂ ca₂të₂ ne₄ ni₁'lau₂. Ne₄ jaun₂
 ca₂jme₃lióg₃ 'uig₅₄ 'ia'₂. Jme₁ca₂juë'₂ jmig₂, ca₂dság'₃
 jmig₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jnia'₅₄
 tsá₃ ca₂'ñiá'₂, ia₁ rë₂ jme₁lë₄.

⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄
 guë'₂ ně₃, lín₅ jui₁lia'₂ lín₅ dsa₂ i₂ca₂chi'₃ 'ne₄
 jnia'₅₄ dsí₂ ne₄ 'uë₃ bá₄, tsá₃ 'uig₅₄ 'ia'₂ ca₂jmo₃.
 Jme₁ca₂dság'₃ tiá₂ 'ei₅ jmig₂ dso'₂ tsi₁'né₅ jaun₂,
 ca₂qui'₃ bá₄, co₂ñei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄
'lióg₂ romano
(Mateo 8:5-13)

¹ Jme₁ca₂dsan₃ cuë₂₃ jág₁ le₂në₅, ca₂le₃jín₃ bá₄ dsa₂
 qui₂ca₂ñág₂, jaun₂ ca₂ñó₃ jui₅ juig₂ Capernaum.

² Ja₁jaun₂ jme₁guá₄ jan₂ juig₅₄ 'lióg₂ romano
 i₂jme₁'ñio₅ jan₂ dsa₂ i₂jme₁jme₂tí₃ ne₅₄, i₂jme₁'nioi₃
 lín₃. 'Éi₂ ně₃ jme₁dso'₅₄ jme₁ma₂rë₂quiain₂₃ jóin₂.

³ Jme₁ca₂rë₃ñi₅ juig₅₄ 'lióg₂ a₂'ín₅ dsa₂ Jesús, jaun₂
 ca₂chein₃ jan₂-on₃ dsa₂ can'₅₄ quián₅ dsa₂ judíos

a₂i₃l_{éin}₂ a₂i₁m_i₂ ne₄ Jesús a₂jiá₃ jme₃'lióin₂ dsa₂ mozo quiáin₅.

4 Jme₁dsi₃l_{éin}₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig₅₄ 'lióg₂ 'éi₂ a₂jme₁'oin'₄,

5 ia₁ 'nio₅ lin₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

6 Jaun₂ ca₂ñó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁l_{éin}₂ dsi₂néi₂ jme₁ca₂chen₃ táng₃ gui'₅₄ juig₅₄ 'lióg₂ jan₂-on₃ a₂mei₅₄ quiáin₅, a₂quian₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃.

7 'Uig₅₄ jaun₂ i₂jio₅ dsi₃, ¿i₂'ein₂ bá₄ jniá₂ jua'₅₄ nei₅₄ 'ñi₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂nē₅, ia₁jaun₂ jñia₃ dso'₅₄ mozo quiáng₃.

8 Ia₁ le₂nē₅ bá₄ jniá₂ 'ñi₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juig₂ jniá₂, “Gua₂ jó₄”, ja₁jaun₂ dsó₃ bá₄; nē₁jua'₂ ca₂juig₂ “Ñia₅ ja₁lá₃”, jiá₃ bá₄. Ján₃ guë'₂ le₂jaun₂ nē₁ca₂juig₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

9 Jme₁ca₂nág₂ Jesús jág₁ nē₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jín₂ dsa₂ i₂quiain'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ nē₅.

10 Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

11 Cang₂ jaun₂ ca₂ŋó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quiáin₅, i₃léin₂ quian'₅₄ juin₅ gué₄ dsa₂ sián'₂ ně₃.

12 Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ŋi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃'o₃.

13 Ca₂tá'₂ ŋéi₂ dsi₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

14 Jaun₂ ca₂jme₃quiáin₃ ca₂níi'₃ tsi₁gu₅. Ca₂jŋia₃ bá₄ gué'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'Ne₂ juíg₂ jniá₂ chi'₂, nau₂!

15 Jaun₂ ně₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄.

16 Jme₁ca₂tě₂ ne₄ dsa₂ a₂ca₂lě₃ jaun₂, ca₂i₃gó'₃ dsi₅ ca₂le₃jii₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rě₃jniá₂ jan₂ dsa₂ juin'₂ i₂'ě₂ jág₁ quián₅ Diú₄ jě₄ quián₂ jniog₄.

Juá'₂ ně₃:

—Ma₂guan₅ Diú₄ a₂jme₃'oin₅₄ dsa₂ juig₂ quiáin₅.

17 Le₂con₂ ja₁tén₄ 'uě₃ Judea, le₂con₂ ma₂quián₅ jaun₂ ně₃, qui₂ca₂rě₃ŋi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂
(Mateo 11:2-19)

18 Ca₂rě₃ŋi₅ Juan₅₄ ca₂le₃jě₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂tě'₃ on₃ dsa₂ 'éi₂,

19 jaun₂ ca₂chei₃ ne₄ Te₁gui'₅₄ a₂dsi₃ŋag₅₄ chi₂jua'₂ tě₃dsón'₂ líin₅ dsa₂ i₂lě₅ jág₁ jiá₃, o₃ jŋiai₃ i₂sián'₂ 'e₂.

20 Jaun₂ dsa₂ 'éi₂ ně₃, ca₂jme₃quiáin₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ ně₂chei₃ jnia'₅₄ a₂ŋag₄ 'ne₂ chi₂jua'₂ tē₃dsón'₂ líng'₅ i₂lě₅ jág₁ jiá₃, ¿O₃ jnia₄ jnia'₅₄ i₂sián'₂ 'e₂?

21 Tē₃jě₄ jaun₂, ca₂jme₃'lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsi₂ 'lin'₅₄ ně₃ qui₂ca₂'u'in'₂; qui₂ca₂jmóg'₃ jme₁ne₁ dsa₂ i₂jme₁ten₄.

22 Jaun₂ guě₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tě₂ ne'₅₄, 'e₂ a₂qui₂ně₂nei'₂ ně₃. Qui₂jág₅ ju₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ ně₃; le₂jaun₂ guě'₂ 'lag₄ ně₃ qui₂jein'₅₄ táng₃; ja₁con₂ dsa₂ dsi₂ŋé₂ dsi₂'ag₅ jág₁ dse₃ a₂lión₂ dsa₂.

23 'E₂ guě₄ dsen₃ dsa₂ i₂tsá₃ 'ag₅ caun₂-tin₃ dsi₅ o₄quió₃ jniá₂.

24 Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄, ca₂juá'₂:

—¿'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uě₃ quein₂ co₂ŋiog₅ jaun₂? ¿O₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsi₂ ja₁jaun₂?

25 Chi₂jua'₂ on₃ jaun₂, ¿'e₂ guě'₂ ca₂i₁jag'₄ 'nia'₂? ¿O₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ŋi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuě'₅ o₂'ŋió₃ o₂jŋia₃ dsi₅, i₂tion'₅₄ ju₁lia'₂ dsi₂néi₂ quió'₅ rag₅₄ bá₄ i₂le₂'éi₂.

26 Jaun₂ ně₃, ħ'e₂ guë'₂ ca₂i₁jag'₄ 'nia'₂? ħO₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂j₁n'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guë'₄ lia'₂ con'₂ guë'₄ jan₂ i₂'ě₂ jág₁ quián₅ Diú₄ bá₄ ca₂i₁j₁n'₄ 'nia'₂, juá'₅ jniá₂.

27 Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂:
Tsing₅₄ jan₂ dsa₂ quiáng₃ ne₄ ju₁5 quiáng'₂, jón₃,
a₂dsi₃can₅ jág₁, jmo₃ co₂j₁nia₅₄ ju₁5.*

28 Juá'₅ jniá₂ juíg₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rë₃chán₃ i₂juin'₂ guë'₄ lia'₂ con'₂ guë'₄ Juan₅₄. La₁, i₂lín₅ i₂me'₂ guë'₄ ja₁gon₂ Diú₄, i₂'éi₂ lín₅ i₂juin'₂ guë'₄ lia'₂ con'₂ guë'₄ 'éi₂.

29 (Ca₂le₃j₁n₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ ně₃, jme₁ca₂j₁ñó₂ jmi₂g₂ ca₂cho₃ Juan₅₄, le₂në₅ bá₄ ca₂jme₃j₁niai₂₃, Diú₄ bá₄ i₂lín₅ i₂qui₂dsi₅ 'éi'₃ tí₅.)

30 La₁ dsa₂ fariseos quián'₅₄ tē₅juá'₅ ně₃, tsá₃ ca₂gue₃ cho₃ Juan₅₄ jmi₂g₂; le₂në₅ bá₄ a₂ca₂rë₃j₁niai₂ ján₃ a₂tsá₃ j₁'₅₄ a₂jme₁'nio₃ Diú₄ jmo₃ quiong'₅₄.)

31 —ħ'A₂ lia'₂ le₃juá'₅₄ lín₅ dsa₂ i₂chan₂ jmi₂g₂ ně₃?
ħ'E₂ bá₄ quián'₅₄ le₃quíng₄ lín₅?

32 Lín₅ ju₁lia'₂ lín₅ i₂bë'₅₄ i₂tón'₅ qui₂guió'₅ jmái'₂ riin'₅₄ jë₄ 'ma'₅₄, juá'₂:

Në₂jéi₄ j₁nia'₅₄ te₁f₁ o₄quián'₂ 'nia'₂,

la₁ tsá₃ ně₂dsián'₃ 'nia'₂;

ján₃ guë'₂ ně₂j₁mó₁ j₁nia'₅₄ son₅₄ quió'₅ 'lag₄

la₁ tsá₃ ca₂tá'₂ guë'₂ 'lia'₂ 'au'₂ 'nia'₂.

33 'Ia₁ ca₂guan₃ Juan₅₄ i₂chon₅ dsa₂ jmi₂g₂, i₂tsá₃ jme₁guë'₅ i₁ñí'₄, on₃ guë'₂ vino jme₁'ín'₂ ně₃, ca₂'iin'₅₄ 'nia'₂ a₂'ein₅₄ jme₂dsí₂ je₂na'₅₄.

34 Ca₂guan₃ guë'₂ táng₃ Jaun₅ dsa₂ mi₂güig₃ i₂tin₂ guë'₅, 'ín'₂ ně₃; la₁ 'nia'₂ juá'₂ 'iin'₅ a₂lín₅ jlé₂ 'í₅, má₄

* 7:27 Malaquías 3:1.

jmíg₃ ně₃, a₂lín₅ a₂mei₅₄ quián₅ dsa₂ cha₂ dsáu₁,
 quian'₅₄ dsa₂ i₂cán₁₂ 'lia'₅₄ quián₅ dsi₂tan₅₄ ně₃.

³⁵ Rē₂jniá₂ bá₄ a₂ŋí₄ lě₃ ŋí'₂ dsí₅ Diú₄, a₂tīn₂, tē₂le₃
 quian'₅₄ 'a₂ lia'₂ lě₅ jmo₅ chi'₂-gwein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tě₃ jan₂ dsa₂ fariseo ca₂tě'₃ Jesús
 a₂i₁guē'₂ dsi₂néi₂ quió'₅. Ca₂'í₃ bá₄ guē'₂ Jesús
 dsi₂néi₂ quió'₅ dsa₂ fariseo 'éi₂ jme₁dsióg₃, jaun₂
 ca₂guá₂ ne₄ mesa.

³⁷ Tě₃jě₄ jaun₂, ca₂dsióg₃ jan₂ 'io₅₄ i₂'no₅ dso₄
 i₂jme₁ŋi₅ juig₂ jaun₂, ia₁ jme₁ca₂rě₃ŋi₅ a₂'en₅₄ Jesús
 guē'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃
 quian₅ caun₂ ni₁tsí₅ pí'₁ jlá'₁ a₂lě₅ quian'₅₄ alabastro,
 a₂'a₄ no'₅₄ mi₂juig₂.

³⁸ Ca₂guá₂ 'o₂₃ cau₅ ja₁tióng₂ tag₄ Jesús,
 ca₂jme₃lióg₃ 'ág₂ jmíg₂ 'ei₅ jme₁ne₁₂ co'₅₄ tag₄ 'éi₂.
 Jaun₂ ca₂jme₃quéin₃ táng₃ quian'₅₄ ŋi₁₂ dsi₅₄, jaun₂
 ca₂chen'₃, jaun₂ ca₂tsáng₂ no'₅₄ mi₂juig₂.

³⁹ Jme₁ca₂jág₃ dsa₂ fariseo i₂quió'₅ dsi₂néi₂,
 ca₂i₃jiog₅ dsí₅: “Jua'₅₄ mei'₂ guě₃ tē₃dsón'₂ dsa₂
 ně₅ lín₅ jan₂ i₂'ě₂ jág₁ quián₅ Diú₄, jme₁le₃lí'₄ 'a₂ lia'₂
 lín₅ dsa₂ i₂ní'₅ quió'₅. Ia₁ jan₂ 'io₅₄ i₂'no₅ dso₄ bá
 ně₅.”

⁴⁰ Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ŋag₃.

⁴¹ Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tīn₂
 jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄
 denarios, jan₂ guē'₂ jme₁rín₂ tē₂lá₃-guiá₃.

42 Ca₂'én₂ bá₄ guë'₂ dsa₂ juig₅₄ cu₄ dsáu₁ jë₁le₃oin₃ le₂jaun₂, ia₁ tsá₃ guë'₂ qui'₅₄ jmig₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ħ₁'ein₂ i₂on₃ 'éi₂ i₂'nioi₃ guë'₄?

43 Ca₂ŋag₃ táng₃ Si₂mu₅₄:

—Dsa₂ i₂jme₁rin₂ guë'₄ 'lióng₂, lín₂ jniá₂.

—Dsau₅ bá₄ le₂ně₅ —ca₂ŋag₃ Jesús.

44 Jaun₂ ca₂jín₂ táng₃ 'io₅₄, ca₂tsí'₃ táng₃ Si₂mu₅₄:

—ħ₁ing'₄ dsa₂ mí₂ la₂? Jme₁ně₂'ú₃ dsi₂néi₂ quiáng'₂, tsá₃ jmig₂ ně₂cuë'₅₄ a₂ŋí₃ tag₃; la₁ 'io₅₄ la₂ ně₃ ma₂ně₂rang₃ tag₃ quian'₅₄ jmig₂ 'ei₅ jme₁ne₁₂, ton'₂ ma₂ně₂chí₃ táng₃ quian'₅₄ jŋi₂ dsi₅₄.

45 Ján₃ bá₄ le₂jaun₂, tsá₃ ně₂chen'₅₄ quió₃ jme₁guang₁₂. 'Io₅₄ la₂ guë'₂ ně₃, ca₂lia'₂ tsá₃ 'na₂ bá₄ caun₂ chen'₂ tag₃.

46 Tsá₃ no'₅₄ ma₂ně₂'ág'₂ jua'₅₄ a₂ma₂ně₂tsáng'₃ dsi₃; la₁ 'io₅₄ la₂ guë'₂ ně₃, ma₂ně₂'ág'₂ no'₅₄ mi₂juig₂ tag₃.

47 'Uig₅₄ ně₅ ně₃ juá'₅ jniá₂ ia₁ a₂ŋí₄ lě₃ 'lióng₂ dso₄ jme₁rě₂cáin'₄, la₁ ma₂rě₂'én₄, a₂jaun₂ bá₄ lě₃ ŋí₄ lě₃ cuë'₂₃ léi₄ a₂'nio₃. La₁ ju₁lia'₂ dsa₂ i₂ca₂juig₄ bá₄ dsáu₁ rě₂'én₄, me'₂ bá₄ cuë'₂₃ léi₄ a₂'nio₃.

48 Jaun₂ guë'₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rě₂'én₄.

49 Ca₂le₃jín₃ guë'₄ dsa₂ sián'₂ i₂jme₁tián'₄ ne₄ mesa quian'₅₄, ca₂dsia₃ tsí'₅ rin'₅₄:

—ħ₁'ein₂ bá₄ ně₅, ca₂tě₂ dsáu₁ dsa₂ qui₂'éin₂?

50 La₁ Jesús ně₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ ně₃. Guan'₂ tei₄ quiáng'₂.

8

Dsa₂ m'í₂ i₂jme₁i₂nio₄ jme₂'on₅₄ Jesús

¹ Cang₂ jaun₂, ca₂i₁ŋi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ ně₃, qui₂i₁jme₁tiin₂₃ dsa₂ jág₁ dse₃ ju₁lia'₂ ja₁gon₂ Diú₄. Jme₁quiain'₅₄ bá₄ chi'₂ dsi₂guia₃-tín₂.

² Ján₃ guě'₂ jme₁quiain'₅₄ dsa₂ m'í₂ i₂ma₂ca₂'uín'₂ jme₂dsi₂ 'lin'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ ně₃. Jín₄ 'éi₂ jme₁ŋi₅ jan₂ i₂chen₂ María i₂tě'₂ Magdalena, * i₂ma₂'uín'₂ Jesús guion₃ je₂na'₅₄ tē₂dsí₅;

³ ján₃ bá₄ jme₁ŋi₅ i₂chen₂ Juana i₂lín₅ dsa₂ m'í₂ quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃ bá₄ jme₁ŋi₅ i₂chen₂ Susana; i₂juin₅ bá₄ i₂sián'₂ guě'₄ i₂jme₁i₂nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

*Jág₁ jáng'₅ léi₄ ju₁lia'₂ dsa₂ i₂séi₂ m'íg₂ jon₂
(Mateo 13:1-9; Marcos 4:1-9)*

⁴ 'Lióng₂ juig₂ ja₁jme₁tón'₅ dsa₂ ju₁ dsi₂lén₂ dsi₂jiin₅₄ Jesús. Jē₁ma₂le₁ŋi'₂ dsa₂ juin₅ ně₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

⁵ —Jan₂ dsa₂ ca₂ŋe₄ ja₁nau₂ ca₂i₁séi₄ m'íg₂ jon₂. Jme₁ma₂'ein₅₄ séi₂ ně₃, a₂lin₅₄ m'íg₂ i₂ga'₅₄ le₂'i₄ ju₁ qui₂ca₂tsó'₃ dsa₂; i₁tan₅ guě'₂ ně₃ ca₂guě'₃ ca₂dsio₄.

⁶ Ca₂dsio₄ guě'₂ ně₃ ca₂i₃to'₅₄ jē₄ ni₁cang₁; jme₁ca₂'ia₂, ca₂rě₃quéin₃ bá₄ ia₁ tsá₃ gua'₅₄ cha₂ jua'₅₄ a₂güig'₂.

⁷ Ca₂dsio₄ guě'₂ ca₂séi'₂ jē₄ ni₁taun₅. La₁ ni₁taun₅ bá₄ tiá₂ ca₂jo₃ jme₁ca₂'ia₂.

* 8:2 o₃, “i₂chan₂ Magdala.”

8 La₁ ca₂dsio₄ guë'₂ ně₃ ca₂tín₂ ja₁dse₃ gua'₅₄;
a₂jaun₂ ca_{2i3}cón₃, ca₂rau₂ dse₃ lin₃, caun₂ 'ñiá₂-láu₂
míg₂ lia'₂ ca₂míg₂ jon₂ a₂ca₂séi₂.

Jme₁ma₂lě₅ jme₂tag₂₃ le₂ně₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rě₂gua₄, nei₂ 'nia'₂ rě₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

9 Jaun₂ ca₂ñag₃ chi'₂ dsi₂guia₃-tín₂ 'e₂ bá₄ jein₅ jág₁
a₂cuë₂₃ jaun₂. Jaun₂ ca₂juá'₂ Jesús:

10 —Diú₄ bá₄ jmo₅ a₂rě₂ñí'₂ 'au'₂ 'nia'₂ jág₁
a₂rě₂'ma₄ quió'₅, 'a₂ lia'₂ lě₅ ja₁goin₂. La₁ dsa₂ sián'₂
ně₃, juíg₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:
I₂ně₂jág₃, la₁ tsá₃ le₃lí'₄ 'e₂ ně₂jág₃;
i₂ně₂néi₂ ně₃, la₁ tsá₃ le₃lí'₄ 'e₂ ně₂néi₂,

on₃ guë'₂ le₃ñí'₂.†

*Juá'₂ Jesús 'e₂ jág₁ dsau₅ jein₅ jág₁ juí₁lia'₂ dsa₂ i₂séi₂
míg₂ jon₂*

(Mateo 13:18-23; Marcos 4:13-20)

11 'A₂la₂ bá₄ jein₅ jág₁ a₂jáng'₅ léi₄: A₂lě₅ co₂'nió'₄
míg₂ jon₂, jág₁ dse₃ quió'₅ bá₄ Diú₄ jaun₂.

12 Juí₁lia'₂ ca₂dsio₄ míg₂ jon₂ a_{2i3}ga'₅₄ le₂'i₄ juí₅
guë'₂ ně₃, le₂jaun₂ lín₅ juí₁lia'₂ ca₂dsion₄ dsa₂ i₂nag₅
jág₁ dse₃; la₁ i₂sě₃dsen₃ guë'₂ ně₃, ja₂jñiá'₃ jág₁
dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄
a₂lión₂.

13 Co₂'nió'₄ míg₂ jon₂ a_{2i3}to'₅₄ jě₄ ni₁cang₁ guë'₂
ně₃, co₂'nió'₄ lín₅ juí₁lia'₂ dsa₂ i₂guen₅ 'ñio₂ dsí₅ jág₁
dse₃ jě₁ma₂ca₂nág₂. La₁ cang₂ jaun₂ tsá₃ tiá₂ tióin₂;
lín₅ ně₂jag₄ bá₄ a₂tsá₃ jmú₄ cha₂ juí₅ jme₂dsí₂ quió'₅.

† 8:10 Isaías 6:9.

Co₂'na₂ bá₄ rē₂'éin₂, ia₁ jē₁ma₂ca₂i₃ŋí₂ 'e₂ caun₂
juí₅bí₂ a₂caun₂ táu₂, dsi₂lein₅ táng₃ le₃ca'₃, tí₂ jág₁.

14 Co₂'nió'₄ jon₂ a₂ca₂séi'₂ jē₄ ni₁taun₅ guē'₂ ně₃,
co₂'nió'₄ lín₅ juí₁lia'₂ dsa₂ i₂nag₅ jág₁, la₁ tē₂le₃ ne₄
juí₅ ja₁i₂lén₂ jaun₂, tē₂ ca₂juig₄ bá₄ jme₂gain₂₃ dsi₅
a₂jo₅ bí₂ a₂quian₅ o₂me'₅₄ dsi₅, a₂ja₂ dsi₅ le₃cha₂ cu₄
'líong₂, a₂'nio₃ cuē'₅ o₂'ŋi₃ o₂ŋia₃ dsi₅; i₂nē₅ ně₃ lín₅
co₂'nió'₄ míg₂ a₂tsá₃ ma₃lé₂ rón₃.

15 La₁ ca₂dsio₄ míg₂ jon₂ a₂ca₂séi₂ ja₁dse₃ gua'₅₄,
co₂'nió'₄ lín₅ juí₁lia'₂ dsa₂ i₂dse₃ dsi₅ i₂caun₂ ne'₅₄,
tsán'₂ tiá₂ jág₁ a₂nag₂₃, caun₂ juín'₂ bá₄ dsi₅, 'líong₂
a₂dse₃ rē₂jniá₂ a₂jmo₂₃ chain₂.

Jág₁ jáng'₅ léi₄ juí₁lia'₂ ni₁tsí₅ chi₁guí'₂ si₂
(Marcos 4:21-25)

16 "I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlē₂
o₃ a₂chi'₂ né'₃ tsí₁cama 'e₂. A₂'ag₅ guei'₅₄ bá₄ dsa₂ si₂,
ia₁jaun₂ jniá₂ quió'₅ i₂dsi₂ton'₅₄.

17 Ján₃ bá₄ le₂jaun₂, 'i₁caun₂ a₂rē₂'ma₄ jlē₅ cha₂
jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rē₂jniá₂.
Ján₃ guē'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂
dsa₂ a₂tsá₃ 'ein₂ le₃ŋi₅; tion₅₄ bá₄ rē₂ŋi₅ dsa₂.

18 'Quion₂ de'₂ 'nia'₂ 'í₁ rē₂ jaun₂, 'a₂ lia'₂ lē₅
nag'₂, ia₁ juí₁lia'₂ i₂ma₂ŋí'₂, Diú₄ bá₄ jmo₃ a₂le₃ŋí'₂
guē₄. La₁ juí₁lia'₂ i₂tsá₃ 'nio₃ le₃ŋí'₂ guē'₂ ně₃, ca₂tē₂
a₂jme₁ma₂ŋí'₂, lín₂, ŋia'₃.

Chi'₂ rin'₅₄ Jesús, quian'₅₄ chog₅₄
(Mateo 12:46-50; Marcos 3:31-35)

19 Jaun₂ ca₂dsi₃lén₂ chi'₂ rín'₅₄ Jesús quian'₅₄ chog₅₄, jme₁'nio₃ jme₁ñí₃ ca₂të₂ ja₁'en₅₄ 'éi₂, la₁ tsá₃ lé₂, ia₁ juin₅ lín₃ dsa₂ tion'₅₄.

20 Jaun₂ jan₂ dsa₂ sián'₂ bá₄ ca₂ñag₃ jág₁ ca₂juá'₂:
—Chog'₂ quian'₅₄ chi'₂ ríng'₂ në₅ tióin₂ ca₁'né₄, 'nio₃ jíin₂ 'ne₂.

21 Jaun₂ ca₂ñag₃:
—Dsa₂ i₂ñag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ në₃.

*Ca₂jmo₃ Jesús ca₂'ág₂ tei₄ jmi₁ñí'₄, ca₂ñia'₃ dsí₂ në₃
(Mateo 8:23-27; Marcos 4:35-41)*

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:
—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄.
23 Të₁lia'₂ tióin'₅₄ 'ain₂₃ jmi₁ñí'₄, la₁ 'éi₂ në₃ ca₂güin₂ bá₄. Të₃jë₄ jaun₂ ca₂'ág₂ dsí₂ tiá₂ lín₃ ne₄ jmig₂. Ca₂rë₃lióg₃ i₃'a₄ jmig₂ 'ñió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lín₃ tióin'₅₄.

24 Jaun₂ ca₂i₁ñei₂₃ Jesús, ca₂juá'₂:
—¡Të₅! ¡Të₅! ¡Dsi₃'éin₂ jniog₄!
Jaun₂ ca₂nau₂ bá₄ guë'₂ Jesús ca₂të₂ ca₂jéin₂ dsí₂, a₂jnë₅ jmig₂ në₃. Dsi₂jui₅ le₂jaun₂ bá₄ ca₂të₁tsí'₅₄ táng₃ tei₄.

25 Jaun₂ tsí'₅ chi'₂ dsi₂guia₃-tín₂:
—¿'A₂ ñó₅ a₂'én'₂ 'nia'₂?
Ca₂lia'₂ lë₁quian₅ juë'₅ lín₃ bá₄ tióin'₅₄ dsi₂gó'₃ dsí₅, dsia₂₃ tsí'₅ rín'₅₄:
—¿'Ein₂ bá₄ lín₅ dsa₂ në₅, tiin₂ jmo₃ 'éi'₃ tsí'₅ të₂ dsí₂, jmig₂ në₃, ne'₅₄ a₂juá'₂?

*Dsa₂ chan₂ Gerasa i₂tion'₅₄ jme₂dsí₂ 'lín'₅₄
(Mateo 8:28-34; Marcos 5:1-20)*

26 Jaun₂ gué₄ ca₂dsi₃léin₂ 'uë₃ Gerasa[‡] a₂ron₅ le₃'ŋo'₅₄ jmig₂ ja₁ron₅ 'uë₃ Galilea.

27 Jme₁ca₂o₂'ín₃ Jesús a₂të₁tsiin'₅₄ 'uë₃, jaun₂ ca₂jme₃quián₃ jan₂ dsa₂juig₂ jaun₂ cau₅ quió'₅. Dsa₂ 'éi₂ ně₃, líg'₂ bá₄ qui₂ca₂jio₃ jme₂dsí₂ je₂na'₅₄. Líg'₂ bá₄ ŋi₂₃ tsá₃ ma₃tsin'₅₄ qui'₅, on₃ guë'₂ ma₃jua'₅₄ a₂guá₅ dsi₂néi₂; tau₂ 'ŋio₅ quió'₅ 'lag₄ bá₄ jme₁ma₂guá₅.

28 Jme₁ca₂jíin₂ Jesús, jaun₂ ca₂guió'₃ co₂mi'₅₄, ca₂chi₃jné₃ ne₄ 'éi₂, ca₂juá'₂ tiá₂ lín₃:

—¿'E₂ bá₄ lë₃ ŋe'₃ i₃tiáng'₃ jë₄ quián'₂ jniá₂, 'ne₂ Jesús Ja₁ŋi'₅₄ Diú₄ i₂guá₅ guei'₅₄ lín₃? Mi₂₃ jniá₂ ne'₅₄, tsá₃ cuë₂ uig₅.

29 Ca₂juá'₂ le₂në₅ ia₁ jme₁ma₂në₂jmo₃ Jesús 'éi'₃ a₂o₃'ín₅ jme₂dsí₂ 'lín'₅₄ quió'₅. 'Lióng₂ ráun₂ bá₄ le₂jniá₅ jme₁ma₂ca₂jŋau'₃ i₂'lín'₅₄. Jaun₂ o₁jŋia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ŋí₁ cadenas ia₁jaun₂ lé₂ 'í₁, la₁ ca₂le₃jë₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ŋí₃ uíng₂ gua'₅₄ quein₂ ja₁co₂'ŋiog₅.

30 Jaun₂ ca₂ŋag₃ Jesús:

—¿'A₂ bá₄ lia'₂ cheng'₂?

Jaun₂ ca₂ŋag₃:

—Juin₅Š bá₄ cheng₂.

Le₂në₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

‡ 8:26 A₂lín₅₄ chog₅₄ si₂ juá'₂: “Gadara”; a₂siá'₂ guë'₂ ně₃, juá'₂: “Gergesa”; ján₃ bá₄ le₂në₅ Š 8:30 griego: legión.

31 Jaun₂ jme₂dsí₂ 'éi₂ ně₃ qui₂ca₂mi₃ tion₅₄ ne₄
Jesús ia₁jaun₂ tsá₃ guiog'₃ 'éi₂ ca₂tě₂ ja₁ca₂jain₃
chi₁dsio₅₄.

32 Jaun₂ jme₁tion'₅₄ juin₅ i₁ŋí₅ caun₂ dsi₂con'₂.
Jaun₂ ca₂mi₃ jme₂dsí₂ a₂cuě₃ Jesús jmi_g₄ a₂dsi₃toin'₅₄
quió'₅ i₁ŋí₅. Jaun₂ ca₂cuě₃ bá₄ guě'₂ Jesús jmi_g₄.

33 Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂;
ca₂i₃léin₂ i₃toin'₅₄ quió'₅ i₁ŋí₅. Ca₂le₃jín₃ i₁ŋí₅ 'éi₂
ně₃ ca₂i₁nioi₁₂ co₂'ei₅ 'lig'₅₄, qui₂ca₂sein'₃ tsag₂ siá₅
ca₂sein'₂ tě₂ dsi₂jmi_g₂. Ja₁jaun₂ ca₂dsain₃ ca₂'in'₃
jmi_g₂.

34 Jme₁ca₂tě₂ ne₄ dsa₂ i₂jme₁jmo₅ 'í₁ i₁ŋí₅ 'e₂ ca₂lě₃,
ca₂i₃lein₃ ca₂cuing₃ ca₂i₁dsia₂ jě₄ juig₂, ja₁nau₂ ně₃.

35 Jaun₂ ca₂i₁len₅₄ dsa₂ juig₂ i₁jag₅₄ a₂ca₂lě₃
ja₁jaun₂. Jme₁ca₂dsi₃léin₂ ja₁'en₅₄ Jesús, ca₂jín₂ dsa₂
i₂ma₂'uin₂ je₂na'₅₄ tě₂dsí₅. Jaun₂ ma₂guá₅ con₂ Jesús
ma₂qui₂' tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃
dsí₅ dsa₂ jme₁ca₂jág₂.

36 Dsa₂ i₂ca₂tě₂ ne₄ a₂ca₂lě₃ jaun₂, ca₂dsia₃
ca₂tsí'₃ táng₃ i₂ca₂dsi₃lén₂ 'éi₂ 'a₂ lia'₂ ca₂'lón₂ dsa₂
i₂jme₁tion'₅₄ je₂na'₅₄ tě₂dsí₅.

37 Jaun₂ ně₃, ca₂le₃jín₃ bá₄ dsa₂ chan₂ le₃lág'₃ juig₂
'uě₃ Gerasa ca₂tsí'₃ Jesús a₂o₃'iin₅ ja₁jaun₂, ia₁ 'ŋio₅
lin₃ tě₂tsí'₅₄ go₂'i₃ tion'₅₄ dsa₂. Jaun₂ ca₂ŋá'₃ bá₄ 'éi₂
ca₂'í₃ táng₃ tsí₁mu₅.

38 Dsa₂ i₂ca₂'uin₂ jme₂dsí₂ je₂na'₅₄ quió'₅ ně₃,
jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ ně₃
ca₂jmo₃ 'éi'₃ a₂ŋia₃ bá₄, ca₂juá'₂:

39 —Guan'₂ bá₄ quiáng'₂, o₂dsia₄ ca₂le₃jě₃ 'e₂
ně₂jmo₃ Diú₄ ja₁cong'₂.

Ca₂ηá'₃ bá₄ guë'₂ dsa₂ 'éi₂ quió'₅, ca₂i₁dsia₂ le₂tan₅₄
jë₄ juig₂ 'e₂ ca₂jmo₃ Jesús quiong'₅₄.

*Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Marcos 5:21-43)*

⁴⁰ Jme₁ca₂dsián'₃ táng₃ Jesús le₃ηo'₅₄ jmig₂,
qui₂ca₂guei₃ dsa₂ a₂ηio₂ dsí'₅, ia₁ ca₂le₃jín₃ bá₄
jme₁ma₂le₁jniog₂₃ tioen'₅₄.

⁴¹ Të₃jë₄ jaun₂, ca₂dsióg₃ jan₂ dsa₂ i₂chen₂ Jairo,
i₂niog₅ gu₂ guá'₅ sinagoga. Dsa₂ 'éi₂ ně₃ ca₂chi₃jnë₃
ne₄ Jesús jme₁dsióg₃, ca₂mí₃ tion₅₄-jan₃ ia₁jaun₂ dsó₃
ja₁quió'₄.

⁴² Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄
con'₂ guia₃-tín₂ ηi₂, i₂jme₁ma₂i₁jón₂. Jme₁ma₂'en₅₄
Jesús juí₅ ηó₃ ja₁quió'₄ 'éi₂, juí₅ lín₃ dsa₂ i₂i₃lén₂
quiong'₅₄, lia'₂ qui₂rë₂quín'₅ bá₄ Jesús ηó₃.

⁴³ Jë₄ jaun₂, ηó₃ jan₂ dsa₂ mí₂ i₂dso'₅₄ ma₂gua₃-tín₂
ηi₂ a₂tiin₂,* la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃
jme₃'lió₂.

⁴⁴ Io₅₄ 'éi₂ ně₃ ca₂jme₃quiáin₃ të₂le₃ chi₁co'₅₄ quió'₅
Jesús. Jaun₂ ca₂ní'₃ chei'₅₄ tsin'₅₄ 'éi₂. Co₂tan₅₄
dsi₂juí₅ le₂jaun₂ bá₄ ca₂quion₂ jmí₂ 'ain₅₄.

⁴⁵ Jaun₂ ca₂juá'₂ Jesús:

—¿'Ein₂ ně₂ní'₃ quió₃?

Ca₂le₃jín₃ bá₄ dsa₂ ηag₂₃ juá'₂ tsá₃ ηi₅.

Jaun₂ ca₂juá'₂ Pe₄:†

—Të₅, jág'₂ bá₄ 'ne₂ chi₁quí'₅ co₂'liog'₂ dsa₂
ca₂taun₂ ca₂taun₂ ja₂náu₅.

⁴⁶ La₁ caun₂ ca₂juá'₂ bá₄ Jesús:

* **8:43** A₂lín₅₄ chog₅₄ si₂ juá'₂ ján₃: “Jme₁ma₂'éin₂ ca₂le₃jë₃ cu₄
a₂jme₁cha₂ quió'₅ quian'₅₄ të₅mí₅.” † **8:45** A₂lín₅₄ chog₅₄ si₂ juá'₂
ján₃: “Pe₄ quian'₅₄ rín'₅₄.”

—Chan₂ i₂ně₂ní'₃ quió₃, ia₁ ca₂rě₃léi₄ jniá₂ o₂'ág₃ bí₂ quió₃.

47 'Io₅₄ ně₃, jme₁ca₂rě₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jnë₃ ne₄ 'éi₂. Tě₃ jág₅ ca₂le₃jín₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ní'₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lóni₂ dsi₂jui₅ le₂jaun₂.

48 Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

49 Tě₃jě₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂nio₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuë'₂ ta₁ Tě₅.

50 La₁ ca₂nág₂ bá₄ Jesús, jaun₂ ca₂juá'₂:

—Tsá₃ lě₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ ně₃ jag'₅₄ i₂'lión₂ bá₄ chi'₂ quiáng'₂.

51 Jme₁ca₂dsióg₃ dsi₂néi₂, tsá₃ ca₂cuë'₃ jmig₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo_‡ ně₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄.

52 Jaun₂ qui'₂-o₅ bá₄ dsa₂ qui'₂ dsí₅ lin₃ tioen'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rě₂jon₅₄ ně₅. Jñia'₅₄ lia'₂ a₂rě₂gü_{in}₃ bá₄.

53 La₁ jñia'₅₄ ca₂ñí₂ bá₄ 'éi₂ tioen'₅₄, ia₁ ñi₅ rě₂ bá₄ a₂jme₁ma₂rě₂jon₅₄ dsón'₂ bá₄ chi'₂.

54 Jaun₂ ca₂tiin₂ gu₂ chi'₂ 'éi₂, ca₂juá'₂ tiá₂:

—jJón₃, nau₂!

55 Ca₂gú'₃ táng₃ jme₂dsí₂ quió'₅; dsi₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuë'₃ dsa₂ a₂gué'₃.

‡ 8:51 o₃, Santiago.

56 Jaun₂ dsi₂gó'₃ dsí₅ 'ŋio₅ lin₃ chog₅₄-jmei₂. La₁
Jesús ně₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lē₃
jaun₂.

9

Ca₂chen₃ Jesús chi'₂ dsi₂guia₃-tín₂
(Mateo 10:5-15; Marcos 6:7-13)

1 Ca₂ŋí'₂ Jesús chi'₂ dsi₂guia₃-tín₂ quiáin₅ ca₂cuë₃
juí₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂
je₂na'₅₄, a₂lé₂ qui₂jme₃'lióin₂ dsa₂ juí₁'e₂ guë₃ dso₄
niog₅ lín₅.

2 Ca₂chei₃ a₂dsi₃'ě₃ jág₁ juí₁lia'₂ ja₁gon₂ Diú₄,
a₂dsi₃jme₁'lioin₅₄ dsa₂ i₂le₁dso'₅₄.

3 Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le'₁₄ juí₅, on₃ guë'₂
'ma₂'i₅₄, on₃ guë'₂ tsí₁na'₅₄ on₃ guë'₂ i₁ŋí'₄, on₃ guë'₂
cu₄, on₃ guë'₂ tsín'₂ 'nia'₂ siá'₂ cán'₁.

4 Le₂caun₂ dsi₂néi₂ ja₁dsi₁nó'₅ 'nia'₂, ja₁jaun₂ jan'₄
'nia'₂ ca₂lia'₂ ca₂tě₂ jmig₄ a₂o₁nog'₄ táng₃.

5 Le₂caun₂ juig₂ ja₁tsá₃ guei₅ dsa₂, co₂dsia₅ 'uín'₂
'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmó'₂ léi₄
a₂tsá₃ ma₃'e₂ 'uín'₄ 'nia'₂ quiain'₅₄.

6 Jaun₂ qui₂ca₂'uín₂ bá₄ chi'₂ dsi₂guia₃-tín₂,
ca₂l₃léin₂ le₂tan₅₄ juig₂ i₁'ě₄ jág₁ dse₃, i₁jme₁'lioin₂₃
dsa₂ ně₃.

Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)

7 Jaun₂ ca₂rë₃ŋi₅ Rag₅₄ * Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lin₅₄, Juan₅₄ bá₄ 'éi₂ ŋi₅ a₂ma₂ca₂jjein'₅₄ táng₃.

8 I₂lin₅₄ guë'₂ dsia₅ a₂ma₂ca₂jme₃nia₅ Elías; i₂sián'₂ guë'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂.

9 La₁ Rag₅₄ Herodes 'niog₅ guë'₂ ně₃ juá'₂:

—Jua'₂ jniá₂ 'nió₃ ca₂jmo₃ 'éi'₃ a₂ca₂quí'₃ dsa₂ dsí₂lag₄ 'éi₂. ħ'Ein₂ guë'₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme₁'no'₂ juí₅ a₂jme₃jjein'₂.

Ca₂jme₃tan₅₄ Jesús 'niá₂ mei₅ dsa₂

(Mateo 14:13-21; Marcos 6:30-44; Juan 6:1-14)

10 Jme₁ca₂o₃len₃ dsa₂ i₂chen₄ quián₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio₃ Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida.

11 La₁ tion₅₄ bá₄ ca₂i₃lén₂ dsa₂ sián'₂ jme₁ca₂rë₃ŋi₅; ca₂guei₃ bá₄ guë'₂ Jesús qui₂ca₂jme₃tag₂₃ jág₁ juí₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ ně₃.

12 Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsí₂guia₃-tín₂ ca₂tsí'₃ Jesús:

—'Ei'₂ jág₁ dsa₂, ia₁jaun₂ dsí₃lein₅ dsí₃'nióg₂ a₂guě'₃, juí₁dsi₂'nio'₂ ja₁ŋia₃ le₂con₂ juig₂ pí'₁ ma₂quián₅ ně₅, ia₁ tsá₃ 'e₂ cha₂ ja₁lá₃.

13 La₁ Jesús guë'₂ ně₃ ca₂juá'₂:

—Cuë'₅₄ 'nia'₂ dsa₂ a₂guě'₃.

Jaun₂ ca₂ŋag₃ 'éi₂ táng₃:

* **9:7** griego: tetrarca (i₂gon₂ jmo₅ 'éi'₃ 'uě₃, Galilea).

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jnia'₅₄ lia'₂ 'ñiá₂ i₁ñí'₄ bá₄ 'i₄; quian'₅₄ on₃ i₁ju₁, jnia'₅₄ lia'₂ nē₁jua'₂ dsi₁liá₄ má₃ con'₂ tín'₂ guē'₃ ca₂le₃jín₃.

¹⁴ Con'₂ 'ñiá₂ mei₅ dsa₂ 'éi₂ jme₁lě₂, jmá'₃ dsa₂ ñe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂ co₂niói'₃.

¹⁵ Jaun₂ ca₂jmo₃ bá₄ guē'₂ 'éi₂ 'éi'₃ a₂tian'₃ dsa₂.

¹⁶ Jaun₂ ca₂tín₂ Jesús ta₁'ñiá₂ i₁ñí'₄, le₃on₃ i₁ju₁ nē₃. Ca₂chóg'₃ ne₅₄ jui₅ guei'₅₄ i₂juíg'₃, ca₂jme₃jñiói'₃ a₂jaun₂. Jaun₂ guē'₄ ca₂'niai₃, ca₂cué'₃ chi'₂ dsi₂guia₃-tín₂. 'Éi₂ guē'₂ nē₃ ca₂dsi₁ó'₃ jin₄ dsa₂.

¹⁷ Ca₂le₃jín₃ bá₄ ca₂guē'₃ ca₂lia'₂ ca₂'ág'₃ dsí'₅. Jme₁ca₂lě₃ jaun₂, guia₃-tín₂ tsi₁mí'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂ 'ín₁ quián₅ Diú₄

(Mateo 16:13-19; Marcos 8:27-29)

¹⁸ Co₂ráun₂ 'en₅₄ Jesús 'ñiog₅ chi₂léin'₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ñag₃ Jesús:

—¿'E₂ 'ag₅ dsa₂ jniá₂? ¿'Ein₂ lín₅ jniá₂, dsia₅ dsa₂?

¹⁹ Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín₅ Juan₅₄ i₂chon₅ dsa₂ jmíg₂; i₂lín₅₄ guē'₂ dsia₅ a₂lín₅ Elías; i₂lín₅₄ guē'₂ dsia₅ táng₃ a₂lín₅ i₂sián'₂ i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

²⁰ Jaun₂ ca₂ñag₃ Jesús:

—ǰ'Nia'₂ guë'₂ ně'₃? ǰ'E₂ guë'₂ juá'₂ 'nia'₂ 'ein₂ lín₅
jniá'₂?

Jaun₂ ca₂ŋag₃ Pe₄:

—'Ne₂ líng'₅ I₂rë'₂ín₁ quián₅ Diú₄.

'Ĕ₂ Jesús jág₁ a₂jóin₂
(Mateo 16:20-28; Marcos 8:30--9:1)

²¹ Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃
jág₁ jaun₂.

²² Jaun₂ ca₂juá'₂ ně'₃:

—Co₂në₅ 'en₅₄ 'éi'₃ Jaun₅ dsa₂ mi₂güig₃ a₂dsi₃ŋíi₂
ui_g 'ŋio₅ lín₃; jme₃'iog₅₄ dsi₂gui'₅₄ can'₅₄, lia'₂ juig₅₄
jme₂dsa₂, tē₅juá'₅ ně'₃. Quin'₃ dsa₂ jág₁ a₂jŋag'₃, la₁
jein'₅₄ bá₄ táng₃ a₂'ni₅ jmig₄ jaun₂.

²³ Jaun₂ ca₂tsí'₃ ca₂le₃jín₃:

—Në₁jua'₂ chan₂ i₂'nio₃ jiá₃ chi₁co'₅₄ quió₃,
co₂dsia₅ ju₁dsi₂'én₂ dsí₅ 'ŋiog₅, ju₁'ei₅₄ bá₄ caun₂
dsí₅ ca₂le₃jě₃ jmig₄ o₁jŋia'₅₄ ca₂join₃, † ju₁jia₂ chi₁co'₅₄
quió₃.

²⁴ Ia₁ ju₁lia'₂ dsa₂ i₂'nio₃ le₃chan₂ dse₃ mi₂güig₃
la₂, dsi₃'én₂ quió'₅; la₁ ju₁lia'₂ dsa₂ i₂qui'₃ dsí₅
ju₁dsi₂ŋíi₂ 'e₂ dsi₃ŋíi₂ o₄quió₃ jniá₂, lí'₂, tíin'₄ bá₄.

²⁵ Ia₁ ǰ'e₂ bá₄ ta₁jmo₃ a₂lí'₄ dsa₂ ca₂le₃jě₃ a₂cha₂ne₄
gua'₅₄ 'uë₃ la₂, në₁jua'₂ dsi₃'én₂ bá₄ guë'₂?

²⁶ Ia₁ në₁'ein₂ gui'₅₄ jén'₅ o₄quió₃ jniá₂ quian'₅₄
o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅
dsa₂ mi₂güig₃ 'ag₃ jē₁ma₂tē₂ rē₁jŋíó'₂ ma₂lín₅ Rag₅₄
jlán'₁ ju₁lia'₂ jlán'₁ Jmei₂, quian'₅₄ ángeles jŋíó₅
quián₅.

† 9:23 lit. “ju₁quian₅₄ cróg₄ quió'₅ ca₂le₃jě₃ jmig₄.”

27 A₂dsi₂jó'₃ juí₂g₂ jniá'₂ 'nia'₂, chan₂ bá'₄ 'nia'₂ i₂lin₅₄
i₂tión₂ jë₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂ 'éi'₃
quíó'₅ Diú₄.

Ca₂rě₃tsín₃ Jesús lia'₂ jniái₂
(Mateo 17:1-8; Marcos 9:2-8)

28 Con'₂ ŋia₃ jmig₄ cang₂ a₂ca₂juá'₂ Jesús le₂ně₅,
ca₂ŋó₃ jui₅ má'₂ i₁chi₂i₁lein'₄ Diú₄, jme₁quiain'₅₄ Pe₄,
Jacobo, Juan₅₄ ně₃.

29 Tě₃jë₄ chi₂lén'₂ Diú₄, ca₂rě₃tsín₃ lia'₂ jniái₂.
Tsin'₅₄ ně₃ ca₂rě₃tsín₃ ca₂jnia₃ tiog₂ jau₂, ca₂lia'₂ tá₅
'ŋio₅ lin₃.

30 Tě₃jë₄ jaun₂, ca₂jnia₃ on₃ dsa₂, dsia₂₃ já₁
quian'₅₄ Jesús. Moisés quian'₅₄ Elías bá'₄ 'éi₂.

31 Ca₂lia'₂ co₂tág₅ co₂'né'₅ bá₄ ca₂jniai₃, tióin₂ dsia₂₃
a₂niog₅ lé₂, 'mú₃ a₂gue₃ jë₄ juí₂g₂ Jerusalén, a₂le₃ti₃
'éi'₃ a₂'ein₅₄.

32 Tě₃ ma₃i₁güín₃ 'ŋio₅ lin₃ bá₄ Pe₄ quian'₅₄
riin'₅₄, ca₂jme₃jnio₅₄ ne₅₄ ca₂jín₂ Jesús jniái₂ co₂tág₅
quian'₅₄ dsa₂ on₃ i₂quiain'₅₄.

33 Jme₁ma₂i₂uín₃ dsa₂ 'éi₂ cau₅ quió'₅, jaun₂
ca₂juá'₂ Pe₄ ca₂tsí'₃ Jesús:

—Tě₅, i'e₂ guě₄ dse₃ lia'₂ tio'₅₄ jniog₄ ja₁lá₃! Ně₃
o₁jmó₁ 'ni₅ tsi₁'io₅ láu₃: caun₂ quiáng'₂, caun₂ quió'₅
Moisés, caun₂ guě'₂ quió'₅ Elías ně₃.

La₁ a₂lě₁ca₂juá'₂ bá₄ Pe₄, on₃juá'₅₄ jaun₂ lí'₄ a₂tě₂'i₂₃
le₂jaun₂.

34 Tě₃ dsia₂₃ já₁ le₂jaun₂, jme₁gua₃ jnei₅ ca₂jliin₃,
jaun₂ guě₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jë₄
jnei₅.

35 Jë₄ jnei₅ jaun₂ ca₂né'₂ já₁g₁, ca₂juá'₂:

—I₂la₂ bá₄ jón₃ I₂rë₂'ín₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂në₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂tě₂ ne₅₄ jaun₂.

Ca₂jme₃'lión₂ Jesús jan₂ chi'₂ i₂jme₁'en₅₄ jme₂dsí₂ 'lín'₅₄
(Mateo 17:14-21; Marcos 9:14-29)

³⁷ Jme₁jnia₃, ca₂sióin₃ táng₃ má'₂ jaun₂, con'₂ guë'₂ juin₅ lín₃ dsa₂ ca₂jme₃jein'₂.

³⁸ Të₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Të₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂.

³⁹ Jme₂dsí₂ 'lín'₅₄ bá₄ i₂co₂jmóg'₂ guió'₅ co₂tiá₂jén'₅ dso₄ 'ei₂, qui₂'uě'₅ jan₅ mi₂'o₅₄. I₂'lín'₅₄ ně₃, jmóg'₂, ca₂lia'₂ jaun₂ guë'₄ téi₂ ca₂lia'₂ ma₂jén'₃ uig₅ 'ñio₅ lín₃.

⁴⁰ Jme₁ma₂në₂juíg₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmig₄ ně₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ jin'₄ 'nia'₂? N_{i54} chi'₂ quiáng'₂ le₃la₂.

⁴² La₁ jme₁ma₂ñó₅ chi'₂ le₃ne₄ Jesús, i₃'iín₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂jui₅ le₂jaun₂ ca₂jí₂ Jesús ca₂jéin₂ i₂'lín'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jín₃ 'a₂ lia'₂ juin'₂ Diú₄.

Ca₂'ě₂ táng₃ Jesús jág₁ a₂jóin₂
(Mateo 17:22-23; Marcos 9:30-32)

Të₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

44 —Rë₂ nei₂ 'nia'₂ jág₁ quió'₃ la₂: ñi'₅₄ ta₁ ja₁dsau₅₄ në₅, jáng'₂ dsa₂ quió'₅ Jaun₅ dsa₂ mi₂güí'₃ o₄gú₃ dsa₂.

45 La₁ jág₁ jaun₂ ně₃, tsá₃ ca₂ñí'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ñí'₂. Jaun₂ tsá₃ ca₂tiá₂ dsí₅ a₂ñí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lín₅ i₂dsen₅₄ guě₄?

(Mateo 18:1-5; Marcos 9:33-37)

46 Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ jui₁lia'₂ 'ein₂ i₂lén₂ i₂dsen₅₄ guě₄ jě₄ quió'₅.

47 La₁ jme₁ca₂rě₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅.

48 Jaun₂ ca₂juá'₂:

—Jui₁lia'₂ dsa₂ i₂guen₅ guein₂ la₂ o₄quió'₃ jniá₂, guei₂₃ jniá₂; jui₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ jui₁lia'₂ i₂jmo₅ me'₂ guě₄ jě₄ ca₂le₃jín'₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

49 Jaun₂ ně₃ ca₂juá'₂ Juan₅₄:

—Të₅, ma₂jín₄ jnia'₅₄ jan₂ dsa₂ 'uín'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuě₅₄ jnia'₅₄ jmíg₄, ia₁ tsá₃ guě'₂ ñi₂₃ quian'₅₄ jniog₄.

50 La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jñig'₅₄. Ia₁ jui₁lia'₂ dsa₂ i₂tsá₃ 'iog₅₄, të₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

51 Jme₁ma₂ja₂quián₃ tē₅₄ jmig₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsióg₄ Jerusalén.

52 Ca₂chein₃ dsa₂ i₃lén₂ ne₄ jui₅ i₃jmó₂ co₂jñia₅₄ ja₁jñia₃ caun₂ juig₂ pí'₁ niog₅ 'uē₃ Samaria.

53 La₁ tsá₃ ca₂guen₃ dsa₂ Jesús ja₁jaun₂, ia₁ ca₂rē₃lí'₄ a₂'ein₅₄ jui₅ njó₅ jui₅ Jerusalén bá₄.

54 Jaun₂ ně₃, jme₁ca₂rē₃jñi₅ Jacobo quian'₅₄ Juan₅₄ a₂tsá₃ guei'₅₄ dsa₂, jaun₂ ca₂juá'₂:

—Te₁gui'₅₄, tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?‡

55 Jaun₂ ca₂jén'₃ Jesús ca₂jí₂.§

56 Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús

(Mateo 8:19-22)

57 Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

58 Jaun₂ ca₂ñag₃ táng₃ Jesús:

—Jui₁lia'₂ i₁güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ ján₃.

La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃jñia₃.

59 Jaun₂ ca₂tsí'₃ i₂sián'₂:

—Nia₅ quian'₅₄ jniá₂.

La₁ ca₂ñag₃ 'éi₂:

—Te₁gui'₅₄, * jui₁i₁'óng₃ de'₂ ñe'₃.

‡ 9:54 A₂lin₅₄ chog₅₄ si₂ juá'₂ ján₃: “jui₁lia'₂ ca₂jmo₃ Elías.” § 9:55

A₂lin₅₄ chog₅₄ si₂ juá'₂ ján₃: “ca₂juá'₂; —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, tē₂le₃ a₂lió₂ bá₄.” * 9:59 A₂lin₅₄ chog₅₄ si₂ tsá₃ chi₁ton₅ jág₁ “Te₁gui'₅₄.”

60 Jaun₂ ca₂ŋag₃ táng₃ Jesús:

—Jui₁dsi₂'ón₃ 'lag₄, 'lag₄ riin₅₄. La₁ 'ne₂, juíg₂ jniá₂, gua₂ o₂'ě₃ jág₁ jui₁lia'₂ 'a₂ lia'₂ lě₅ ja₁gon₂ Diú₄.

61 Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ ju₁i₁'éi'₃ de'₂ jág₁ i₂chan₂ quió₃.

62 La₁ Jesús ně₃ ca₂juá'₂:

—Dsa₂ i₂ma₂ně₂'éi₂ caun₂ dsí₅ a₂jme₃quiong'₅₄, ně₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quiá'₂ 'uě₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rě₂dsí₂ guian₃ dsa₂

1 Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rě₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃léin₂ ne₄ jui₅ quió'₅, ca₂le₃jě₃ juig₂ ja₁'ein₅₄ jui₅ dsióg₄.

2 Ca₂tsí'₃ 'éi₂:

—Ju₁n₅ lín₃ bá₄ dsa₂ 'nio₃ gue₃ jág₁ quió'₅ Diú₄; lě₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ ju₁n₅ chan₂. Jaun₂ lě₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃.

3 Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂.

4 Tsá₃ tsí₁na'₅₄ cán'₁ 'nia'₂, on₃ guě'₂ lau₂ tó'₅ cu₄, on₃ guě'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ jág₁ uě₂ quian'₅₄ dsa₂.

* **10:1** A₂lín₅₄ chog₅₄ si₂ chi₁ton₅ “'nag'₂ ne₂guión₂ rě₂dsí₂ guian₃-tín₂ (72) dsa₂ sián'₂.”

5 Jë₁ma₂tě₂ rë₁tón'₂ 'nia'₂ dsi₂néi₂ quió'₅ dsa₂ ja₁jan'₄, cuin₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.”

6 Chi₂jua'₂ dsa₂i₂quió'₅ dsi₂néi₂ jaun₂'ua₁ bá₄ dsí₅, tē₃'ñiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ nē₁jua'₂ tsá₃ le₂jaun₂, tē₃'ñiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂.

7 Caun₂ bá₄ ja₁o₁ñia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuē₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂'í₁ 'né₅.

8 Jë₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guē₃ a₂cuē₅ dsa₂.

9 Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂ 'éi₂ quió'₅ Diú₄ ja₁con'₂ 'nia'₂.”

10 La₁ nē₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jē₄ calles, chei'₅₄:

11 “Le₂jio₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂j_{mó}₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂ 'éi'₃ quió'₅ Diú₄ ja₁cong'₂.”

12 Juá'₅ jniá₂ juig₂ 'nia'₂, 'ñio₅ lín₃ guē₄ uig₅ a₂'ě₂ Diú₄ jmig₄ jaun₂ ja₁con₂ dsa₂ 'éi₂, lia'₂ con'₂ guē₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂
(Mateo 11:20-24)

13 'i'E₂ guē₄ juig'₂ 'nia'₂ dsa₂ juig₂ Corazín! 'i'E₂ guē₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guē₃ ca₂le₃jín₃ dsa₂ chan₂ Tiro quian'₅₄ Sidón ca₂tě₂ ne₅₄ jui₁lia'₂ jui₅bí₂ juē'₂ a₂niog₅ lē₂ jē₄ quián'₂ 'nia'₂ jmig₄

ně₃, líg'₂ bá₄ tsá₃ ma₂quí'₂ 'mi'₂ taun₅ jme₁tiaín'₃ jě₄
jua₂ ně₃, jme₁jmo₃ léi₄ a₂ca₂dsi₃quén'₅ dsí₅.

14 La₁jě₁ma₂tě₂ rě₁qui₃dsi₅ Diú₄'éi'₃, 'ŋi₀₅lin₃guě₄
'ŋi₀₅uig₅guéi'₁ 'nia'₂ con'₂guě₄uig₅a₂ca₂gue₃dsa₂
i₂chan₂Tiro quian'₅₄Sidón.

15 'Ne₂guě'₂juig₂Capernaum, ɬa₁rong'₂ŋei₅tě₂
guei'₅₄i₂juíg₃, líng'₂? 'En₁bá₄'ne₂sióng'₃ca₂tě₂
ja₁ca₂tín₂'lag₄.†

16 'Dsa₂i₂nag₅jág₁quián'₂'nia'₂, jág₁quíó₃jniá₂
bá₄nag₂₃. Dsa₂i₂tsá₃guen₅'nia'₂, jniá₂bá₄a₂tsá₃
guei₂₃. I₂tsá₃guei₅jniá₂, ján₃bá₄le₂jaun₂tsá₃
guein₂₃i₂ca₂chei₃jniá₂.

Ca₂dsi₃len₃ táng₃ i₂'nag'₂ ne₂guión₂ rě₂dsí₂ guian₃

17 Ca₂o₃len₃ táng₃'io'₂jén'₅ta₁'nag'₂ne₂guión₂
rě₂dsí₂guian₃(70)‡ dsa₂'éi₂, jaun₂dsia₂₃, juá'₂:

—Te₁gui'₅₄, ca₂lia'₂jio₅je₂na'₅₄bá₄nag₅gau₂jág₁
quián₂jnia'₅₄jě₁ma₂ca₂'ín₂jnia'₅₄'ne₂.

18 Jaun₂ca₂ŋag₃Jesús:

—Ján₅. Ma₁jág₅bá₄jniá₂jme₁ca₂tán'₂Satanás
guei'₅₄i₂juíg₃lia'₂ja₁ta'₂caun₂si₁ŋí'₃.§

19 'Éi'₃jaun₂bá₄ma₂cuě₃jniá₂'nia'₂a₂'ó'₅'nia'₂bí₂
'éi'₃a₂lé₂le₃qui₁tsong'₅₄dsi₂mi'₂, i₁'né₅ně₃, a₂tiang'₃
ne₄ca₂le₃jě₃jui₅bí₂a₂gu₂dsí₂i₂'io'₅₄, ca₂lia'₂jnia'₅₄
tsá₃'e₂jén'₄'nia'₂guióng'₅₄.

20 La₁tsá₃jmo₂'nia'₂'io'₂ia₁a₂nag₅gau₂jme₂dsí₂
'lin'₅₄jág₁quián'₂'nia'₂. A₂jaun₂bá₄jmo₄'nia'₂'io'₂
ia₁a₂ma₂le₁tong'₂ne₄si₂guei'₅₄i₂juíg₃.

† 10:15 griego: hades, co₂'nió'₄a₂juá'₂, ja₁quíó'₄'lag₄. ‡ 10:17
A₂lin₅₄chog₅₄si₂chi₁ton₅“ta₁'nag'₂ne₂guión₂rě₂dsí₂guia₃-tín₂(72).”

§ 10:18 'Nio'₂ja₁ton₅Isaías 14:12-15; Apocalipsis 9:1; 12:9.

Jmei₂ quian'₅₄ Ja₁ŋi'₅₄
(Mateo 11:25-27; 13:16-17)

²¹ Hora jaun₂, ca₂jmo₃ Jme₂dsí₂ Jŋi₁ó₅ a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uě₃ ně₃, ia₁ ma₂ca₂'ma'₅₄ a₂ně₅ ja₁con₂ dsa₂ i₂ŋí₄ tìn₂ sí₂, i₂ŋí'₂ dsí₅ ně₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂ně₅ 'ŋio₂ 'au'₂.

²² Jaun₂ ca₂jén'₃ Jesús, ca₂juá'₂.*

—Ne'₃ jniá₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuin₅ 'ein₂ 'éi₂ i₂lín₅ Ja₁ŋi'₅₄, jŋia'₅₄ lia'₂ 'ŋiog₅ bá₄ Jmei₂. Ján₃ guě'₂ le₂jaun₂, 'i₁jan₂ tsá₃ 'ein₂ cuin₅ 'ein₂ 'éi₂ lín₅ Jmei₂, jŋia'₅₄ lia'₂ Ja₁ŋi'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ŋio₂ dsí₅ Ja₁ŋi'₅₄ jme₂jniog₂₃.

²³ Jaun₂ ca₂jéin'₃, ca₂tsí'₃ jmá'₃ chi'₂ dsi₂guia₃-tín₂ guioin₅₄:

—'E₂ guě₄ dsen₃ dsa₂ i₂tě₅ ne₄ jui₁lia'₂ a₂niog₅ jág'₂ 'nia'₂,

²⁴ ia₁ a₂dsi₂jó'₃ juá'₅ jniá₂, juin₅ rag₅₄ ma₂líg'₂, lia'₂ dsa₂ i₂jme₁'ě₂ jág₁ quián₅ Diú₄ ně₃, jme₁'ín₅ dsí₅ jme₁tě₃ ne₅₄ jui₁lia'₂ a₂niog₅ tě₅ ne'₅₄ 'nia'₂ rě₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia'₂ a₂niog₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

²⁵ Co₂ráun₂ ca₂nau₂ jan₂ tě₅juá'₅, a₂jŋia'₅₄ con'₂ cáun₂ táu₂ bá₄ ca₂ŋag₃:

* **10:22** A₂lín₅₄ chog₅₄ sí₂ tsá₃ chi₁ton₅ "jaun₂ ca₂jén'₃ Jesús, ca₂juá'₂."

—Të₅, ǀe₂ 'nió'₅ jmo₅₄ jniá₂, ia₁jaun₂ tǐng₅₄ ja₁le₃chang₂ co₂tan₅₄?

26 Jaun₂ ca₂ŋag₃ Jesús:

—ǀE₂ 'éi'₃ tio'₅₄ ne₄ Si₂ guë'₂? ǀA₂ lia'₂ ŋí'₂ 'au'₂ a₂i'₂?

27 Jaun₂ ca₂ŋag₃ táng₃ të₅juá'₅ 'éi₂:

—“Jme₁'nió'₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsi₂, ca₂le₃jě₃ jui₅bí₂, quian'₅₄ ca₂le₃jě₃ a₂ŋí'₂ dsei'₂ ně₃;† ján₃ guë'₂ le₂jaun₂ jme₁'nióg'₄ dsa₂ mi₂güig₃ ríng'₂ jui₁lia'₂ 'nióg'₃ 'ŋiag'₂.”‡

28 Jaun₂ ca₂ŋag₃ táng₃ Jesús:

—Dse₃ lin₃ bá₄ ně₂ŋag'₅₄. Nē₁jua'₂ ca₂jmo'₅₄ le₂nē₅, léng'₂ bá₄ ja₁le₃chang'₂ co₂tan₅₄.

29 La₁ të₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—ǀEin₂ 'éi₂ dsa₂ mi₂güig₃ ríng'₃?

30 Jaun₂ ca₂ŋag₃ Jesús ma₂të₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ jui₅ o₂'iin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuë₃ dsa₂ 'ŋio₅ lin₃ ŋjia'₅₄ mei'₂ tsá₃ ca₂jŋag'₃. Jaun₂ guë₄ ca₂i₃lein₅.

31 Jě₂ lia'₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ŋii₅ jme₁ca₂jág₂.

32 Ján₃ bá₄ ca₂já₃ táng₃ jan₂ dsa₂ i₂lín₅ tsi₁jon₂ Leví, con'₂ ca₂quiá₂ cau₅ bá₄ ján₃, ca₂ŋii₅.

33 La₁ jan₂ dsa₂ i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso'₅₄, ca₂tá'₂ ŋéi₂ dsí₅ jme₁ca₂jág₂.

† 10:27 Deuteronomio 6:5. ‡ 10:27 Levítico 19:18.

34 Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rë₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁jñia₅ dsa₂. Ja₁jaun₂ ca₂jmo₃ 'í₁.

35 Jme₁jnia₃ jaun₂, ca₂dsi₂ tin₃ cu₄ 'ua'₂ ca₂cuë'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ nē₅. Nē₁jua'₂ 'e₂ ca₂'éng'₃ guë₄ quiáng'₂, la₂ bá₄ jáng'₄ jë₁ma₂guióng'₃.” Nē₃ nē₃ jaun₂.

36 ¿Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güig₃ rin'₅₄ dsa₂ i₂ca₂jma'₂ dsa₂ 'ang₂?

37 Jaun₂ ca₂ñag₃ táng₃ tē₅juá'₅:

—I₂ca₂tá'₂ ñéi₂ dsí₅ dsa₂ 'éi₂.

Jaun₂ ca₂ñag₃ táng₃ Jesús:

—Guan'₂, le₂nē₅ jmo₄ 'ne₂ ján₃.

*Ca₂dsio₃, Jesús dsi₂néi₂ quió'₅, Marta quian'₅₄
María*

38 Con'₂ tiain'₅₄ jui₅, ca₂'í₃ Jesús caun₂ juig₂ pí'₁. Ja₁jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió'₅.

39 'Éi₂ nē₃ jme₁chan₂ jan₂ riin'₅₄ i₂chen₂ María. 'Éi₂ nē₃ tei₄ bá₄ ca₂guá'₂ cau₅ mi₂tag₄ Te₁gui'₅₄, nag₂₃ jág₁ a₂juá'₂ 'éi₂.

40 Marta guë'₂ nē₃ 'ein₅₄ tsá₃ rë₂jñin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi'₅₄ Jesús, ca₂juá'₂:

—Te₁gui'₅₄, ¿tsa₁ dsan₂ 'au'₂ a₂tsá₃ 'e₂ jme₂'o₅₄ 'io₅₄ ríng'₃? 'Nió₃ bá₄ 'eng₅₄ tsá₃ rë₂jñing₅₄ jme₂ti₅₄. Chei'₅₄ ju₁jme₂'o₅₄.

41 Jaun₂ ca₂ñag₃ Te₁gui'₅₄:

—Marta, Marta, jág₅ bá₄ jniá₂ 'ñio₅ tsá₃ rë₂jñing'₅₄ 'eng'₅₄ dsan₂ 'au'₂ 'lióng₂ ta₁ a₂jmo'₂.

42 La₁ caun₂ bá₄ a₂dsen₅₄ guě₄ a₂ca₂tín₂ dsa₂ nag₃.
 María ríng'₂ ně₃, ně₂quió'₃ a₂dse₃ guě₄, jaun₂ 'i₁jan₂
 tsá₃ 'ein₂ le₃jñiá'₂ a₂ma₂ně₂quió'₃.

11

Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Mateo 6:9-15; 7:7-11)

1 Co₂ráun₂ jme₁'en₅₄ Jesús chi₂lén'₂ Diú₄.
 Jme₁ca₂lě₃ jaun₂, ca₂juá'₂ chi'₂ dsi₂guia₃-tín₂ quiáin₅:
 —Te₁gui'₅₄, jme₁tag₅ 'a₂ lia'₂ chi₂lén'₄ jnia'₅₄
 Diú₄, ju₁lia'₂ ca₂jme₃tag₅ Juan₅₄ ca₂jme₃tín₂₃ dsa₂
 quiáin₅.

2 Jaun₂ ca₂juá':

—Le₂la₂ jua'₅₄ 'nia'₂ jě₁ma₂tě₂ rě₁chi₁leng'₄ Diú₄:
 Tia₅₄, 'ne₂ i₂ñéi'₂ guei'₅₄ i₂juíg₃*
 ju₁jme₂gó'₃ dsa₂ a₂rě₂jñió₄ a₂cheng'₂.
 Ju₁le₅₄ bá₄ 'éi'₃ quiáng'₂,
 ju₁le₅₄ bá₄ a₂ñio₂ 'au'₂ 'ne₂, ne₄ gua'₅₄ 'uě₃,
 ju₁lia'₂ lě₂ guei'₅₄ i₂juíg₃.†

3 Cuě₄ a₂'nió'₅ que₅₄ jnia'₅₄ jmig₄ ně₃.

4 'Én₃ dsáu₁ jnia'₅₄,
 ju₁lia'₂ 'én₅ jnia'₅₄ dsáu₁ rín'₅₄.

'A₃ cuě₂ jmig₄ jiá₃ ju₁bí₂ a₂Cáun₂ táu₂,
 tě₂le₃ lio₄ bá₄ o₄gú₃ i₂sě₃dsen₃.‡

5 Ca₂juá'₂ Jesús ně₃:

* 11:2 A₂lin₅₄ chog₅₄ si₂ tsá₃ chi₁ton₅ “ne₂ i₂ñéi'₂ guei'₅₄ i₂juíg₃.”

† 11:2 A₂lin₅₄ chog₅₄ si₂ tsá₃ chi₁ton₅ “ju₁le₅₄ bá₄ 'éi'₃ quiáng'₂, ju₁le₅₄
 bá₄ a₂ñio₂ 'au'₂ 'ne₂ ne₄ gua'₅₄ 'uě₃, ju₁lia'₂ lě₂ guei'₅₄ i₂juíg₃.” ‡ 11:4
 A₂lin₅₄ chog₅₄ si₂ tsá₃ chi₁ton₅ “tě₂le₃ lio₄ bá₄ o₄gú₃ i₂sě₃dsen₃.”

—Jua'₅₄ mei'₂ guě'₃ le₃jua'₅₄, chan₂ jan₂ 'nia'₂ i₂dsióg₄ a₂'uě₂ quió'₅ a₂mei'₅₄ quián₅, tē₂, juá'₂: “Jmo₄ dse₃ 'au'₂ rin'₅₄ jniog₄, dsi₄ 'ni₅ i₁ŋí'₄.”

⁶ Ia₁ lia'₂ guan₅ quió'₃ jan₂ a₂mei'₅₄ quiáng₃ 'ein₅₄ jui₅; ia₁ tsá₃ 'e₂ cha₂ 'i₁caun₂ quió'₃ a₂le₃cuě₄.”

⁷ Dsa₂ dsi₂néi₂ ně₃ lé₂ le₃ŋag₃ tē₃ rē₂quiain₂₃: “Tsá₃ cuě₂ o₂me'₅₄ dsi₅, ia₁ ma₂chi₁ŋág₅ o₄'né₄ quió'; chi'₂-guein₂ quiáng₃ ně₃ ma₂tián'₅ le₁güin₃. Jaun₂ tsá₃ lé₂ no₅₄ jua'₅₄ cuě₅₄ a₂mi'₂.”

⁸ Jaun₂ juá'₅ jniá₂, tion₅₄ bá₄ ná_{u3} cuě₃ ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lě₅ a₂mei'₅₄, tē₂le₃ 'uig₅₄ ia₁ a₂ŋí₄ lě₃ tion₅₄ mi₃ bá₄.

⁹ Jaun₂ le₂ně₅ bá₄ juíg₂ jniá₂ 'nia'₂: Mi₄ 'nia'₂, jaun₂ ŋeg'₂ bá₄; 'niai'₂ 'nia'₂, jaun₂ dsiain'₂; quein₄ 'nia'₂ o₄'né₄ tē₃, jaun₂ niá₂.

¹⁰ Ia₁ jui₁lia'₂ i₂mi₅ 'e₂ mi₅, gue₂₃. Le₂jaun₂ jui₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guě'₂ quió'₅ jui₁lia'₂ i₂tě₂, niá₂ bá₄ o₄'né₄.

¹¹ 'O₃ bá₄ chan₂ i₂lin₅₄ 'nia'₂ jmo₅, jē₁ma₂ca₂mi₃ guein₂ quiáng'₂ i₁ŋí'₄, ¿cuě'₂ 'nia'₂ ca₂míg₂ ni₁cang₁? O₃ ně₁jua'₂ ca₂mi₃ jan₂ i₁ju₁, ¿cuin'₅ 'nia'₂ jan₂ dsi₂mi'₂?

¹² O₃ jē₁ma₂ca₂mi₃ ca₂míg₂ mi₂jlag₂, ¿o₃ bá₄ cuin'₅ jan₂ i₁'né₅ 'e₂?

¹³ Chi₂jua'₂ 'nia'₂ dsa₂ mi₂güig₃ i₂'nau'₂ dso₄ chang'₂, ting'₂ cuě'₂ bá₄ chi'₂-guein₂ quiáng'₂ a₂dse₃, i'₂guě₄ bá₄ Néi'₅ 'nia'₂ i₂guá₅ guei'₅₄ cuin₃ Jme₂dsi₂ Jnió₅ quián₅ quió'₅ ca₂le₃jín₃ i₂mi₅!

*Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-30; Marcos 3:19-27)*

14 Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂ jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂guë₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃ dsí₅ dsa₂ tioen'₅₄.

15 La₁ i₂lin₅₄ guë'₂ ca₂dsia₃ 'iin₂₃ Jesús:

—Qui'₅₄ i₂në₅ jmig₄ 'u'in'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

16 I₂lin₅₄ guë'₂ në₃, a₂jnia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄ guei'₅₄ i₂juíg₃.

17 La₁ a₂ñi₅ rë₂ bá₄ Jesús 'a₂ lia'₂ dsi₂jio₃ dsí₅ dsa₂ 'éi₂. Jaun₂ lë₃ ca₂juá'₂:

—Jui₁lia'₂ caun₂ juig₂ nación, tioen'₅₄ mi'₅₄ guioin₅₄, tioen'₅₄ le₁dsoin'₅₄, dsi₃'én₂ bá₄ juig₂ jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃ bá₄ dsi₃'én₂ dsi₂néi₂ jaun₂.

18 Le₂në₅ bá₄ ján₃, në₁jua'₂ ca₂lë₃ le₁dso'₅₄ jui₅bí₂ quió'₅ i₂së₃dsen₃, ¿'a₂ guë'₂ lia'₂ lé₂ le₃qui'₅₄ guë'₄ jmig₄ jio₃ ne₄ta₁ quió'₅? Juá'₅ jniá₂ le₂në₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'u'in'₄ jniá₂ je₂na'₅₄.

19 La₁ chi₂jua'₂ le₂jaun₂ 'u'in'₄ jniá₂ quian'₅₄ bí₂ quió'₅ Be'elzebú, ¿'ein₂ guë'₂ quió'₅ bí₂ quian'₅₄ i₂quian'₅₄ 'nia'₂ a₂lé₂ le₃'uág'₂ ján₃? Jaun₂ jui₁lia'₂ lë₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂.

20 La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂në₅ bá₄ jau'₂ jág₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

21 'Ju_{i1}lia'₂ jan₂ dsa₂ 'uan'₂ chain₂ rē₂jaín₁, 'io₂₃ca₂le₃jě₃ a₂'nió'₅ quió'₅ jmo₃ 'nei₂, jaun₂ lě₅ 'í₁ca₂le₃jě₃ 'e₂ tio'₅₄ dsi₂néi₂.

22 La₁ nē₁ca₂ja₃ jan₂ i₂'uan'₂ guě₄ lia'₂ con'₂ guě₄'ŋiog₅ 'éi₂, nē₁ca₂jo₃ ně₃, i₂'éi₂ guě'₂ ně₃ŋjá'₂ ca₂le₃jě₃a₂ŋ_{i4} lě₃ bein'₂ jmo₂₃ a₂'uain'₂. Jaun₂ jmo₂₃ dsióg₂ca₂le₃jě₃ a₂ca₂lí'₃.

23 'Ju_{i1}lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄bá₄ 'éi₂. Ju_{i1}lia'₂ i₂tsá₃ cág'₅ co₂lě₅ quian'₅₄ jniá₂, jŋia'₅₄ jmo₅ ts_{i1}rē₂ja₅₄.

Jme₂dsí₂ 'lin'₅₄ i₂dsián'₅ táng₃
(Mateo 12:43-45)

24 'Ju_{i1}lia'₂ jan₂ jme₂dsí₂ 'lin'₅₄ i₂o₂'in₅ quió'₅ dsa₂, dsi₂ŋí₃ le₂tan₅₄ ja₁quein₂ dsi₂'nio'₂ ja₁jŋia₃. Nē₁jua'₂ tsá₃ dso'₂ ja₁'í₂ ně₃, 'no'₂ dsí₅: “Nég'₄ táng₃ dsi₂néi₂ quió'₃ ja₁o₂'íng₃.”

25 Jē₁ma₂dsiáin'₃, jein'₂ táng₃ dsa₂ 'éi₂ ma₂lín₅co₂'nió'₄ bá₄ caun₂ dsi₂néi₂ a₂chí'₅ rē₂, rē₂'ia'₅₄, rē₂lag₄ ně₃.

26 Jaun₂ dsó₅ táng₃ dsi₂quiáin₂ guě₄ guion₃jme₂dsí₂ i₂'lin'₅₄ guě₄ lia'₂ 'ŋiog₅, jaun₂ dsi₂tiain'₂ca₂le₃jíin₃ tē₂dsí₅ dsa₂ 'éi₂. Jaun₂ dsa₂ 'éi₂ ně₃ 'ŋio₅lín₃ guě₄ le₃'lín'₅₄ dsióg₄ lia'₂ con'₂ guě₄ jme₁lín₄le₂jŋiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

27 Tě₃ 'en₅₄ Jesús dsia₂₃ le₂ně₅, ca₂juá'₂ tiá₂ jan₂dsa₂ m_{i2} tē₃jín₄ dsa₂:

—_i'E₂ guě₄ dsen₃ dsa₂ m_{i2} i₂ca₂caun₃ 'ne₂, i₂ca₂'éin'₃ dsi'₅₄ quió'₅!

§ 11:26 'Nio'₂ ja₁ton₅ 2 Pedro 2:20.

28 Jaun₂ ca₂ŋag₃:
 ;Tě₂le₃ ja₂lin₃ guě₄ dsen₃ dsa₂ i₂nag₅ 'e₂ juá'₂ Diú₄,
 ton'₂ jme₂ti₃!

Léi₄ a₂lin₅ Jonás

(Mateo 12:38-42; Marcos 8:12)

29 Caun₂ qui₂ŋi'₂ bá₄ dsa₂ ja₁chén'₄ Jesús, jaun₂ 'éi₂
 ně₃ ca₂jme₃lióg₃ ca₂juá'₂:

—'Njio₅ lin₃ ma₂'lin'₅₄ dsa₂ rě₂ně₃, mi₂₃ a₂jmo₅₄ jniá₂
 léi₄ juě'₂. La₁ tsá₃ ma₂'e₂ léi₄ jua'₅₄ a₂jmo₄ guě₄ jniá₂,
 jŋia'₅₄ lia'₂ caun₂ léi₄ a₂ca₂lě₃ quian'₅₄ Jonás bá₄.

30 Ia₁ le₂ně₅ jui₁lia'₂ Jonás ca₂liin₃ caun₂ léi₄ tě₂le₃
 ja₁con₂ dsa₂ i₂jme₁chan₂ Nínive jmig₄ jaun₂, le₂ně₅
 bá₄ ján₃, Jaun₅ dsa₂ mi₂güig₃ léin₂ caun₂ léi₄ a₂jang'₃
 jág₁ dsau₅ ja₁con₂ dsa₂ i₂chan₂ jmig₄ ně₃.

31 Jě₂ma₂tě₂ rě₁qui₃dsi₅ Diú₄ 'éi'₃, náu₃ 'io₅₄ rag₅₄
 i₂jme₁chan₂ tě₂le₃ sur, jein'₅₄ quian'₅₄ dsa₂ ŋe'₂
 i₂chan₂ jmig₄ ně₃. 'A₂ lia'₂ niog₅ ca₂jmo₃ 'éi₂, jióg'₂
 'í₁ a₂rě₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ úing₂
 lin₃ guain₃ ca₂o₃něi₃ jág₁ ca'₅₄, ca₂o₃dso₅₄ dsí₅ 'a₂ lia'₂
 niog₅ dsi₄ Salomón. La₁ ně₃ ně₃, la₂ chén'₅ jan₂
 i₂juin'₂ guě₄ lia'₂ Salomón.

32 Ján₃ bá₄ náu₃ i₂jme₁chan₂ Nínive, jein'₅₄ quian'₅₄
 dsa₂ ŋe'₂ i₂chan₂ jmig₄ ně₃, jě₂ma₂tě₂ rě₁qui₃dsi₅
 Diú₄ 'éi'₃. 'A₂ lia'₂ niog₅ ca₂jmo₃ 'éi₂ ma₂líg'₂ jióg'₂ 'í₁
 a₂rě₂cán'₄ dsa₂ jmig₄ ně₃. Ia₁ 'éi₂ ca₂jme₃tsín₃ dsí₅
 jme₁ca₂'ě₂ Jonás jág₁ quió'₅ Diú₄. La₁ ně₃ ně₃, la₂
 chén'₅ jan₂ i₂juin'₂ guě₄ lia'₂ Jonás.

Dsa₂ i₂lin₅ lia'₂ lě₅ caun₂ si₂
(Mateo 5:15; 6:22-23)

33 'I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂.

34 Jme₁ne₁ dsa₂ lě₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ŋi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ ně₁jua'₂ tsá₃ dse₃, ta₁jang'₂ bá₄ chéng'₅ qui₁né'₃.

35 Tě₃ŋi'₅₄ 'nia'₂ jaun₂, ia₁ con'₂ tsá₃ ŋó₅ ně₁jua'₂ si₂ quiáng'₂ tsá₃ jniá₂.

36 Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂caun'₂ Jesús quió'₅ dsa₂ fariseos quian'₅₄ tě₃juá'₅

(Mateo 23:1-36; Marcos 12:38-40; Lucas 20:45-47)

37 Jme₁ca₂dsan₃ cuě₂₃ jág₁, ca₂tág₃ jan₂ dsa₂ fariseo a₂i₃guě'₃ quiong'₅₄. Jme₁ca₂dsi₃óg₃ dsi₂néi₂ ca₂guá₂.

38 Dsa₂ fariseo 'éi₂ ně₃, i₃gó'₃ dsí₅ ia₁ tsá₃ ca₂jme₃ti₃ Jesús con'₂ lě₅ tag₄ a₂chí'₅, a₂rang₃ gu₂ né'₃ a₂guě'₃.

39 La₁ Te₁gui'₅₄ ně₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁u_{ing}₅, a₂ŋia'₅₄ le₁jě₃ jmá'₃ le₃co'₅₄, la₁ tě₂le₃ juí₅ jme₂dsí₂ quiáng'₂, qui₂rě₂can'₂ ca₂le₃jě₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂.

40 |'E₂ bá₄ tsá₃ ŋí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'ŋió'₂ ján₃?

* 11:33 A₂lin₅₄ chog₅₄ si₂ juá'₂ ján₃: “on₃ guě'₂ né'₃ tsi₁gu₅.”

41 Ja₂lin₃ guě₄ dsióg₅ jen'₅₄ de'₂ 'nia'₂ a₂te'₁₁
quiáng'₂, jaun₂ guě₄ lé₂ le₃tě₃tsin'₅₄ 'nia'₂ le₁jíng'₃
le₃ja₁con₂ Diú₄.

42 'i'E₂ guě₄ juíg'₂ 'nia'₂ dsa₂ fariseos! Ia₁ a₂jme₂tí'₁
'nia'₂ jmo'₂, cuě'₂ Diú₄ caun₂ qui'₅₄ a₂guia₃ a₂'i₄ 'éi'₃
cuě'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig₂
má₃ bá₄ jáng'₄ 'nia'₂. La₁ con'₂ ma₂ŋi'₅₄ bá₄ 'nia'₂
jui₅dse₃ tě₃dsón'₂ ja₁'ŋio₂ dsí₅ Diú₄, ja₁jme₁jme₁'nió'₄
'nia'₂ Diú₄: a₂ně₅ bá₄ a₂dsen₅₄ guě₄ a₂ca₂tín'₂ 'nia'₂
jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

43 'iJuíg'₂ 'nia'₂ dsa₂ fariseos! Ia₁ 'ŋio₅ lin₃ tě₅ 'au'₂
a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅
sinagogas. Ján₃ bá₄ tě₅ 'au'₂ 'nia'₂ qui₃cuag₃ dsa₂
Diú₄ jui₁lia'₂ jě₄ 'ma'₅₄ a₂jme₂go₃ dsa₂ 'ŋio₅ lin₃.

44 'i'E₂ guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂
'ŋio₅ a₂tsá₃ léi₄ cha₂. Dsa₂ ně₃ qui₂ŋi₅ ne₄, tě₃ tsá₃
ŋi₅.”

45 Jaun₂ ca₂ŋag₃ jan₂ tě₅juá'₅:

—Tě₅, a₂juá'₂ 'ne₂ ně₅, a₂tě₂'ó'₁ jnia'₅₄ bá₄ 'ne₂.

46 Jaun₂ ca₂ŋag₃ Jesús:

—iJuíg'₂ 'nia'₂ tě₅juá'₅! Ia₁ quian'₄ 'nia'₂ lio₅₄ guei₂
i₂sián'₂, la₁ guion'₅₄ 'nia'₂ ně₃, ca₂lia'₂ jŋia'₅₄ gog'₂ tsá₃
'niog'₂ tí'₄.

47 'iJuíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁
quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄
quián'₂ 'nia'₂ guiong'₅₄ qui₂ca₂jme₃dsiog₂₃.

48 Jaun₂ ně₃, lia'₂ lě₅ jmo'₂ 'nia'₂, cuě'₂ léi₄
co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄

† 11:44 A₂lin₅₄ chog₅₄ si₂ chi₁ton₅ ján₃: “'nia'₂ tě₅juá'₅, 'nia'₂ dsa₂
fariseos ně₃, a₂lě₁jmo'₂ góg'₂ a₂o₁ne₁.

quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guë'₂
ma₂ja₂nióg'₅ chog'₂ ni'ia'₂.

49 'Jaun₂ lë₃ Diú₄, ia₁ a₂tiin₂ a₂ma₂ŋi₅ bá₄ a₂lé₂,
ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁
quió'₃. I₂lin₅₄ 'éi₂ jme₃dsian₅ dsa₂; i₂lin₅₄ guë'₂
qui'₃ein₃.”

50 Jaun₂ ně₃ ca₂të₂ dsa₂ chan₂ jmig₄ ně₃ bá₄
rë₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁
i₂ma₂dsan₃ ca₂le₃ ca₂nio₃ mi₂güí'₃.

51 Ca₂lia'₂ con'₂ jme₁ca₂jon₃ Abel, ca₂të₂ jmig₄
i₁ca₂jon₃ Zacarías i₂ca₂jŋi'₃ dsa₂ jë₄ ja₂lë₄ ne₄chei₂
quian'₅₄ ja₁jŋió'₅, dsa₂ chan₂ jmig₄ ně₃ bá₄, juá'₅ jniá₂,
quí'₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

52 'i'₂E₂ guë₄ juí'₂ 'nia'₂ të₅juá'₅! Ia₁ 'nia'₂ bá₄
ma₂rë₂'móg'₄ jág₁ quió'₅ Diú₄ a₂lë₅ co₂'nió'₄ ŋi₁ llave
quió'₅ o₄'né₄ ja₁jme₁le₃tin₂, le₃ŋi'₂ dsa₂. On₃ guë'₂
guion'₅₄ 'nia'₂ tóng'₄, on₃ guë'₂ cuë'₂ 'nia'₂ jmig₄
dsi₃ton'₅₄ i₂'nio₃ tón'₃.

53 Jme₁ca₂dsan₃ juá'₂ Jesús le₂ně₅, ca₂rë₃'né₃ 'lig'₅₄
dsa₂ fariseos, të₅juá'₅ ně₃. Jaun₂ ca₂jme₃lióg₃ jmóg'₂
mi'₅₄, tsá₃ caun₂ a₂qui₂ca₂ŋag₃, a₂jme₁jmo₂₃ tion₅₄
lia'₂ jme₁jéin'₃ 'éi₂ jág₁.

54 Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂
jme₁'ŋiá₃ 'éi₂.

12

*Ca₂jme₃tag₅ Jesús a₂tsá₃ jmo₃ dsa₂ a₂jŋia'₅₄ con'₂
dse₃ le'ág₄ o₁ne₁*

1 Të₃jë₄ jaun₂, të₂le₃ mei₅ bá₄ dsa₂ i₂ca₂ŋi'₂, ca₂lia'₂
qui₂co₂'liain'₂ riin'₅₄. Jaun₂ Jesús ně₃ jŋiá'₅ de'₂ dsa₂
i₂quaiain'₅₄ bá₄ ca₂tsí'₃:

—Të₃ŋi'₅₄ 'nia'₂ quian'₅₄ ju'₅ lia'₂ lë₅ quian₅ dsa₂ fariseos* co₂'nió'₄ i₂lë₁jmo₅-dsá₅ o₁ne₁.

² Ia₁ 'i₁caun₂ a₂rë₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rë₂jniá₂; já₃ bá₄ tsá₃ cha₂ 'i₁caun₂ a₂rë₂jlë₅ jua'₅₄ lín₂ dsa₂ a₂tsá₃ 'ein₂ le₃ŋi₅, tion₅₄ bá₄ rë₃ŋi₅ dsa₂.

³ Jaun₂ ně₃, ca₂le₃jě₃ 'e₂ a₂dsia₅ dsa₂ jë₄ qui₁né'₃, jiá₃ bá₄ le₃ja₁jniá₂ si₂. Le₂jaun₂ ju'₁lia'₂ já₃ a₂dsia₅ dsa₂ jë₄ tē₃co'₅₄ a₂qui₂le₁jnág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃
(Mateo 10:28-31)

⁴ 'Nia'₂ a₂mei₅₄ quiáng₃, ju'₁g₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ŋí₅, ia₁ tsá₃ ma₃a₂siá'₂ jua'₅₄ a₂'io₂₃ gué₄ bí₂ jmo₃.

⁵ Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃: i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ já₃n₃.

⁶ ¿Tsa₁ 'ni₅ dsa₂ 'ŋiá₂ i₁tan₅ tei₄ quian'₅₄ tñ₃ ŋi₁ guéin₂? La₁ 'i₁jan₂ 'éi₂ tsá₃ dsí₂'én₂ dsí₅ Diú₄.

⁷ Jag₄ 'nia'₂ jaun₂, 'ŋio₅ lín₃ gué₄ dsan₂ dsí₅ Diú₄ 'nia'₂, le₂jio₅ŋi₂dsei'₂ 'nia'₂, ma₂ŋi₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ŋio₅ gué₄ quen'₄ 'nia'₂ lia'₂ con'₂ gué₄ ju₁n₅ i₁tan₅.

Dsa₂ i₂jme₂jnia₅ cui₁n₂₃ Jesús
(Matt 10:32-33; 12:32; 10:19-20)

⁸ 'Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güí₃ a₂cui₃g₂₃ jniá₂, já₃n₃ bá₄ le₂jaun₂ Jaun₅ dsa₂

* **12:1** lit. “levadura quió'₅ dsa₂ fariseos.” † **12:3** lit. “a₂táun₂ dsa₂ já₃ tióin₂ guei'₅₄ 'né₅, bá₄ a₂jaun₂.”

mi₂güig₃ 'ag₃ jme₃jniog₂₃ a₂cuig₂₃ ja₁con₂ ca₂le₃jín₃
 ángeles quián₅ Diú₄.

⁹ La₁ jui₁lia' ₂ i₂tsá₃ 'ag₅ a₂cuig₂₃ jniá₂ ja₁con₂ dsa₂
 mi₂güig₃, já_n₃ bá₄ le₂jaun₂ tsá₃ 'ín₄ jniá₂ a₂cuín₅
 ja₁con₂ ángeles quián₅ Diú₄.

¹⁰ Ia₁ jui₁'ein₂ guě₃ i₂'in₅ 'lig'₅₄ Jaun₅ dsa₂ mi₂güig₃,
 cha₂ bá₄ o₂'én₂ dso₄ quió'₅. La₁ jui₁lia' ₂ i₂juá'₂ 'lig'₅₄
 'in₂₃ Jme₂dsí₂ Jnió₅, tsá₃ ma₃o₂'én₂ dso₄ cha₂.

¹¹ Jë₁ma₂ca₂jnia₃ dsa₂ 'nia'₂ ne₄ dsi₂tan₅₄ quián₅
 guá'₅, o₃ jë₁ma₂ca₂jio₃ ne₄ i₂con₂ 'í₁, ne₄ dsa₂
 i₂qui₂dsi₅ 'éi'₃ ně₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃
 ŋi'₅₄ 'a₂lia'₂ ŋag'₅₄, 'o₃ 'e₂juig'₅₄.

¹² Ia₁ 'ŋiog₅ bá₄ Jme₂dsí₂ Jnió₅ jme₃tag₂₃ 'e₂
 a₂ca₂tín'₂ 'nia'₂ ŋag'₅₄, jë₁ma₂ca₂tě₂ hora jaun₂.

*Go'₂ ně₁'ein₂ ca₂dsia₃ le₁má'₂ 'ŋio₅ lín₃ jmo₃ dsí₅
 jmá'₃ quió'₅ 'ŋiog₅*

¹³ Jan₂ dsa₂ i₂jme₁'en₅₄ jë₄ jaun₂ ně₃, ca₂tsí'₃ Jesús:
 —Të₅, chei'₅₄ co₂nio₄ dsó₂ ríng'₃ jui₁cuë₁₂ con'₂
 a₂ca₂tíng₂ a₂cha₂ quió'₅ 'lag₄ ŋe'₃.

¹⁴ Jaun₂ ca₂ŋag₃ Jesús:
 —'Ne₂ dsa₂, ċ'ein₂ ca₂dsiog₃ jniá₂ a₂lín₅ jan₂
 i₂dsi₅'e₂ a₂ca₂tín'₂ 'nia'₂?

¹⁵ Já_n₃ bá₄ ca₂juá'₂:
 —Të₃ŋi'₅₄ 'nia'₂ tsá₃ i₂jmo₂ jua'₅₄ a₂ŋí₄ lě₃ 'ín₅ 'au'₂
 a₂le₃cha₂ quiáng'₂. Ia₁ on₃juá'₅₄ jmá'₃ a₂ŋí₄ cha₂
 quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ já_g₁ jáng'₅ léi₄ la₂:
 —Jme₁chan₂ jan₂ dsa₂ i₂jme₁cha₂ cu₄ 'ŋio₅ lín₃.
 'Lióng₂ lín₃ jme₁rau₂ quió'₅.

17 Jaun₂ ca₂l₃jio₅ dsí₅: “¿'E₂ bá₄ jmo₅₄ jniá₂ ně₃? Tsá₃ ma₃cha₂ ja₁tó₄ a₂ca₂rau₂ quió₃.”

18 Jaun₂ ca₂l₃jio₅ dsí₅: “Le₂la₂ jmo₅₄. Quí₄ tsi₁'io₅ a₂tióng₂ ně₅, jaun₂ jmo₅₄ a₂ca₅₄ guě₄. Jaun₂ ja₁jaun₂ tó₄ trigo, quian₅₄ ca₂le₃jě₃ guě₄ a₂cha₂ quió₃.”

19 Jaun₂ guě₄ 'náu₄ dsí₃: 'Lióng₂ ma₂niog₅ le₁má₂, ma₁len₅ 'lióng₂ ŋi₂; ma₂lé₂ jan₅₄, gua₅₄ tei₄, guě₅₄, gui₅₄, cuě₄ o₂'ŋi₃ o₂jŋia₃ dsí₃.” La₁ Diú₄ ně₃ ca₂juá₂ ca₂tsí₃ dsa₂ 'éi₂:

20 “'i'E₂ guě₄ con₅₄ 'ne₂ líng₅! Jua₂ a₂'uě₂ ně₃ mág₄ jniá₂ 'mú₃ quiáng₂. Ca₂le₃jě₃ a₂ma₂dsia₅₄ 'ne₂ rě₂, ¿'ein₂ bá₄ quió₅ lé₂?”

21 Le₂ně₅ dsí₂ŋí₂ ju₁lia₂ dsa₂ i₂dsia₅ le₁má₂ jmá₃ quió₅ 'ŋiog₅, la₁ tē₂tsin₅₄ lín₃ le₃ja₁con₂ Diú₄.

Ijmo₅ 'í₁ bá₄ Diú₄ chi₂-guein₂ quiáin₅
(Mateo 6:25-34)

22 Jme₁ca₂dsan₃ jaun₂, ca₂tsí₃ táng₃ chi₂ dsí₂guia₃-tín₂ quiáin₅:

—Juí₂ jniá₂ 'nia₂, tsá₃ jmo₂ 'nia₂ jua₅₄ a₂ŋí₄ dsan₂ 'au₂ 'e₂ a₂quě₅₄ tē₁lia₂ chang₂, on₃ guě₂ o₄quió₄ nī₁ŋí₁, jua₅₄ dsan₂ 'au₂ 'e₂ qui₅₄.

23 Ia₁ jme₂dsí₂ bá₄ a₂quen₅ guě₄ lia₂ con₂ guě₄ má₃, Ján₃ guě₂ le₂jaun₂ nī₁ŋí₁ bá₄ dsa₂ a₂quen₅ guě₄ lia₂ con₂ guě₄ 'mí₂.

24 Ní₂ de₂ 'nia₂ ju₁lia₂ i₁qui₂lia₂. Tsá₃ 'e₂ jne₂₃, on₃ guě₂ 'e₂ cha₂ a₂le₃rau₂ quió₅, on₃ guě₂ 'io₅ chí₅ quió₅. Diú₄ bá₄ i₂jme₂tau₅₄. jJaun₂ 'ŋio₅ lín₃ guě₄ bá₄ quen₄ 'nia₂ lia₂ con₂ guě₄ i₁tan₅ 'éi₂!

25 ʔI₂'ein₂ 'nia'₂ i₂lé₂ le₃jmo₃ le₃chain₂ guě₄ uě₂,[‡]
ne₄ ia₁ a₂ŋí₄ lě₃ 'i₅'au'₂ 'nia'₂ chang'₂?

26 Chi₂jua'₂ tsá₃ quin'₅₄ 'nia'₂ jmig₄ quian'₅₄
a₂ca₂juig₄ nē₅, ʔ'e₂ guě'₂ lě₃ ŋí₄ dsan₂ 'au'₂ 'nia'₂
quian'₅₄ a₂siá'₂?

27 Ní₂ de'₂ 'nia'₂ ján₃ 'a₂ lia'₂ qui₂dsi₂cón₃ lí₁. Tsá₃
tsi₁ŋi₅ lé₂ tsě'₃, on₃ guě'₂ lé₂ ta₃. Jaun₂ juig₂ jniá'₂
'nia'₂, ca₂lia'₂ jnia'₅₄ Rag₅₄ Salomón, quian'₅₄ ca₂le₃jě₃
a₂jlá'₁ a₂jme₁cha₂ quió'₅, tsá₃ ca₂rě₃jláin'₁ bá₄ guě₄
ju₁lia'₂ jlá'₁ lí₁.

28 Chi₂jua'₂ le₂nē₅ chi'₅ Diú₄ jlá'₁ nau₂ a₂cha₂ 'ŋa₁,
a₂jŋia'₅₄ jniá'₂ jlá'₁ ca₂tiá'₂ co₂lág₂, ia₁ ju₁la₂ 'ióg₃ dsí'₂
dsa₂, 'ě₂ guě₄ bá₄ 'nia'₂, dsa₂ i₂'én₂ ca₂juig₄, jmo₃ bá₄
Diú₄ 'í₁.

29 Jaun₂ juá'₅ jniá'₂, tsá₃ i₁niog'₄ jua'₅₄ a₂ŋí₄ dsan₂
'au'₂ 'e₂ quě'₅₄ 'ag'₅₄. Tsá₃ can₂ 'nia'₂ o₂i₁ dsi₅ quian'₅₄
a₂jaun₂,

30 ia₁ jmá'₃ a₂nē₅ bá₄ a₂ŋí₄ lě₃ 'nio'₃ dsi₂nau₂. Ia₁
i₂ŋi₅ bá₄ Néi'₅ a₂'nió'₅ ca₂le₃jě₃ a₂nē₅ quián'₂ 'nia'₂.

31 La₁ 'nio'₂ de'₂ jniá'₅ 'nia'₂ ja₁goin₂, jaun₂ ca₂le₃jě₃
a₂nē₅ tē₁ja₃lé₂ a₂ma₂ŋag₅₄ cuě₃.

A₂quen₅ lin₃ a₂cha₂ quió'₅ dsa₂ guei'₅₄ i₂juig₃
(Mateo 6:19-21)

32 'Nia'₂ já'₂ cha'₂ quiáng₃, tsá₃ lě₁jmo₂ 'nia'₂ gang'₃,
o₁jŋia'₅₄ la₂ tsá₃ juin'₅ 'nia'₂, la₁ 'ŋio₂ dsí₅ Néi'₅ cuě₃
ja₁goin₂.

33 'Nag₄ 'nia'₂ a₂cha₂ quiáng'₂; jme₂'on₅₄ i₂te₂ŋé₂.
Jnia'₅₄ lia'₂ le₂nē₅ bá₄ dsióg₄, tē₃ron₅₄ tē₂'mí'₂ a₂tsá₃
ton₅ jmig₄ le₃'áu₂ quián'₂ 'nia'₂; caun₂ a₂quen₅ lin₃

‡ 12:25 o₃, "I₂'ein₂ 'nia'₂ i₂lé₂ le₃jmo₃ a₂dsi₃cón₃ guě₄ caun₂ lě₂."

'ó₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄
 dsiá₃, ja₁tsá₃ lig'₂ jmig₄ dsióg₄ 'ang₂, on₃ guè'₂
 i₁tsan'₅₄ lé₂ le₃'én₂.
³⁴ Ia₁ jui₁lia'₂ ja₁rē₂'mú'₄ 'nia'₂ quiáng'₂, ja₁jaun₂
 bá₄ 'i₄ 'au'₂.

'Nió'₅ bá₄ a₂chan₂ dsa₂ rē₂jáin₁

³⁵ 'Rē₂ján'₁ 'nia'₂ chang'₂, le₁ling'₄, le₁gui'₂ si₂ tsí₅
 quiáng'₂.

³⁶ Jui₁len'₅₄ 'nia'₂ nē₂jag₄ bá₄ dsa₂ i₂chi₁ñia₅ guan'₂
 juig₅₄ ñó₃ ja₁niog₅ jmig₄. Rē₂ján'₁ 'nia'₂ chang'₂,
 ia₁jaun₂ lé₂ le₃na'₅₄ 'nia'₂ dsi₂jui₅ jē₁ma₂tě₂ rē₁guáin'₃
 quein₃ o₄'né₄.

³⁷ 'E₂ gué₄ dsen₃ dsa₂ i₂le₁ne₅₄ jē₁ma₂ca₂guán'₃
 juig₅₄. A₂dsi₂jó'₃ juá'₅ jniá₂, 'ñiog₅ bá₄ 'éi₂ dsiog₃ ne₄
 mesa, ton'₂ quí'₃ 'mí'₂ a₂jme₂tí₃ ñág₃ má₃.

³⁸ 'E₂ gué₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃
 juig₅₄ o₁ñia'₅₄ la₂ ca₂guáin'₃ a₂'uē₂ dsi₃nei₅, o₃
 ma₂ca₂ñí₂ dsi₃nei₅ 'e₂.

³⁹ La₁ jui₁le₂ñi'₅₄ 'nia'₂ a₂la₂ ján₃, jua'₅₄ mei'₂ gué₃
 ñi₅ dsa₂ quió'₅ dsi₂néi₂ 'e₂ hora jíá₃ dsa₂ 'ang₂, guá₃
 rē₂nei₅₄, jmo₂₃ 'í₁, tsá₃ cuē₃ jmig₄ 'í₂ dsa₂ 'éi₂, 'ang₃.

⁴⁰ Le₂nē₅ bá₄ 'nia'₂ ján₃, rē₂jáng'₁ chang'₂, ia₁ con'₂
 tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Jui₁lia'₂ dsa₂ i₂tsá₃ rē₂ti'₅₄ ta₁ quió'₅
(Mateo 24:45-51)

⁴¹ Jaun₂ nē₃ ca₂ñag₃ Pe₄:

—Te₁gui'₅₄, ¿a₁nē₂chei'₅₄ jmá'₃ jnia'₅₄ jág₁ jáng'₅ léi₄
 nē₅, o₃ a₂nē₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—ǀI₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂tí'₅₄, niog₅ dsi₄, i₂ca₂dsiog₃ juig₅₄ nio₃ ne₅₄ jmo₃ ta₁ dsi₂néi₂, a₂ag'₃ ñi'₃ dsa₂ hora ca₂tíin'₂?

43 'E₂ gué₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃ bá₄ ta₁ quió'₅, i₁guain'₂.

44 A₂dsi₂jó'₃ juá'₅ jniá'₂, dsiog₃ juig₅₄ a₂nio₃ ne₅₄ ca₂le₃jě₃, a₂cha₂ quió'₅.

45 La₁ ně₁jua'₂ lín₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juig₅₄, chi₂jua'₂ ca₂jme₃lióg₃ ca₂jmaí'₂ uig₅ dsa₂ ñe'₂, dsa₂ mǐ₂ ně₃ i₂jme₂ti₃ ta₁, ton'₂ 'ñiog₅ gué'₂ ca₂'í₃ gué'₅, 'ín'₂, ca₂rě₃'ein₅ bá₄ 'ñiog₅,

46 la₁ con'₂ tsá₃ jáin₅, con'₂ caun₂ hora a₂tsá₃ ñi₅ bá₄ guan'₂ juig₅₄; uig₅ gau₂ 'ñio₅ lín₃ bá₄ cuě₃ 'éi₂, co₂jaun₂ bá₄ uig₅ gue₃ con'₂ lě₅ tin₃ dsa₂ i₂tsá₃ 'én₂.

47 'Jui₁lia'₂ dsa₂ i₂ñi₅ 'e₂ 'nio₃ juig₅₄, la₁ tsá₃ 'e₂ co₂jñia₅₄ jmo₂₃, on₃ gué'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅ 'lióng₂ lín₃ ni₁ñi₁₂.

48 La₁ jui₁lia'₂ i₂tsá₃ 'e₂ ca₂rě₃ñi₅ ton'₂ jmo₅-dsá_{u5} cosa a₂ca₂tíin₂ gue₃ uig₅, tsá₃ lín₅₄ 'lióng₂ 'mi₅ cán₂. Jui₁lia'₂ dsa₂ i₂'lióng₂ tē₂no₄ gu₂ a₂ca₂tíin₂ jme₃ti₃, ján₃ bá₄ 'lióng₂ a₂mág₃ juig₅₄. Já₃ gué'₂ le₂jaun₂ jui₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ gué₄ a₂chi₃quióng₂ dsa₂ jmig₄ jáng'₃.

*Jesús bá₄ 'uin₄ a₂lě₂ le₁dson'₅₄ dsa₂
(Mateo 10:34-36)*

49 'A₂i₃'ing₅₄ si₂ mi₂güí_{g3} la₂ bá₄ jniá'₂ guio₃. ¡'E₂ gué₄ 'ín₅ dsi₃, jua'₅₄ ma₂cau₂ bá₄ co₂ñei'₅₄ tē₂ně₃!

50 La₁ tion₅₄ niog₅ tiáng₄ jui₅ ja₁dsi₃ñig₂ mi'₅₄ 'ñio₅ lín₃. Jaun₂, ¡'e₂ gué₄ 'ñio₅ o₂i₁ dsi₅ chang₂, ca₂lia'₂ ca₂rě₃ti₃ ta₁ a₂guio₃!

51 ¿Lín'₂ 'nia'₂ a₂guio₃ jniá₂ i₃'eí₃ tei₄ mi₂güí₃ la₂?
On₃jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂
guio₃.

52 Ia₁ tē₂le₃ ne₄ jui₅ ja₁dsau₅₄ nē₅, jui₁lia'₂ caun₂
dsi₂néi₂ ja₁lē₂ 'ñiá₂ dsa₂, lé₂ le₁dson'₅₄,

53 ún₂ jme₃ 'ñiai₅₄ on₃; i₂on₃ jme₃ 'ñiai₅₄ i₂ún₂ táng₃;
jui₁lia'₂ jmei₂ dsa₂ tóin'₃ mi'₅₄ quian'₅₄ ja₁ñi'₅₄,
ja₁ñi'₅₄ guè'₂ 'í₂ mi'₅₄ quian'₅₄ jmei₂; jui₁lia'₂ chog₅₄
tóin'₃ mi'₅₄ quian'₅₄ ja₁míg₄, ja₁míg₄ guè'₂ 'í₂ mi'₅₄
quian'₅₄ chog₅₄. Jui₁lia'₂ i₂lín₅ ma₂chog₅₄ dsa₂, tóin'₃
mi'₅₄ quian'₅₄ lo₅₄, jui₁lia'₂ mi₂lo₅₄ 'í₂ mi'₅₄ quian'₅₄
ma₂chog₅₄.

Jui₁lia'₂ jme₁cha₂ léi₄ guei'₅₄

(Mateo 16:1-4; Marcos 8:11-13)

54 Ján₃ bá₄ ca₂tsí'₃ dsa₂:

—Jme₁caun'₂ 'nia'₂ 'í₁ guei'₅₄ jme₁tsau₂ jnei₅
le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄
le₂jaun₂ lē₂.

55 Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂
nē₃. Jaun₂ dsón'₂ bá₄ le₂jaun₂ lē₂ ján₃.

56 ¡'Nia'₂ dsa₂ i₂jñia'₅₄ dse₃ le₁'ág₄ o₁ne₁! Ní'₅₄ 'nia'₂
'a₂ lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄
'e₂ lē₂ ne₄ gua'₅₄ 'uē₃. ¿'A₂ bá₄ lia'₂ tsá₃ tin'₂ 'nia'₂
caun'₅₄ 'í₁ léi₄ a₂ma₂cha₂ rē₂nē₃?

Jme₁jen'₂ jág₁ quian'₅₄ dsa₂ i₂'iog₅₄

(Mateo 5:25-26)

57 ¿'E₂ lē₃ tsá₃ cáun'₂ 'nia'₂ 'í₁ jē₄ quiáng'₂ guiong'₅₄
a₂dsi₂ten₅₄ jmó'₂?

58 Jē₂ma₂'eng'₅₄ jui₅ dsióg'₄ ne₄ dsi₂tan₅₄ quian'₅₄
dsa₂ i₂'nag₅, jme₁jen'₂ 'nia'₂ jág₁ le₂'i₄ jui₅ jme₁dsian₅
mi'₅₄ a₂chang'₂ quian'₅₄. Ia₁ con'₂ tsá₃ ñó₅ nē₁jua'₂

ca₂tsag'₂ tĕ₃ne₄ dsi₂tan₅₄ i₂qui₂dsi₅'éi'₃. 'Éi₂ nĕ₃ jáng'₃
ne₄ 'lióg₂; 'lióg₂ guĕ₄ nĕ₃ to'₂ né'₃ 'má₃.

⁵⁹ Juá'₅ jniá₂, o₁líg'₂ tsá₃ o₃'ing'₂ ja₁jaun₂ ca₂lia'₂
ca₂qui'₅₄ jĕ₁ca₂tó'₂ ŋ₁ guéin₂ a₂ring'₂.

13

A₂quen₅ lín₃ bá₄ a₂dsi₂quén'₅ dsí₅ dsa₂

¹ Jmíg₄ jaun₂ i₂lín₅₄ dsa₂ i₂jme₁tion'₅₄ guĕ₄ ca₂dsia₃
ca₂tsí'₃ Jesús 'a₂ lia'₂ ca₂jme₃dsian₅ Pilato i₂lín₅₄ dsa₂
chan₂ Galilea. Ca₂cóin'₂ jmi₄ dsa₂ 'éi₂ quian'₅₄ jmi₄
já'₂ i₂ca₂jme₃dsian₅ dsa₂ i₂jéin'₂ ne₄ Diú₄.

² Jaun₂ ca₂juá'₂ Jesús nĕ₃:

—¿Lín'₂ 'nia'₂ nĕ₃, dsa₂ chan₂ Galilea 'éi₂ ca₂i₃ŋí₂
le₂jaun₂ ia₁ 'lióng₂ guĕ₄ dso₄ jme₁le₁cán'₄ lia'₂ con'₂
guĕ₄ dsa₂ go₅₄?

³ Juá'₅ jniá₂, on₃jua'₅₄ le₂jaun₂; ia₁ le₂nĕ₅ bá₄ 'nia'₂
ján₃, nĕ₁jua'₂ tsá₃ ca₂dsi₃quén'₅ 'au'₂, dsiáng'₃ ján₃.

⁴ ¿On₃ bá₄ lín'₂ 'nia'₂, 'ŋio₅ lín₃ guĕ₄ jme₁le₁cán'₄
dso₄ dsa₂ i₂guia₃-jŋiá₂ i₂ca₂dsan₃ 'éi₂, lia'₂ con'₂
ca₂qui'₃ ni₁'ia'₂ ŋei₅ ja₁chei₂ Siloé, lia'₂ con'₂ guĕ₄
ca₂le₃jín₃ i₂tián'₅ Jerusalén?

⁵ Juá'₅ jniá₂, on₃jua'₅₄ le₂jaun₂; ia₁ ján₃ bá₄ le₂nĕ₅
'nia'₂, nĕ₁jua'₂ tsá₃ ca₂dsi₃quén'₅ 'au'₂, dsiáng'₃ bá₄
ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ míg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ míg₂ higo
ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁'ág₄
míg₂. Tsá₃ míg₂ cha₂ guĕ'₂ nĕ₃, jme₁dsióg₃.

7 Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂:
 “Ma₂'ni₅ ŋi₂ guio₂₃ i₂jág₃ ni₁'ma₂ ně₅ chi₂jua'₂ le₁'ág₄
 míg₂, la₁ caun₂ tsá₃ míg₂ cha₂ bá₄ lia'₂ co₂ráu₂
 guio₅₄. Qui'₅₄ co₂ŋei'₅₄. Tsá₃ ta₁ jmo₃ jnia'₅₄ jme₂dsiá₃
 'o'₅₄ 'uě₃ bá₄.”

8 La₁ dsa₂ i₂jmo₅ 'í₁ ja₁nau₂ 'éi₂ ně₃ ca₂ŋag₃:
 “Te₁gui'₅₄, cuě₄ jmíg₄ o₁dsi₅₄ guě₄ caun₂ ŋi₂ la₂; jmo₅₄
 dse₃ le₃lág'₃, tó'₄ 'míg₄ já'₂ ně₃,

9 o₁ne₄ chi₂jua'₂ 'ag₃ míg₂ ŋi₂ caun₂. Ně₁jua'₂ tsá₃
 'e₂ míg₂ cha₂ i₁jáun₃, jaun₂ guě₄ uín'₂.”

*Ca₂jme₃'lión₂ Jesús jan₂ 'io₅₄ i₂jme₁quin'₅₄ mi₂ca'₅₄
 caun₂jmíg₄ sa₅₄*

10 Caun₂ sa₅₄, jme₁'en₅₄ Jesús jme₂tin₂₃ dsa₂
 dsi₂néi₂ guá'₅ sinagoga.

11 Ja₁jaun₂ jme₁'en₅₄ jan₂ 'io₅₄ i₂ma₂guia₃-jŋiá₂ ŋi₂
 dso'₅₄. Ca₂jmóg'₂ jme₂dsí₂ 'lin'₅₄ rě₂guen'₂ mi₂ca'₅₄,
 jme₁ŋi₂₃ tsá₃ lé₂ néi'₃ rě₂.

12 Jme₁ca₂jág₂ Jesús, jaun₂ ca₂tě₃, jaun₂ ca₂juá'₂:

—'Io₅₄, ma₂ca₂'lóng'₂ bá₄ dso₄ a₂jme₁líng'₄.

13 Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi'₃
 mi₂ca'₅₄ 'io₅₄, jaun₂ ca₂jme₃juin'₂ Diú₄.

14 La₁ dsa₂ i₂niog₅ ne₄ guá'₅ sinagoga, ca₂rě₃'néi₃
 quian'₅₄ Jesús ia₁ ca₂jme₃'lióin₂ dsa₂ 'éi₂ tě₃ jmíg₄
 sa₅₄. Jaun₂ ca₂tsí'₃ dsa₂ i₂tion'₅₄:

—Jŋéi₂ jmíg₄ bá₄ ca₂tín₂ dsa₂ jmo₃ ta₁; jui₁ja₂lén₂
 'ein₂ 'nio₃ 'lión₂ jě₄ semana, on₃jua'₅₄ rě'₂ jme₁sa₅₄.

15 Jaun₂ ca₂ŋag₃ Te₁gui'₅₄ ca₂tsí'₃ 'éi₂:

—i'₁Nia'₂ dsa₂ i₂jnia'₅₄ dse₃ le₁'ág₄ o₁ne₁! ¿Tsa₁ 'ein₂
 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃
 dsi₃'ein'₅₄ jmíg₂ o₁jnia'₅₄ lě₅ sa₅₄?

16 Ia₁ dsa₂ m'í₂ la₂, i₂lín₅ jan₂ tsi₁jon₂ Abraham;
i₂sē₃dsen₃ jme₁ma'nei'₂ ma₂guia₃-jn₁á₂ ŋi₂. Jaun₂
ně₃, ħtsa₁ ca₂tíin₂ chein'₂ ján₃ jn₁ia'₅₄ tē₃ jmig₄ sa₅₄?

17 Jme₁ca₂juá'₂ Jesús le₂ně₅, ca₂rē₃gui'₅₄ bá₄,
ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅
bá₄ dsa₂ i₂tion'₅₄, ca₂le₃jě₃ a₂jlá'₁ jmo₅ 'éi₂.

*Jág₁ jáng'₅ léi₄ ju₁lia'₂ m'íg₂ jon₂ quió'₅ ni₁'ma₂
mostaza*

(Mateo 13:31-32; Marcos 4:30-32)

18 Ca₂juá'₂ ně₃:

—ħ'A₂ lia'₂ le₃juá'₄ lě₅ ja₁gon₂ Diú₄? ħ'E₂ quian'₅₄ lé₂
le₃quíng'₄?

19 Lě₅ ju₁lia'₂ m'íg₂ jon₂ ni₁'ma₂ mostaza*
a₂ca₂jne₃ jan₂ dsa₂ ja₁nau₂ quió'₅. Jaun₂ ca₂i₃cón₃
ca₂dsióg₃ ca₂lě₃ caun₂ ni₁'ma₂ pa₁; i₁tan₅ ně₃ ca₂tó'₂
tsag₅₄ gu₂ nei'₅₄ jaun₂.

Jág₁ jáng'₅ léi₄ ju₁lia'₂ 'a₂ lia'₂ ron'₂ i₁ŋí'₄

(Mateo 13:33)

20 Ca₂juá'₂ Jesús le₂la₂ ján₃:

—ħ'E₂ quian'₅₄ lé₂ le₃quíng'₄ lě₅ ja₁gon₂ Diú₄?

21 Lě₅ ju₁lia'₂ lě₅ levadura a₂co₂güín'₂ jan₂ 'io₅₄
jě₄ 'ni₅ tio'₅₄ 'ma₂† ti₁can₁ i₁ŋí'₄. Quian'₅₄ co₁séin'₄
levadura bá₄ guion'₂ ca₂le₃jě₃ ti₁can₁.

Jág₁ jáng'₅ léi₄ quió'₅ o₄'né₄ dsag₂

(Mateo 7:13-14, 21–23)

* **13:19** mostaza: On₃juá'₅₄ mi₁jáng'₅ a₂cuí'₅ dsa₂ go₄ jniog₄; caun₂
ni₁'ma₂ dsón'₂ bá₄ jaun₂ a₂chei₂ Brassica nigra. † **13:21** griego:
sata, (caun₂ tio'₅₄ 'éi₅ 'ma₂ jaun₂ 'éi₄ con'₂ 22 litros.)

22 Lia² con² ma²ein⁵⁴ jui⁵ a²dsi^óg⁴ Jerusalén, qui²ca²i¹jme¹tiin²³ gué⁴ dsa² le²tan⁵⁴ juig² te¹i¹ ja¹ca²ñi⁵.

23 Jaun² ca²ñag³ jan² dsa²:

—Te¹gui⁵⁴, ¿me¹ bá⁴ dsa² i²tín⁵?

Jaun² ca²ñag³:

24 —Quen² 'nia² bí² tíong² jui⁵ o⁴né⁴ dsag²; ia¹ juá⁵ jniá², juin⁵ i²'nio³ tón³, la¹ tsá³ le³qui⁵⁴ jmig⁴.

25 Ia¹ con² tsá³ ñó⁵ jē¹ma²tē² rē¹ná^u₃ juig⁵⁴ dsi²néi², jnéi³ o⁴né⁴, 'nia² ně³ i²tē³tsing⁵⁴ le³ca¹'né⁴, jme¹lió^g⁴ to⁵⁴ mī⁵⁴ tē⁴: “¡Te¹gui⁵⁴! Nia⁴ o⁴né⁴, tió⁴ jnia⁵⁴.” Éi² ně³ ñag³: “Tsá³ cuín⁵ jniá² 'nia²; tsá³ guion⁵⁴ a²já⁴ ja²nó⁵ 'nia².”

26 Jaun² gué⁴ jme¹lió^g⁴ 'nia² jua⁵⁴: “Jnia⁵⁴ bá⁴ la² i²ma²que⁵⁴ ma²'ne⁵⁴ co²lě⁵ quian⁵⁴ 'ne²; jua² 'ne² bá⁴ gué² ca²jme¹tag² jnia⁵⁴ jin⁴ juin⁵ dsa².”

27 Jaun² dsa² juig⁵⁴ dsi²néi² ně³, ñag³: “Ma²nē²juá³ jniá² tsá³ guion⁵⁴ i²'ein² 'nia². Cau⁵ jnia³ 'nia² ca²le³jíng³ i²jmo⁵ dsó⁵ a²'lig⁵⁴.”

28 Ja¹jaun² qui²o¹'o⁴ o¹quí^g³ 'nia² jan⁵⁴, jē¹ma²tē² rē¹jíng⁵⁴ Abraham, Isaac, Jacob, quian⁵⁴ ca²le³jín³ gué⁴ dsa² i²jme¹'ě² já^g₁ quián⁵ Diú⁴, tío¹in⁵⁴ ja¹gon² Diú⁴, la¹ 'nia² gué² ně³, dsi³gang⁵⁴ uíng².

29 Ia¹ qui²ja³len⁵ i²chan² ca²taun² ca²taun² mi²güig³ ja³tiain² gué³ co²dsia⁵ ja¹gon² Diú⁴.

30 La¹ lé², chan² i²lin⁵⁴ i²tión² le³jē¹ca²tó², tē³tsiin⁵⁴ le³ne⁴ jui⁵; i²tión² le³ne⁴ jui⁵ rē²ně³ gué² ně³, tē³tsiin⁵⁴ le³jē¹ca²tó².

*Ca²'o³ Jesús o⁴quíó⁴ dsa² juig² Jerusalén
(Mateo 23:37-39)*

31 Hora jaun₂ dé₄ dsi₃lén₂ i₂lín₅₄ dsa₂ fariseos, ca₂juá'₂:

—Co₂nei'₅₄ dse₃ jú₅ ja₁lá₃, quian₂ juí₅ quiáng'₂, ia₁ 'nio₃ Herodes jñag'₃.

32 Jaun₂ ca₂ñag₃ táng₃ Jesús:

—O₂nó'₅ 'nia'₂, o₂chei'₅₄ dsi₂ma₂jág₂† 'éi₂: “Ní₂, la₂ bá₄ 'ú₄, nē₃, 'ióg₃ nē₃; nē₃ bá₄ guē₄ 'uìng'₅₄ jme₂dsí₂ je₂na'₅₄ quió'₅ dsa₂, nē₃ guē₄ qui₂jme₁'liong₅₄ dsa₂. 'Ióg₃ caun₂ guē₄ 'ñia₅ quió₃.”

33 A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tē₁lia'₂ chang₂, ia₁ tsá₃ lé₂ le₃jón₂ jan₂ dsa₂ i₂'ē₂ jág₁ quián₅ Diú₄ uíng₂ ja₁lě₄ juig₂ Jerusalén.

34 ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ē₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jin'₄ 'nia'₂! ¡'Lióng₂ ráun₂ jme₁'ín₅ dsi₃ jme₁chi₁liang'₂ chi'₂-guein₂ juig₂ la₂ quiáng'₂, juí₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rē₂cu₅, la₁ guion'₅₄ 'nia'₂ tsá₃ ca₂gue'₅₄!

35 Ní₂ nē₃, tē₃tsi'₅₄ chi₁güíng'₂ dsi₂néi₂ quiáng'₂. Juá'₅ jniá₂, o₁líg'₂ tsá₃ ma₃jag'₅₄ jniá₂, ca₂lia'₂ ca₂tē₂ jmig₄ ja₁jua'₅₄ 'nia': “Juí₁le₂jñió₃ i₂nē₅ i₂já₅ o₄quió'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

1 Co₂ráun₂ guē'₂ ca₂lě₃ táng₃ caun₂ jmig₄ sa₅₄ a₂ca₂ñó₃ Jesús i₃guē'₃ ja₁quió'₄ jan₂ dsa₂ dsen₅₄ quián₅ dsa₂ fariseos; i₂lín₅₄ guē'₂ dsa₂ fariseos sián'₂ a₂jñia'₅₄ tiog₂₃ bá₄ tiain'₅₄.

† 13:32 lit. “dsi₂güí₅”, co₂'nió'₄ le₃jua'₅₄, dsa₂ i₂'io₅ mai₅₄.

2 Ja₁jaun₂ jme₁'en₅₄ jan₂ dsa₂ dso'₅₄ i₂guion₂.

3 Jaun₂ ca₂ηag₃ Jesús ca₂tsí'₃ tē₅juá'₅ quian'₅₄ dsa₂ fariseos, ca₂juá'₂:

—ǰ'₁₄ 'éi'₃, o₃ tsá₃ 'i₄ 'éi'₃ jme₃'lión₂ dsa₂ dsa₂ dso'₅₄ jme₁jmi_g₄ sa₅₄?

4 La₁ tei₄ bá₄ i₃léin₂, tsá₃ 'e₂ ηi₅ ηag₃. Jaun₂ ca₂ηjai'₃ dsa₂ dso'₅₄, ca₂jme₃'lió₂. Jaun₂ ca₂dsióg'₂ quió'₅.

5 Jaun₂ ca₂juá'₂ ca₂tsí'₃ 'éi₂:

—ǰ'₁₂ 'ein₂ 'nia'₂, tsá₃ dsi₃dsen₅ dsi₂jui₅ chi'₂ quián₅, * o₃ jan₂ ca₁jui₅ 'e₂ nē₁jua'₂ ca₂táin'₂ né'₃ táu₃ ηjia'₅₄ tē₃ jmi_g₄ sa₅₄?

6 La₁ tsá₃ ca₂tió'₃ ηag₃ jág₁ nē₅.

Tsá₃ dsióg₅ jua'₅₄ quió'₃ dsa₂ 'ma₂si₅₄ ja₁dsen₅₄ guě₄

7 Jme₁ca₂tē₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guě₄ ja₁tiain'₂, jaun₂ ca₂cuē₃ jág₁ a₂jáng'₅ léi₄ la₂:

8 —Nē₁jua'₂ 'ein₂ tē₂ ja₁niog₅ jmi_g₄ jen'₂ gu₂ dsa₂, tsá₃ ne'₅₄ jui₁lia'₂ ja₁dsen₅₄, ia₁ con'₂ tsá₃ ηó₅ nē₁jua'₂ ca₂dsióg₃ jan₂ i₂dsen₅₄ guě₄ lia'₂ 'ne₂.

9 Ia₁ ǰ'₁₂ e₂ bá₄ lé₂ nē₁jua'₂ dsa₂ i₂nē₂té₂ le₂on'₃ 'nia'₂ juá'₂: “I₂la₂ cuē'₅₄ ja₁ηéi'₂”? Jaun₂ tē₃ ma₂gueng'₅₄ bá₄ gog'₅₄ o₁né'₂ tē₂ jē₁ca₂tó'₂.

10 La₁ juá'₅ jniá₂, chi₂jua'₂ líg'₂ nē₁'ein₂ ca₂tē₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂nē₂té₂ lé₂ le₃juá'₂: “A₂mei₅₄ quiáng₃, ja₁dsen₅₄ guě₄ la₂ i₂nē₂.” Jaun₂ le₂nē₅ bá₄ jme₃juag'₂ dsa₂ i₂quě'₂ quiang'₅₄.

11 Ia₁ jui₁lia'₂ dsa₂ i₂jme₂can'₅₄ guion₅₄, sióin₃ tē₂le₃ jē₁ca₂tó'₂; dsa₂ i₂jmo₅ me'₂ guě'₂ nē₃, roin'₂ guei'₅₄.

12 Jaun₂ ca₂tsí'₃ ján₃, dsa₂ i₂ca₂tē₃ 'éi₂:

* 14:5 Cha₂ a₂lin₅₄ chog₅₄ si₂ a₂juá'₂: “dsi₃dsen₅ bú'₄ quián₅.”

—Jě₁ma₂tě₂ rě₁'niog'₂ jmó'₂ caun₂ má₃ a₂ŋig'₅₄ dsa₂, tsá₃ tē'₅₄ ju₁lia'₂ dsa₂ a₂mei₅₄ quiáng'₂, on₃ guē'₂ ju₁lia'₂ i₂lín₅ o₁ring'₂, on₃ guē'₂ ju₁lia'₂ i₂cha₂ cu₄ tián'₅ cau₅ quiáng'₂ ně₃. Ia₁ con'₂ tsá₃ ŋó₅, dsa₂ le₂'éi₂, lé₂ le₃tě₂, a₂jéin'₃ táng₃ quiáng'₂.

13 Jaun₂ ně₃, ně₁jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ŋé₂, dsa₂ 'lian'₂, dsa₂ ten₄, dsa₂ guian'₅₄ ně₃.

14 Jaun₂ le₂ně₅ bá₄ le₃chang'₂ dse₃. Ia₁ dsa₂ 'éi₂ ně₃, tsá₃ qui'₅₄ jmig₄ le₃jéin'₃ quiáng'₂, la₁ i₁jáun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ ju₁lia'₂ dsa₂ i₂té₄ ja₁niog₅ jmig₄
(Mateo 22:1-10)

15 Jan₂ dsa₂ i₂jme₁guá₄ cau₅ i₂ca₂nág₂ jág₁ ně₅, ca₂tsí'₃ Jesús:

—'E₂ guē'₄ dsen₃ i₂tian'₃ guē'₃† ja₁gon₂ Diú₄.

16 Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cuē₃ caun₂ má₃ pa₁, jaun₂ ca₂tě'₃ ju₁n₅ dsa₂.

17 Jme₁ca₂tě₂ hora a₂nio₃ jmig₄ ně₃, ca₂chein₃ dsa₂ i₂jme₂ti₃ ta₁ ne₅₄, i₁chi'₄ dsa₂ i₂ma₂lě₅ jág₁ dsi₁lén₂: "I₂nó'₅ 'nia'₂, ia₁ ma₂lě₅ co₂ŋia₅₄ ca₂le₃jě₃."

18 La₁ ca₂le₃jín₃ bá₄ ca₂juá'₂ tsá₃ jiin₅₄. I₂le₂'uig₅₄ ca₂ŋag₃: "Caun₂ 'uē₃ lia'₂ ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄."

19 I₂sián'₂ guē'₂ táng₃ ca₂juá'₂: "Njá₂ dsán'₃ ca₁ju₅ i₂quia'₂ 'uē₃ i₂tě₂ca₂láng₂, i₂'éi₂ nei₅₄ i₁quión₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄."

† 14:15 lit. "guē'₃ i₁ŋí'₄."

20 I₂sián'₂ guë'₂ ca₂juá'₂ táng₃: “Gu₃ lia'₂ nē₂jeng'₅₄; jaun₂ lě₃, tsá₃ lé₂ nei₅₄.”

21 Jaun₂ jme₁dsián'₃ mozo 'éi₂ ca₂j móg'₃ jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂ŋi₄ jě₄ calles, le₂tan₅₄ ja₁le₁ŋi'₂ dsa₂ juin₅ jě₄ juig₂, qui₂o₂quian₅ dsa₂ te₂ŋé₂, dsa₂ 'lian'₂, i₂guian'₅₄, i₂ten₄ ně₃.”

22 Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂nē₂jmo₃ con'₂ lě₅ nē₂jua'₅₄. Jo₂ bá₄ guě₄ dsi₂néi₂.”

23 Jaun₂ ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃.”

24 Ia₁ le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃ quein'₃ jě₄ jmig₄ quió₃.”

*'Ni_o₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)*

25 Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

26 —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, nē₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ guě₄ o₁r'in'₅₄ ně₃; nē₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ ně₃, tsá₃ lé₂ le₃léin₂ dsa₂ quiáng₃.

27 Jua'₅₄ 'ein₂ tsá₃ ca₂tén'₃ dsí₅ gue₃ 'mú₃,‡ jiá₃ chi₁co'₅₄ quió'₅, tsá₃ lé₂ le₃léin₂ dsa₂ quiáng₃.

28 Jua'₅₄ mei'₂ guě₃ chan₂ jan'₂ 'nia'₂ i₂'nio₃ chi'₃ caun₂ ni₁'ia'₂ ŋei₅, ζon₁ jniá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'ió'₄ a₂jaun₂?

‡ 14:27 lit. “tsá₃ cán₂ cróg₄, quió'₅.”

29 Ia₁ nē₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guè'₂ jme₃'ió'₃, ca₂le₃jín₃ dsa₂ i₂jág₃ a₂jaun₂, a₂lē₁co₂j móg'₂ co₃ηág₂ bá₄.

30 Dsia₃: “Dsa₂ nē₅ con'₂ jñia'₅₄ ca₂jme₃lióg₃ 'uig₅₄, la₁ tsá₃ guè'₂ qui'₅₄ jmig₄ jme₃'ió'₃.”

31 O₃ ju₁lia'₂ jan₂ rag₅₄ guè'₂, i₂jmo₃ 'nei₂ quian'₅₄ jan₂ rag₅₄ sián'₂, ṭtsa₁ jñiá₅ de'₂ guá₃ con₂ 'í₁ chi₂jua'₂ tió'₅ quian'₅₄ guian₃ mei₅ 'lióg₂ quiáin₅, dsi₃quiin'₂ quian'₅₄ guió₁ñ₂ mei₅?

32 Chi₂jua'₂ ma₂lí'₄, tsá₃ tió'₅ ně₃, tē₁lia'₂ uing₂ guē₄ já₅ rag₅₄ jan₂, chein₃ dsa₂ i₂quian₅ já_g₁ a₂mi_t₂₃ dsian₅ co₂ñei'₅₄ mi'₅₄.

33 Le₂nē₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jé₃ a₂cha₂ quió'₅, tsá₃ lé₂ le₃léin₂ dsa₂ quiáng₃.

Jág₁ jáng'₅ léi₄ ju₁lia'₂ 'a₂ lia'₂ lě₅ tsi₁ñi₁
(Mateo 5:13; Marcos 9:50)

34 '(Ju₁lia'₂ dsa₂ i₂quian'₅₄ jniá₂ lín₅ ju₁lia'₂ lě₅ tsi₁ñi₁.) A₂dse₃ bá₄ tsi₁ñi₁ tē₁lia'₂ ñi'₅₄. La₁ nē₁jua'₂ ca₂'en₃ ñi'₅₄ ně₃, ṭ'a₂ bá₄ lia'₂ lé₂ le₃lei₂ táng₃?

35 Tsá₃ ma₃'e₂ ta₁ tí₄, on₃ guè'₂ lé₂ le₃lé₂ gua'₅₄, on₃ guè'₂ ma₂tí₅ ta₁ jua'₅₄ a₂le₃lé₂ ca₂bè'₅₄ 'o'₅₄. Jñia'₅₄ lia'₂ a₂dsi₃ga'₅₄ uing₂ bá₄. I₂dsi₅₄ gua₄, rē₂ ju₁nei₅₄.

15

Jág₁ jáng'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

1 Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guē₄ dsa₂ i₂le₁cán'₄ dso₄ sián'₂, ca₂o₃léin₂ ja₁'en₅₄ Jesús, a₂o₃néi₃.

2 'Uig₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'iin₃ Jesús. Ca₂juá'₂:

—Dsa₂ nē₅ qui₂guein₂₃ bá₄ dsa₂ i₂le₁cán₄ dso₄, guě₅ co₂lě₅ quiong₅₄.

³ Jaun₂ lě₃ ca₂juá'₂ Jesús jág₁ jáng'₅ léi₄ la₂:

⁴ —ǰI₂'ein₂ 'nia'₂, ju₁lia'₂ i₂'nio₅ caun₂ 'ñiá₂-lón₂ já'₂ cha'₂, nē₁juá'₂ ca₂l₃cón'₅ jan₂, tsa₁ ja₁co₂'ñiog₅ jaun₂ toin'₂ i₂quén'₂ ne₂guión₂ rě₂dsí₂ guia₃-né₂ (99) con'₂ i₂te₂, dsó₃ táng₃ dsi₂jui₅, dsi₂'niai'₂ i₂jan₂ i₂l₃cón'₅ 'éi₂, 'nau'₂ ca₂lia'₂ ca₂dsáu'₂?

⁵ Jě₁ma₂ca₂dsáu'₂ nē₃, tē₂ jui₅ co₁dsi₁₂, jóin'₅ táng₃ 'io'₂ jén'₅.

⁶ Jě₁ma₂dsiáin'₃ dsi₂néi₂ nē₃, ñí'₂ ca₂le₃jín₃ a₂mei₅₄ quiáin₅, quian'₅₄ guě₄ dsa₂ i₂tián'₅ cau₅ quió'₅. Jaun₂ juá'₂: “Nē₃ o₁tió'₄, jmó'₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.”

⁷ Juá'₅ jniá₂, 'nio₅ lin₃ guě₄ bá₄ cha₂ o₂'ñió₃ dsi₅ guei'₅₄ i₂juíg₃ o₄quió'₄ jan₂ dsa₂ i₂rě₂cán'₄ dso₄, i₂dsi₂quén'₅ dsí₅, lia'₂ con'₂ guě₄ o₄quió'₄ i₂quén'₂ ne₂guión₂ rě₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁ jáng'₅ léi₄ ju₁lia'₂ caun₂ cu₄ 'ua'₂ a₂i₃có'₅

⁸ 'O₃ ju₁lia'₂ jan₂ dsa₂ m'í₂ i₂'io₅ guia₃ cu₄ 'ua'₂,* nē₁juá'₂ ca₂l₃có'₅ caun₂, ǰtsa₁ téi₂ si₂, 'iá'₂ dse₃ lin₃ dsi₂néi₂, 'no'₂ ca₂lia'₂ ca₂dsó'₂?

⁹ Jě₁ma₂ca₂dsó'₂ nē₃, jmo₂₃ 'io'₂, ñí'₂ 'io₅₄ a₂mei₅₄ quiáin₅, i₂tián'₅ cau₅ quió'₅ nē₃, jaun₂ juá'₂: “Nē₃ o₁jmó'₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂'ág₃ quió₃.”

* 15:8 griego: dracma (co₂'nió'₄ 'lian'₅₄ dsa₂ co₂jmi₃g₄ ta₁).

10 Jaun₂ le₂në₅ bá₄ juí₂ jniá₂ 'nia'₂, chan₂ o₂ñio₃ o₂ñia₃ dsi₅ ángeles quián₅ Diú₄ o₄quió'₄ jan₂ dsa₂ i₂rë₂cán'₄ dso₄, i₂ma₂ca₂dsi₃quén'₅ dsi₅.

Jág₁ jáng'₅ léi₄ ju₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

11 Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ñi'₅₄.

12 I₂lín₅ i₂me'₂ guë₄ ca₂tsí'₃ jmei₂: “Tia₅₄, cuë₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ në₃ ca₂dsio'₃ 'e₂ a₂cha₂ quió'₅, jma₃quén₅ ca₂cuë'₃ chi'₂ quiáin₅ con'₂ ca₂tín₂.

13 Mei'₂ bá₄ cang₂ jaun₂, dsó₂ i₂me'₂ guë₄ qui₂ca₂'nag₃ a₂jme₁ma₂lë₅ quió'₅. Quian'₅₄ cu₄ jaun₂ ca₂í₃ juí₅ i₁ñi₂ uíng₂ caun₂ 'uë₃ siá'₂. Ja₁jaun₂ ca₂i₁'éin₄ jë₂ cu₄ quió'₅, tsá₃ 'en₅₄ dsi₅ ca₂rë₃cháin₃.

14 Jme₁ma₂dsó'₃ jë₂ cu₄ në₃, 'ñio₅ lín₃ ca₂rë₃'ín₃ a₂guë'₃ dsa₂ juí₂ jaun₂. 'Eí₂ në₃ ma₂ñi₂₃ 'oin₅₄.

15 Jaun₂ ñó₃ i₃'nióg₂ ta₁ a₂jmo₃ quió'₅ dsa₂ juí₂ jaun₂. Jaun₂ dsa₂ 'éi₂ në₃ ca₂chei₃ ja₁nau₂ quió'₅ a₂ñi'₃ i₁ñi₅.

16 Jë₁ma₂të₂ rë₁guë'₃ i₁ñi₅, ca₂lia'₂ ma₂le₃guë'₃ 'ñiog₅ cuá'₁ tsi₁rë₂jnei₂ a₂guë'₅ já'₂, la₁ 'i₁jan₂ tsá₃ 'ein₂ ca₂cuë₃ a₂guë'₅.

17 Jaun₂ ca₂i₃jñia₅ dsi₅: “i₁Të₁lia'₂ juin₅ mozos i₂'ñio₅ ñe'₃, cha₂ qui₂rë₂tsón₂ a₂guë'₅, jniá₂ në₃ ja₁láš₃ jñíg'₅ dsi₃ 'ong₅₄!

18 'Ag₅₄ caun₂ dsi₃, nég'₄ táng₃ dsi₂néi₂ quió'₅ ñe'₃. Juig₅₄ le₂la₂: Tia₅₄ quiáng₃, 'e₂ guë₄ juë'₂ dso₄ ca₂'no₃ ne₄ Diú₄ quian'₅₄ ja₁cong'₂;

19 jñia'₅₄ tsá'₃ ma'₃ca₂tíng'₂ a₂tě'₄ jniá'₂ jón'₃. La₁ jag₄ jniá'₂ lia'₂ ja₁jíng'₅₄ jan₂ dsa₂ i₂tion₄ quiáng'₂ bá₄.

20 Jaun₂ ca₂nau₂ ca₂'í₃ jui₅ jóin'₃ táng₃ quió'₅ jmei₂. La₁ uíng'₂ bá₄ guě'₄ jóin'₅, jme₁ca₂jág'₂ jmei₂. Ca₂tá'₂ nēi₂ dsi₅, ca₂ñó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅.

21 Jaun₂ guě'₄ ca₂juá'₂ ja₁ñi'₅₄: “Tia₅₄ quiáng'₃, 'e₂ guě'₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; jñia'₅₄ tsá'₃ ma'₃ca₂tíng'₂ a₂tě'₄ jniá'₂ jón'₃.”†

22 La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “iMa₂ně₃ co₂chi'₅₄! O₂dsi₄ 'mí'₂ a₂lě₅ a₂dse₃ guě'₄, queng'₅₄ chí'₂ quiáng'₃; caun₂ guě'₂ anillo tio'₂ chí₂gú₃. Co₂dsán'₃ guě'₂ ni₁lau₂ to'₅₄ 'nia'₂ tag₅₄;

23 Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jñí'₄ 'nia'₂. iJaun₂ que₅₄, tió'₄ jmó₁ 'io'₂!

24 Ia₁ chí'₂ ně₅ quiáng'₃, ně₂jag₄ i₂jme₁ma₂jon₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmíg₄ tióin'₅₄.

25 'Tě₁lia'₂ jaun₂, chí'₂ ja₁ñi'₅₄ i₂lín₅ i₂juin'₂ guě'₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂.

26 Jaun₂ ca₂tě'₃ jan₂ dsó₂ ca₂ñag₃ 'e₂ niog₅ lě₂.

27 Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ nēi'₅ ně₃ ně₂jmo₃ 'éi'₃ ně₂ñi'₃ dsa₂ ca₁jui₅ i₂jme₁chén'₄ 'on'₅₄, ia₁ guáin'₅, dsein₃ bá₄, tsá'₃ 'e₂ lín₅.”

28 La₁ ca₂rě₃'né₃ bá₄ riin'₅₄ i₂juin'₂ 'éi₂. Tsá'₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁.

† 15:21 A₂lín₅₄ chog₅₄ si₂ chí₁ton₅ le₂la₂ ján₃: “La₁ jag₄ jniá'₂ lia'₂ ja₁jíng'₅₄ jan₂ dsa₂ i₂tion₄ quiáng'₂ bá₄.”

29 La₁ 'éi₂ ně₃ ca₂ŋag₃ ca₂tsí'₃ jmei₂: “Ca₂le₃jě₃ ŋi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ ŋjia'₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmig₄ quian'₅₄ a₂mei₅₄ quiáng₃.”

30 Ně₃ guě₄ ting'₂ jmó'₂ jmig₄ ia₁ guán'₅ ja₁ŋí'₄ ně₅, i₂lě₁qui₂i'én₄ cu₄ quiáng'₂, qui₂i₁ŋi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmig₄ jmo'₂ o₄quió'₄, ŋjíg'₅ ca₁jui₅ i₂'on'₅₄ guě₄ jme₁chén'₄.”

31 Jaun₂ ca₂ŋag₃ jmei₂: “Jón₃, ma₁ co₂tan₅₄ bá₄ ŋéi'₂ 'ne₂ quian'₅₄ jniá₂; a₂quián'₂ 'ne₂ bá₄ ca₂le₃jě₃ a₂cha₂ quió₃.”

32 La₁ ně₃ ně₃ co₂ně₅ ca₂tág₂ jmó₁ jmig₄, quián₁ o₂'ŋi₃ dsí₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ jui₁lia'₂ jan₂ dsa₂ i₂tsá₃ ca₂rě₃tí'₅₄

¹ Ca₂juá'₂ Jesús ján₃ ca₂tsí'₃ dsa₂ i₂quiain'₅₄:

—Jme₁chan₂ jan₂ dsa₂ cha₂ cu₄ jme₁ŋioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₁jme₁qui₂'én₂ 'éi₂ a₂cha₂ quió'₅ juig₅₄.”

² Jaun₂ ca₂tě₃ juig₅₄ ca₂juá'₂: “¿I₂'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂líng'₅, ia₁ ja₁lá₃ ŋjia'₃ ta₁ a₂niog₅ gog'₂.”

³ Jaun₂ dsa₂ 'éi₂ ně₃ ca₂'náu'₃ dsí₅: “¿'E₂ bá₄ jmo₅₄ jniá₂? ŋjia'₂ juig₃ ta₁ quió₃. Tsá₃ béng₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá₂ jua'₅₄ a₂lě₁mi₁₂ jme₃'o₅₄ dsa₂.”

4 Ma₂guion₄ 'a₂ lia'₂ jmo₅₄ ia₁jaun₂ guei₃ dsa₂ sián'₂ dsi₂né₁₂ quió'₅ jë₁ma₂të₁tsing'₅₄ tsá₃ ta₁ cha₂ jmo₅₄.”

5 Jaun₂ ca₂të'₃ të₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ring'₂ quió'₅ gui'₅₄?”

6 Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄* no'₅₄.” Jaun₂ juá'₂: “La₂ ron₅ si₂ja₁ton₅ con'₂ a₂ring'₂. Né₂, ma₂në₃ jmo₄ táng₃ caun₂ a₂siá'₂, tió'₃ jñia'₅₄ të₂láu₃-guiá'₂ bá₄ taun'₅₄ a₂le₃ring'.”

7 Jaun₂ ca₂tsí'₃ táng₃ jan₂ i₂sián'₂: “Ne₂ guë'₂, ¿je₂liá'₂ ring'?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ñag₃: “Jón'₅ si₂ja₁ton₅ a₂ring'₂; jmo₄ táng₃ caun₂ a₂siá'₂ tió'₃ quéin'₂ co₂ne₂guió₂g₂ bá₄ taun'₅₄.”

8 Juig₅₄ në₃, rë₂ bá₄ ca₂'iin₃ dsa₂ i₂tsá₃ ca₂rë₃ti'₅₄ 'éi₂, ia₁ 'ñioi₅₄ ca₂jmo₃. Ia₁ ja₂lin₃ guë'₄ bá₄ 'ñio₅₄ ju₁lia'₂ dsa₂ mi₂güig₃ jmig₄ në₃, lia'₂ con'₂ guë'₄ chi'₂-guein₂ i₂i₂nio₄ ja₁jñiá'₂ si₂.

9 Jaun₂ juig₂ jñiá'₂ 'nia'₂, 'nio'₂ 'nia'₂ ju₁'a₂ lia'₂ léng'₂ a₂mei₅₄ quian'₅₄ cu₄ cha₂ mi₂güig₃ 'lig'₅₄ la₂, ia₁jaun₂ jë₁ma₂ca₂dsa₃ cu₄, chan₂ bá₄ i₂le₃guéi'₂ 'nia'₂ ja₁o₁tiáng'₂ dse₃ co₂tan₅₄.

10 Ju₁lia'₂ i₂rë₂ti'₅₄ rë₂ quian'₅₄ ca₂juig₄ a₂të₂no₄ gu₂, ján₃ bá₄ le₂jaun₂ rë₂ti'₅₄ quian'₅₄ 'lióng₂. Le₂jaun₂ guë'₂ ju₁lia'₂ dsa₂ i₂tsá₃ rë₂ti'₅₄ quian'₅₄ ca₂juig₄, ján₃ bá₄ le₂jaun₂ tsá₃ rë₂ti'₅₄ quian'₅₄ 'lióng₂.

11 Jaun₂ në₃, në₁juá'₂ tsá₃ rë₂ten'₅₄ 'nia'₂ quian'₅₄ cu₄ cha₂ mi₂güig₃ 'lig'₅₄ la₂, ¿'ein₂ bá₄ i₂lé₂ le₃'ág₃

* **16:6** lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † **16:7** lit. “caun₂ 'ñiá₂-láu₂ korous mí₂g₂ trigo”, (caun₂ 'éi'₃ a₂'éi₄ con'₂ guia₃ 'ma₂ le₂caun₂).

caun₂ dsí₅ ja₁con'₂ 'nia'₂ quian'₅₄ a₂lě₅ a₂quen₅
tě₃dsón'₂?

12 Ně₁jua'₂ tsá₃ rě₂ten'₅₄ 'nia'₂ quian'₅₄ a₂lě₅ quió'₅
dsa₂ sián'₂, ě₁ein₂ bá₄ dsia₃ gog'₂ 'nia'₂ ju₁lia'₂
a₂ca₂tín'₂ 'nia'₂ guiong'₅₄?

13 'I₁jan₂ dsa₂ i₂ma₂'lian'₅₄ tsá₃ lé₂ le₃jme₃ti₃ ta₁ ne₄
on₃ ju₁g₅₄. Ia₁ jme₃'ŋiai₅₄ jan₂, jan₂ guě'₂ jme₃'nioi₃;
o₃ jme₂gain₃ jan₂, jan₂ guě'₂ tsá₃ ju₁toin'₂. Tsá₃ 'ein₂
'nia'₂ lé₂ le₃jme₃ti₃ lia'₂ ne₄ Diú₄, lia'₂ ne₄ Cu₄ ně₃.

14 Dsa₂ fariseos ně₃, jme₁tioin'₅₄ 'nag₂₃ jě₂ jág₁ ně₅.
Jaun₂ ŋŋia'₅₄ ca₂ŋág₂ 'nei₂ bá₄ jme₁ca₂nág₂, ia₁ lín₅
dsa₂ i₂ŋí₄ dsí₅₄ cu₄.

15 Jaun₂ ca₂juá'₂ Jesús:

—'Nia'₂ jmo'₂ a₂dseng'₃ tě₃ne₄ dsa₂, la₁ cu₁'₅ bá₄
Diú₄ dse₃ 'a₂ lia'₂ lě₅ 'au'₂ 'nia'₂. Ia₁ ju₁lia'₂ i₂jmo₅ dsí₅
a₂ŋí₄ lě₃ dsein₅₄ 'ŋio₅ quein₅, a₂jaun₂ 'io'₅₄ Diú₄.

'Éi'₃ Juá'₅, quian'₅₄ ja₁gon₂ Diú₄

16 'Jme₁ron₅ 'Éi'₃ Juá'₅, quian'₅₄ Si₂ quió'₅ dsa₂
i₂jme₁'ě₂ jág₁ quián₅ Diú₄, ca₂lia'₂ ca₂tě₂ jmig₄
a₂jme₁chan₂ Juan₅₄. Ca₂le₃jaun₂ qui₂dsi₂'ag₅ jág₁
ju₁lia'₂ ja₁gon₂ Diú₄; ma₂ja₂lén₂ ca₂le₃jín₃ dsa₂
qui₂quín'₅ bí₂ a₂tóin'₃.

17 Tsá₃ guě₄ 'e₂ ta₁ quian₅ a₂dsi₃ŋí₂ dsí₁ guei'₅₄
quian'₅₄ gua'₅₄ 'uě₃, lia'₂ con'₂ guě₄ dsí₃ 'én₂ caun₂ léi₄
pí'₁ a₂le₁ton₅ 'Éi'₃, jua'₅₄ a₂tsá₃ le₃ti₃.

*Jme₂tag₅ Jesús 'a₂ lia'₂ lě₅ ju₁lia'₂ a₂tén₂ dsa₂
dsí₂i₂gu₂*

(Mateo 19:1-12; Marcos 10:1-12)

18 'Ně₁jua'₂ jan₂ dsa₂ ŋe'₂ ca₂téin₂ dsa₂ mí₂ quiáin₅,
a₂jéin'₂ táng₃ gu₂ quian'₅₄ i₂sián'₂, 'no₂₃ dso₄. Ján₃

guë'₂ le₂jaun₂ nē₁jua'₂ dsa₂ ŋe'₂ ca₂cain₃ dsa₂ m'í₂
i₂ma₂té₂i₂ dsi₂l₂gu₂, já_n₃ bá₄ co₂jaun₂ 'no₂₃ dso₄ já_n₃.

Jan₂ dsa₂ cha₂ cu₄, quian'₅₄ Lázaro

19 'Jme₁chan₂ jan₂ dsa₂ cha₂ cu₄ i₂jme₁quí'₅ jmá'₃
tsin'₅₄ jlá'₁, quian'₅₄ 'mí'₂ 'uí'₃ a₂chein'₅₄ ta₁jain₂,
ně₃. Le₂'o₃ jmig₄ bá₄ jme₁cuě'₅ o₂'ŋi₃ o₂jŋia₃ dsi₅,
jme₁jmo₂₃ jmig₄ jlá'₁.

20 Jme₁chan₂ táng₃ jan₂ dsa₂ te₂ŋé₂ i₂jme₁chen₂
Lázaro, † i₂dso'₅₄ jme₁qui₂rě₂can'₂ 'mé'₅ ni₁ŋi₁₂.
Jme₁dsi₂dsiog₃ dsa₂ o₄'né₄ quió'₅ dsa₂ cha₂ cu₄.

21 Dsa₂ te₂ŋé₂ 'éi₂ ně₃ jme₁'nio₃ jme₃tain'₅₄ quian'₅₄
a₂tsi₂séi'₂ ne₄ mesa. Ca₂tě₂ dsi₂jí'₅₄ jme₁ja₂lén₂ ja₂'lí'₃
ne₄ 'mé'₅ quió'₅.

22 Cang₂ jaun₂ ca₂jon₃ bá₄ dsa₂ dsi₂ŋé₂ 'éi₂, ca₂tág₃
ángeles ja₁con₂ Abraham. Cang₂, ca₂jon₃ bá₄ dsa₂
cha₂ cu₄ 'éi₂ já_n₃. Ca₂'ó₂ bá₄ dsa₂ ně₃.

23 Jme₁ma₂'ein₅₄ ŋág₅ uig₅ ja₁dsi₂len₅ 'lag₄, §
ca₂chóg'₃ ne₅₄ ca₂jíin₂ uíng₂ Abraham quian'₅₄
Lázaro cau₅ quió'₅.

24 Jaun₂ ca₂guió'₃ co₂mí'₅₄ ca₂juá'₂: “Tia₅₄ Abra-
ham, dsia₄ ŋéi₂ 'au'₂ jniá₂, chen₅ Lázaro ně₅ jui₁tia₅₄
chi₁gú₃ né'₃ jmíg₃, jui₁jia₂ jme₃güig'₂ le₁tsi'₃. Ia₁ 'ŋio₅
lin₃ uig₅ ŋag₅₄ 'eng₅₄ jě₄ si₂ la₂.”

25 Jaun₂ ca₂ŋag₃ Abraham: “Jón₃, dsá₂ 'au'₂ jmo₄,
ca₂gue'₅₄ bá₄ 'ne₂ a₂dse₃ tē₁lia'₂ ca₂rě₃cháng'₃. Lázaro
la₂ ně₃, tsá₃ 'e₂ dse₃ ca₂rě₃cháin₃. Jaun₂ rě₂ně₃ ně₃
gue₂₃ lián'₂ chain₂ dse₃ ja₁lá₃. 'Ne₂ guě'₂ ma₂ŋag'₅₄
uig₅ ja₁ně₅.

† 16:20 Lia'₂ chen₂ Lázaro jein₅ jág₁, dsa₂ i₂jme₂'o₅₄ Diú₄. § 16:23
griego: hades, co₂'nió'₄ a₂juá'₂, ja₁quió'₄ 'lag₄.

26 Ton'₂ jī'₅₄ ηei₅ lin₃ lě₅ jě₄ quián₂ jniog₄, jaun₂ tsá₃ 'ein₂ lé₂ le₃ ηí₃ tē₂le₃ nē₅, on₃ guē'₂ i₂tion'₅₄ ja₁nē₅ lé₂ ηí₃ le₃la₂.”

27 Jaun₂ ca₂ηag₃ táng₃: “Mí₅ jniá₂ ne'₅₄ jaun₂, tia₅₄, a₂dsiang'₅₄ i₂nē₅ dsi₃con₅₄ jág₁ dsau₅ dsi₂néi₂ quió'₅ ηe'₃,

28 ia₁ 'ñiá₂ chi'₂ ríng'₃ i₂chan₂ guē₄, ia₁jaun₂ tsá₃ ja₃ηag₅₄ uig₅ ja₁lá₃.”

29 Jaun₂ ca₂ηag₃ táng₃ Abraham: “I₂ma₂rón'₅ si₂ bá₄ ó₃ ca₂quiog₂ Moisés quian'₅₄ dsa₂ i₂jme₁'ě₂ jág₁. jJui₁tion'₅₄ jui₅ a₂juá'₂ 'éi₂!”

30 Jaun₂ ca₂ηag₃ táng₃: “Jan₂'ón₄, tia₅₄ Abraham, ia₁ nē₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅.”

31 La₁ ca₂ηag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'ě₂ jág₁ quián₅ Diú₄ nē₃, ján₃ bá₄ le₂jaun₂ tsá₃ 'e₂ gau₂ nag₃ o₁jñia'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ nē₁jua'₂ 'ein₂ ca₂tian'₃ dso₄

(Mateo 18:6-7, 21–22; Marcos 9:42)

1 Ca₂juá'₂ Jesús ca₂tsí'₃ dsa₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. jLa₁ 'e₂ guē₄ juíg₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄!

2 Ja₂lin₃ guē₄ dse₃ jua'₅₄ tón₂ dsa₂ ne₄ jmi₁ñí'₄ chi₁quein₅ ni₁to₂ dsi₂lag₅₄, lia'₂ con'₂ guē₄ jmo₃ tián'₃ dso₄ jan₂ dsa₂ dsi₂ηé₂ la₂.

3 Tē₃ñi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Nē₁jua'₂ ca₂jme₃tsiin₃ dsí₅, 'én₃ dsáu₁.

4 O₁jñia'₅₄ guio₃ ráun₂ nē₂j móg'₂ mi'₅₄ co₂jmig₄,
nē₁jua'₂ guio₃ ráun₂ ca₂já₃ ne'₅₄, juá'₂: “Tsá₃
ma₃jmo₅₄”, 'én₃ dsáu₁.

Bí₂ a₂'io₅ a₂'én₂ dsa₂

5 Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ ju₁le₂'éin₂ gué₄ jnia'₅₄.

6 Jaun₂ ca₂ñag₃ táng₃ Te₁gui'₅₄:

—Tsá₃ a₂nag₅₄ jñia'₅₄ con'₂ tí₅ ca₂míg₂ mi₂jon₂
quió'₅ ni₁'ma₂ mostaza* bá₄ 'én'₂ 'nia'₂, lé₂ le₃juig'₅₄
ni₁'ma₂ sicómoro† chí'₅ nē₅, “Jñiag'₃ ja₁nē₅, o₂nau₂
ne₄ jm₁ñí'₄”, le₂jaun₂ dsón'₂ lé₂ bá₄.

A₂ ca₂tín₂ jmo₃ dsa₂ i₂jme₂ti₃

7 'Jua'₅₄ mei'₂ gué₃ jan'₂ 'nia'₂ chan₂ jan₂ dsa₂
i₂jmo₅ ta₁ ja₁nau₂ quió'₅, o₃ jmo₂₃ 'í₂ já'₂ cha'₂ 'e₂,
jua'₅₄ mei'₂ gué₃ ma₂guáin'₅ ja₁nau₂, ¿o₃ bá₄ juig'₂
'nia'₂: “Ñi₅₄ i₂né₂ jaun₂ quē'₅₄”?

8 Ma₁ tsá₃ le₂jaun₂. ¿o₃ juig'₂ le₂la₂ 'e₂: “jmo₄
co₂jñia₅₄ a₂gué'₅₄, jmo₄ co₂jñia₅₄ quiáng'₂, jaun₂ ñag'₅₄
dsiá'₁ quió₃. Ca₂lia'₂ jē₁ma₂ca₂lē₃ gué'₂, gui'₂ ně₃,
jaun₂ gué₄ quē'₅₄, 'ag'₅₄ 'ne₂”?

9 ¿Cué'₅ ti₁'mag'₄ dsa₂ 'éi₂ ia₁ jme₃ti₃ con'₂ lē₅
a₂tē₁néi'₂? Jan₂'ón₄.

10 Le₂nē₅ bá₄ 'nia'₂ já₁n₃, jē₁ma₂ca₂lē₃ jmo'₂
ca₂le₃jē₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃
'e₂ ta₁ téi₄ jnia'₅₄ ja₁cong'₂, ia₁ tsá₃ 'e₂ ñag₅₄ jua'₅₄
nē₂j mó₁ jnia'₅₄, jñia'₅₄ con'₂ a₂ca₂tág₂ jnia'₅₄ jmó₁ bá₄
nē₂j mó₁.”

* **17:6** mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂
ni₁'ma₂ dsón'₂ jaun₂ a₂tē'₂ tē₅sí₃ Brassica nigra. † **17:6** sicómoro:
mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

Ca₂jme₃lión₂Jesús guian₃dsa₂i₂jme₁lín₄'mé'₅'iog₅

11 Con'₂siá'₂, ca₂'í₃táng₃Jesús jui₅a₂dsióg₄
Jerusalén, qui₂ca₂ñi₅le₂tan₅₄'uè₃Samaria quian'₅₄
Galilea.

12 Jme₁ca₂dsióg₃caun₂juig₂bë'₅₄, ca₂jme₃jein'₂
guian₃dsa₂i₂le₁dso'₅₄lín₅'mé'₅'iog₅, la₁uíng₂bá₄
ca₂nau₂ja₁chén'₄Jesús.

13 Ca₂juá'₂tiá₂:

—Jesús, Të₅, dsia₄ñéi₂'au'₂jnia'₅₄!

14 Jme₁ca₂jág₂Jesús, ca₂juá'₂:

—O₂nó'₅'nia'₂o₂jme₁jnia₅ne₄jme₂dsa₂.

Jë₄i₂léin₂jaun₂bá₄, ca₂ñia₃'mé'₅a₂jme₁lín₄.

15 Jaun₂ně₃jan₂'éi₂, jme₁ca₂rë₃lí'₄ca₂ñia₃dso'₅₄,
ca₂jéin'₃táng₃ne₅₄, jme₂juin'₂Diú₄co₂mí'₅₄.

16 Ca₂tóin₂'uè₃cau₅mi₂tag₄Jesús, cuë₂₃ti₁'mag'₄.
Jan₂dsa₂chan₂Samaria bá₄'éi₂.

17 Jaun₂ca₂juá'₂Jesús:

—¿On₁jua'₅₄ guian₃lě₂i₂ca₂'lón₂? ¿Na₅guë'₂i₂ñi₃
'éi₂?

18 ¿Jan₂dsi₂nau₂la₂bá₄i₂jón'₅jme₂juin'₂Diú₄?

19 Jaun₂ca₂tsí'₃dsa₂'éi₂:

—Nau₂, guan'₂quiáng'₂. Ca₂'lóng'₂ia₁'éng'₂bá₄.

A₂lia'₂lé₂i₁guá'₂'éi'₃quió'₅Diú₄

(Mateo 24:23-28, 36—41)

20 Jaun₂ca₂ñag₃dsa₂fariseos ca₂ñi₃Jesús líg'₂
guá₂jmig₄a₂le₃gon₂Diú₄. Jaun₂ca₂ñag₃'éi₂:

—On₃jua'₅₄a₂cha₂léi₄a₂rë₂jnia₂guá₂'éi'₃quió'₅
Diú₄.

21 Jaun₂tsá₃'ein₂lé₂le₃juá'₂, jua'₅₄“ñí₂ja₁lá₃já₅”,
o₃“jó₄já₅.” Ia₁a₂ma₂'i₄bá₄'éi'₃quió'₅Diú₄jín'₄'nia'₂.

22 Jaun₂ca₂tsí'₃táng₃chi'₂dsi₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güí₃, la₁ tsá₃ jaun₂ tē₅₄ ne'₅₄ 'nia'₂.

23 Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guē'₂ jui₁le₂'én'₂ 'nia'₂ quió'₅ i₂juá'₂ le₂nē₅.

24 Ia₁ jui₁lia'₂ tē₂tsi'₅₄ si₁ñí'₃ ca₂taun₂ ca₂taun₂ guei'₅₄ mi₂güí₃, le₂jaun₂ bá₄ lé₂ jē₁ma₂tē₂ rē₁tē₂tsin'₅₄ Jaun₅ dsa₂ mi₂güí₃.

25 La₁ njíá₅ de'₂ ca₂tín₂ ñág₃ uig₅ 'ñio₅ lin₃, jme₃'iog₅₄ dsa₂ chan₂ jmig₄ nē₃.

26 Ia₁ jui₁lia'₂ ca₂lē₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güí₃.

27 Ia₁ jme₁tion'₅₄ dsa₂ 'éi₂ jmig₄ jaun₂ qui₂gué'₅, qui₂'ín'₂ nē₃, jme₁qui₂jéin'₂ gu₂, qui₂cuín₂₃ chi'₂ quiáin₅ a₂jéin'₂ gu₂, ca₂lia'₂ jme₁ca₂dsió₃ jmig₄ i₁ca₂'í₃ Noé 'ñió'₃ ni₁barco, a₂ca₂can'₂ rē'₂ jmig₂ ta₁caun₂ mi₂güí₃, ca₂i₃'én₂ ca₂le₃jín₃.

28 Le₂nē₅ bá₄ ca₂lē₃ ján₃ jmig₄ quió'₅ Lot. Jme₁tion'₅₄ dsa₂ qui₂gué'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmóg'₅ 'ne₄ nē₃.

29 La₁ jme₁ca₂dsió₃ jmig₄ a₂o₂'ín₃ Lot juig₂ Sodoma, a₂ca₂tang₂ rē'₂ si₂, ca₂séi'₂ ni₁cang₁ azufre le₁guí'₂ si₂ guei'₅₄, ca₂i₃'én₂ táng₃ ca₂le₃jín₃.

30 Le₂jaun₂ bá₄ lé₂ táng₃ jmig₄ i₁jme₃jnia₅ Jaun₅ dsa₂ mi₂güí₃.

31 Jmig₄ jaun₂, chi₂jua'₂ 'ein₂ 'en₅₄ co'₅₄ 'ne₄, jui₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uē'₃ a₂jaun₂. Ján₃ bá₄ le₂jaun₂ jui₁lia'₂

i₂'en₅₄ ja₁nau₂, tsá₃ ma₃o₁n₁ñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅.

³² Dsá₂ 'au'₂ 'nia'₂ jmo₄ 'e₂ ca₂i₃ñí₂ 'io₅₄ quián₅ Lot.

³³ Ia₁ jui₁lia'₂ dsa₂ i₂'nio₃ le₃chan₂ dse₃, dsí₃'én₂ quió'₅; la₁ jui₁lia'₂ dsa₂ i₂dsí₃'én₂ quió'₅, le₃chain₂ bá₄ dse₃.

³⁴ 'Juá'₅ jniá₂, 'uë₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsí₃lén₃, jan₂ guë'₂ i₂të₃'ñiá₄.

³⁵ Ján₃ guë'₂ le₂jaun₂, on₃ dsa₂ mí₂ i₂tion'₅₄ éi'₅ co₂lë₅; jan₂ i₂dsí₃lén₃, jan₂ guë'₂ i₂të₃'ñiá₄.‡

³⁷ Jaun₂ ca₂ñag₃ dsa₂:

—¿A₂já'₄ bá₄ lé₂ a₂në₅, Te₁gui'₅₄?

Jaun₂ ca₂ñag₃ táng₃ 'éi₂:

—Jui₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ juë'₄

¹ Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tíin₂₃ dsa₂ a₂ca₂tíin₂ chi₃lén'₂ Diú₄ tián₂, tsá₃ o₁'ú'₄ dsí₅.

² Ca₂juá'₂ le₂la₂:

—Caun₂ juig₂ jme₁guá₄ jan₂ juë'₄ i₂tsá₃ Diú₄ gan₃, on₃ guë'₂ dsan₂ dsí₅ dsa₂ mi₂güig₃ në₃.

³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jín₅₄ juë'₄ 'éi₂, jme₁ja₂jua'₅₄: “Jme₁rë₂ jág₁ quió₃, qui₂dsí₅ 'éi'₃ quió'₅ dsa₂ i₂j móg'₂ jniá₂.”

‡ 17:35 Chog₅₄ si₂ a₂gui'₅₄ guë'₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsí₃lén₃, i₂jan₂ guë'₂ i₂të₃'ñiá₄.”

4 Uě₂ bá₄ tsá₃ jui₅ tón' ₂ 'éi₂ jua' ₅₄ jme₃ rě₃. La₁ cang₂ bá₄ ca₂ i₃ jnia₅ dsí₅: “O₁ jnia' ₅₄ la₂ tsá₃ Diú₄ gáng₅, on₃ guě' ₂ dsa₂ mi₂ güig₃ dsan₂ dsí₃ ně₃,

5 la₁ ia₁ 'uig₅₄ a₂ njá₄ lě₃ cuě₅ o₂ me' ₅₄ dsí₃ 'io₅₄ 'nág₂ ně₅, qui₁ dsí₅ jniá₂ co₂ nei' ₅₄ 'éi' ₃ o₄ quió' ₄, con' ₂ tsá₃ njó₅ ně₁ jua' ₂ caun₂ le₂ ně₅ nj₃, jmo₃ dsí₃ mé' ₂ dsí₃.”

6 Jaun₂ ca₂ juá' ₂ Te₁ gui' ₅₄:

—Nj₂ rě₂ a₂ juá' ₂ juě₄ 'lín' ₅₄ 'éi₂.

7 ħTsa₁ lín' ₂ 'nia' ₂, jme₃ rě₃ bá₄ Diú₄ 'e₂ a₂ mi₅ dsa₂ i₂ rě₂ quion' ₅₄ quiáin₅ i₂ qui' ₂ -'áu' ₂ ca₂ nei₂ ca₂ jnia₃? ħTsa₁ lín' ₂ 'nia' ₂ caun₂ juin' ₂ dsí₅ bá₄ quiong' ₅₄?

8 Juíg₂ jniá₂ 'nia' ₂, dsí₂ jui₅ bá₄ qui₃ dsí₅ Diú₄ 'éi' ₃ o₄ quió' ₄ i₂ mi₅. La₁, jě₁ ma₂ tě₂ rě₁ guan' ₂ Jaun₅ dsa₂ mi₂ güig₃, ħdsiain' ₂ bá₄ guě₄ dsa₂ 'én₂ ne₄ gua' ₅₄ 'uě₃?

Jág₁ jáng' ₅ léi₄ ju₁ lia' ₂ on₃ dsa₂: jan₂ dsa₂ fariseo, jan₂ guě' ₂ dsa₂ i₂ mi₅ 'lia' ₅₄ a₂ ca₂ tín₂ dsí₂ tan₅₄

9 Ca₂ juá' ₂ Jesús caun₂ jág₁ jáng' ₅ léi₄ a₂ ca₂ tín₂ con' ₂ i₂ lín₂ lín₅ dsa₂ dsen₃, tsá₃ dsáu₅ dsí₅ riin' ₅₄ sián' ₂. Ca₂ juá' ₂:

10 —On₃ dsa₂ ca₂ i₃ lén₂ guá' ₅ templo i₁ chi₂ i₁ lein' ₄ Diú₄. Jan₂ 'éi₂ jme₁ lín₄ fariseo, jan₂ guě' ₂ i₂ jme₁ lín₄ ta₁ i₂ mi₅ 'lia' ₅₄ a₂ ca₂ tín₂ dsí₂ tan₅₄.

11 Dsa₂ fariseo ně₃, tě₃ chéin' ₅ bá₄ chi₂ lí' ₂ con' ₂ 'njog₅, ca₂ juá' ₂ le₂ la₂: “Cuě₅ jniá₂ ti₁ 'mag' ₄, 'ne₂ Diú₄ quiáng₃, ia₁ tsá₃ líng₅ ju₁ lia' ₂ lín₅ i₂ lín₅₄: i₂ qui' ₂ ang₅, i₂ tsá₃ dse₃ jmo₅ ja₁ con₂ rin' ₅₄, i₂ nió' ₅ jág₁ quian' ₅₄ dsa₂ i₂ tsá₃ lín₅ dsí₂ i₂ gu₂, ca₂ lia' ₂ njia' ₅₄ lia' ₂ lín₅ dsa₂ i₂ mi₅ 'lia' ₅₄ ně₅, tsá₃ líng₅.”

12 Jme₂'ing₅₄ ně₃ tin₃ ráun₂ lia'₂ caun₂ semana, ton'₂ cuē₅ bá₄ jniá₂ caun₂ qui'₅₄ a₂guia₃ quió₃, jē₂ con'₂ a₂lág₂.”

13 La₁ dsa₂ i₂mi₅ 'lia'₅₄ 'éi₂ guē'₂ ně₃, uing₂ bá₄ chéin'₅, ca₂lia'₂ jnia'₅₄ ne₅₄ bá₄ tsá₃ tiá₂ dsí'₅ chóg'₃ guei'₅₄. Jnia'₅₄ con'₂ qui₂quein₂₃ le₁dsí'₅ bá₄ chéin'₅, juá'₂: “Diú₄ quiáng₃, dsia₄ nēi₂ 'au'₂ jniá₂ ia₁ rē₂cáng'₄ dso₄.”

14 Jaun₂ juíg₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rē₂ tē₁tsin'₅₄ ne₄ Diú₄ nái'₅ quió'₅, lia'₂ con'₂ guē₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guē'₂ ně₃, roin'₂ guei'₅₄.

*Ca₂jme₃gon'₅₄ Jesús chi'₂-guein₂
(Mateo 19:13-15; Marcos 10:13-16)*

15 Co₂ráun₂ guē'₂, qui₂ca₂o₃jnia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi'₂ dsi₂guia₃-tín₂ jme₁ca₂jág₂.

16 Jaun₂ ca₂té'₃ Jesús guein₂, jaun₂ ca₂tsí'₃ chi'₂ dsi₂guia₃-tín₂:

—Cuē₄ 'nia'₂ jmig₄ ja₃lén₂ chi'₂-guein₂ ja₁cong₂; tsá₃ lē₁jni'₅₄ juí₅. Ia₁ juí₁lia'₂ i₂le₂nē₅ bá₄ guē'₂ i₂tin₃ ja₁gon₂ Diú₄.

17 A₂dsi₂jó'₃ juíg₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ juí₁lia'₂ gue₅ jan₂ i₂bē'₅₄, o₁líg'₂ jmig₄ tsá₃ 'í₂ ja₁jaun₂.

*Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús
(Mateo 19:16-30; Marcos 10:17-31)*

18 Jan₂ i₂lín₅ dsa₂ dsen₅₄ ca₂nēi'₃ Jesús:

—Tē₅ dsen₃, ħ'e₂ bá₄ 'nió'₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

19 Jaun₂ ca₂ŋag₃ Jesús:

—ǂ'E₂ lë₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄.

20 Ting'₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ jñíg'₄ dsa₂ mi₂güüg₃ ríng'₂; tsá₃ 'áng'₁; tsá₃ jmó'₂ dsáu₁ ríng'₂ quian'₅₄ jág₁ tē₂jág₁; jme₁gang'₃ chog'₂-ñéi'₅.”

21 Ca₂ŋag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ nē₅.

22 Jme₁ca₂nág₂ Jesús a₂nē₅, jaun₂ ca₂juá'₂:

—'Nió'₅ bá₄ guě₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ñé₂. Jaun₂ guě₄ le₃cha₂ 'líong₂ quiáng'₂ gwei'₅₄ i₂juíg₃. Jaun₂ ñia₅ chi₁co'₅₄ quió₃ o₁ló₄.

23 La₁ jme₁ca₂nág₂ dsa₂ 'éi₂ jág₁ nē₅, ca₂tá'₂ 'lia'₂ dsí₅ 'ñio₅ lín₃, ia₁ 'ñio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá'₂:*

—ǂ'E₂ guě₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄!

25 Ja₂lín₃ guě₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia'₂ con'₂ guě₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

26 Jme₁ca₂nág₂ dsa₂ i₂tió₂ñ₂ jě₄ jaun₂, ca₂juá'₂:

—ǂI₂'ein₂ bá₄ guě'₂ i₂tín'₄ jaun₂?

27 Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmig₄ dsa₂ mi₂güüg₃ jmo₃, Diú₄ lé₂ le₃jmo₃.

28 Jaun₂ ca₂juá'₂ Pe₄:

* 18:24 A₂lín₅₄ chog₅ si₂ juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

—Te₁gui'⁵⁴, ma₁ jnia'⁵⁴ ma₂ca₂tí₄ ca₂le₃jě₃
a₂jme₁cha₂ quián₂, a₂ma₂ja₂náu₅ 'én₅ 'ne₂.

²⁹ Jaun₂ ca₂ŋag₃ táng₃:

—A₂dsi₂jó'³ juíg₂ jniá₂ 'nia'₂, 'i₁jan₂ tsá₃ jua'⁵⁴
a₂lě₁táun₂ 'ne₄, téin₂ chog⁵⁴-jmei₂, o₁r₁in'⁵⁴, dsa₂ mí₂,
chi'₂-guein₂ quiáin₅ ně₃, o₄quió'⁴ ja₁gon₂ Diú₄,

³⁰ jua'⁵⁴ tsá₃ gue₃ tson₂ guě₄ ne₄ gua'⁵⁴ 'uě₃ la₂, ton'₂
le₃chain₂ dse₃ co₂tan₅₄ mi₂güig₃ caun₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)

³¹ Jaun₂ ca₂tě'³ Jesús cau₅ jmá'³ lia'₂ chi'₂ dsi₂guia₃-
tín₂ quiáin₅, jaun₂ ca₂juá'₂:

—Ně₃ guě₄ ně₃ ca₂tě₂ jmig₄ a₂dsau₅₄ juig₂
Jerusalén, ja₁niog₅ le₃ti₃ ca₂le₃jě₃ con'₂ lě₅ ca₂tó'₂
dsa₂ i₂'ě₂ jág₁ quián₅ Diú₄ ne₄ si₂, a₂'iin₂₃ Jaun₅ dsa₂
mi₂güig₃.

³² Jáng'₂ dsa₂ o₄gú₃ dsi₂nau₂, ja₁lě₁co₃jmóg'₂ dsa₂,
qui₃tě₃'o'₂ dsa₂, a₂qui₃'ŋéi₂ dsa₂ ně₃.

³³ Jaun₂ jě₁ma₂ca₂lě₃ bóg₂, jaun₂ guě₄ ŋag'₃. La₁
jě₁ma₂ca₂tě₂ 'ni₅ jmig₄, jein'⁵⁴ bá₄ táng₃.

³⁴ La₁ 'éi₂ ně₃, tsá₃ 'e₂ ca₂ŋí'₂ 'i₁caun₂ jág₁ ně₅, ia₁
lě₅ jág₁ a₂rě₂'ma₄ bá₄ guě₄ ja₁coin₂, tsá₃ jein₅ dsí₅ 'e₂
jaun₂.

Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)

³⁵ Con'₂ jme₁ma₂ja₂quián₃ dsióg₄ Jesús juig₂ Jer-
icó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃'o₅₄
dsa₂ cu₄.

³⁶ Jme₁ca₂nág₂ a₂qui₂ca₂ŋi₅ juin₅ dsa₂, jaun₂
ca₂ŋag₃ 'e₂ niog₅ lě₂.

³⁷ Jaun₂ ca₂juá'₂ dsa₂:

— Jesús chan₂ Nazaret bá₄ ně₅ já₅.

38 Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:

— ¡Jesús, tsi₁jon₂ David, dsia₄ ŋéi₂ 'au'₂ jniá₂!

39 Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ tē₂le₃ lē₅ guē₄ qui₂ca₂'áu'₂ bá₄ 'ein₅₄, ca₂juá'₂:

— ¡'Ne₂ tsi₁jon₂ David, dsia₄ ŋéi₂ 'au'₂ jniá₂!

40 Ca₂nau₂ Jesús, jaun₂ ca₂jmo₃ 'éi'₃ a₂dsi₃qui_{ón}₂ dsa₂. Jme₁ca₂dsi_óg₃ cau₅ quió'₅, jaun₂ ca₂ŋag₃ Jesús:

41 — ¿'E₂ 'niog'₂ jmo₅₄ jniá₂ quiáng'₂?

Jaun₂ ca₂juá'₂:

— Te₁gui'₅₄, a₂jnia₅₄ jme₁ne₃ bá₄ jniá₂ 'nio₃.

42 Jaun₂ ca₂juá'₂ Jesús:

— ¡Gue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

43 Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ŋó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tē₂ ne₄ a₂ca₂lē₃ jaun₂ ca₂jme₃juin'₂ Diú₄ ján₃.

19

*Jesús quian'*₅₄ *Zaqueo*

¹ Ca₂'í₃ Jesús juig₂ Jericó. Jaun₂ jme₁ma₂ŋó₅ jē₄ juig₂,

² ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

³ 'Éi₂ ně₃, jme₁'no'₂ jui₅ jín₂ 'ein₂ 'éi₂ Jesús. La₁ tsá₃ lé₂, ia₁ a₂ŋí₄ lē₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

⁴ Jaun₂ ca₂ŋó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro, * ia₁ 'nio₃ jín₂ Jesús, ia₁ jui₅

* **19:4** sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

jaun₂ jme₁ŋí₃.

⁵ Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁ŋia₁₂ ně₃.

⁶ Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

⁷ Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsá_{u1} bá₄ ŋó₅ i₂ŋia₅₄.

⁸ Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cuě₄ dsa₂ te₂ŋé₂. Ján₃ guě'₂ le₂jaun₂ chi₂jua'₂ 'ein₂ quió'₅ ma₂'ang₃ a₂ju_{i1}gang₂, jín'₅₄ táng₃ jniá₂ quén₂ ráun₂ lě₅ guě₄ co₂jaun₂.

⁹ Jaun₂ ca₂juá'₂ Jesús:

—Jm_{i4}g₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi_{i1}jon₂ quián₅ Abraham.

¹⁰ Ta₁ ně₅ já₅ bá₄ Jaun₅ dsa₂ mi₂güí_{g3}, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ ju_{i1}lia'₂ guia₃ 'éi'₃ cu₄ 'ua'₂

(Mateo 25:14-30)

¹¹ Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsióg₄ Jerusalén, ton'₂ ia₁ lín₂ dsa₂ le₃jniá₂ dsi₂ju_{i5} jaun₂ 'éi'₃ quió'₅ Diú₄.

¹² Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi_{i1}jon₂ dsa₂ jlán'₁. Ca₂ŋó₃ caun₂ juig₂ uíng₂ ja₁'ag₃ dsa₂ a₂lén₂ rag₅₄, jaun₂ guě₄ jŋi_{ó1}'₂ táng₃.

13 La₁ né'₃ a₂o₃ 'iin₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ nē₅ qui₁dsag'₂ 'nia'₂ ca₂lia'₂ ca₂tě₂ jmig₄ i₁guang'₂ táng₃.”

14 La₁ dsa₂ go₅₄ ně₃ ca₂rě 'iog₅₄, ca₂chein₃ co₂nió'₃ dsa₂ ca₂i₁chí'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂nē₅ jē₄ quián₂.”

15 La₁ tion₅₄ bá₄ ca₂lin₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tě'₃ dsa₂ i₂jme₂ti₃ quián₅ i₂ca₂cuě'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tě₁dsi₅₄ quió'₅ le₂jain₂ le₂jain₂.

16 Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con'₂ gué₄ guia₃ co₂jaun₂ ma₂tě₁dsi₅₄ cu₄ mina quiáng'₂.”

17 Jaun₂ ca₂tsí'₃ 'éi₂: “E₂ gué₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Nē₃ ně₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.”

18 Jaun₂ ca₂guan₃ táng₃ i₂ca₂tě₂ on₃, ca₂juá'₂: “Gui'₅₄, 'ñiá₂ gué₄ co₂jaun₂ ma₂tě₁dsi₅₄ cu₄ mina jaun₂ quiáng'₂.”

19 Le₂jaun₂ bá₄ ca₂tsí'₃ i₂'éi₂ ján₃: “Ne₂ gué'₂ jmó'₂ 'éi'₃ ne₄ 'ñiá₂ juig₂.”

20 Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄.

21 A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, të₂le₃ dséi₂ mág'₂ quiáng'₂. Ia₁ cáun'₂ ja₁tsá₃ 'e₂ ca₂qui₁dsag'₂ 'ñiag'₂, ton'₂ cag'₅₄ ja₁tsá₃ 'e₂ ca₂jní'₂.”

22 Jaun₂ ca₂ñag₃ táng₃ 'éi₂: “i'E₂ bá₄ tsá₃ ta₁ téng'₄! Lia'₂ con'₂ lě₅ jág₁ quiáng'₂ qui₁dsi₅ jniá₂ 'éi'₃.

† 19:13 mina: co₂'nió'₄ 'lian'₅₄ dsa₂ con'₂ 'ni₅ tsí'₂ ta₁.

Chi₂jua'₂ ma₂ŋi'₅₄ líng₅ dsa₂ i₂tsau₂ dsí'₅, cáun₄ a₂tsá₃
'e₂ ca₂qui₁dsag'₂ 'ŋió₃, ton'₂ cag'₅₄ ja₁tsá₃ 'e₂ ca₂jan₃,

23 ¿'E₂ 'uig'₅₄ tsá₃ ca₂i₁tio'₂ banco cu₄ quió₃ jaun₂
ně₃, ia₁jaun₂ jē₁ma₂guáng'₅ la₂, jme₁guéi'₄ lia'₂
jma₃quian'₅₄ a₂tē₁dsi'₅₄?"

24 Jaun₂ ca₂tsí'₃ i₂jme₁tión₂ cau₅: "Jŋiá'₃ 'nia'₂ cu₄
mina a₂chan'₂ i₂ně₅. Cuē'₅₄ i₂'io₅ guia₃."

25 Jaun₂ ca₂juá'₂ 'éi₂: "Gui'₅₄, ma₁ ma₂'io₅ bá₄ i₂ně₅
guia₃ minas."

26 Jaun₂ ca₂ŋag₃ rag₅₄: "A₂dsi₂jó'₃ juig₂ jniá₂ 'nia'₂,
ca₂le₃jín₃ ju₁lia'₂ i₂ma₂le₁'io₅, ŋei₂ guē₄; la₁ i₂tsá₃
'e₂ qui₁dsag'₂, ca₂tē₂ a₂jme₁ma₂niog₅ gu₂, co₂ŋei'₅₄
jŋia'₃.

27 La₁, ju₁lia'₂ dsa₂ i₂'iog₅₄ i₂tsá₃ 'ŋio₂ dsí'₅ gua₅₄
jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂
jme₁dsian'₂ 'nia'₂ ne₃."

Ca₂dsió₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí'₅ dsa₂ le₂ně₅, ca₂'ág₂ táng₃ ne₅₄
ju₁, ca₂uíg₂ tso₄ a₂dsióg₄ Jerusalén.

29 Jme₁ma₂ja₂quian₃ dsióg₄ juig₂ Betfagé quian'₅₄
Betania, a₂te₁'i₁ cau₅ má'₂ chei₂ Olivos, ja₁jaun₂
ca₂chein₃ on₃ chi'₂ dsig₂guia₃-tín₂ quian₅.

30 Ca₂juá'₂:

—O₂nó'₅ 'nia'₂ juig₂ niog₅ 'ŋo'₅₄ ó₃.
Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅
rē₂'ŋe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂
jaun₂ tē'₅₄ ja₁lá₃.

31 Nē₁jua'₂ 'ein₂ ca₂ŋag₃ 'e₂ lē₃ tsiin'₅₄, jaun₂ juig'₅₄:
"Ia₁ 'nió'₅ quió'₅ Te₁gui'₅₄."

32 Ca₂i₃lén₂ bá₄ guè'₂ i₂chen₄ 'éi₂ ně₃. Ca₂lě₃ rě'₂ lia'₂ con'₂ lě₅ jág₁ jaun₂.

33 Jme₁ma₂tioin'₅₄ chéin'₂ bú'₄, ca₂juá'₂ juig₅₄ já'₂:

—ǰ'E₂ 'uig₅₄ tsin'₅₄ 'nia'₂ bú'₄?

34 Jaun₂ ca₂ŋag₃:

—Ia₁ 'niói'₅ quió'₅ Te₁gui'₅₄.

35 Jaun₂ ja₂lein₃ bá₄ te₂ ja'en₅₄ Jesús. Qui₂ca₂dsia₃ tsi'₁mi'₂ mi₂ca'₄ dsi₂bú'₄, jaun₂ guě₄ ca₂dsiain₃ Jesús guei'₅₄.

36 Le₃ne₄ juí₅ ja₁ŋó₄ Jesús, qui₂ca₂já₃ dsa₂ 'mi'₂ le₂i₄ juí₅.

37 Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quiain'₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂ Diú₄ ně₃, o₄quió'₄ ca₂le₃jě₃ juí₅bí₂ a₂ma₂jmo₃ Jesús, a₂qui₂ma₂tě₂ ne₅₄.

38 Ca₂juá'₂:

—jui₁le₂juin'₂ bá₄ Rag₅₄ ně₅ i₂já₅ o₄quió'₄ Te₁gui'₅₄! jui₁'ei₅ bá₄ tei₄ guei'₅₄ i₂juíg₃! jui₁le₂juin'₂ bá₄ Diú₄ le₂tan₅₄ ja₁ŋei₅ ně₃!

39 I₂lin₅₄ dsa₂ fariseos i₂tion'₅₄ jě₄ jaun₂ ca₂juá'₂:

—Tě₅, jén₃ dsa₂ i₂quiang'₅₄.

40 Jaun₂ ca₂ŋag₃ Jesús:

—Juíg₂ jniá₂ 'nia'₂, jua'₅₄ mei'₂ guě₃ dsi₂lén₂ i₂ně₅ tei₄, ni₁cang₁ guě'₂ tó'₃ mi'₅₄.

41 Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂,

42 ca₂juá'₂:

—jui₁lia'₂ bá₄ ŋí'₂ 'au'₂ 'nia'₂ jmig₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rě₂ 'ma₄ jlě₅ le₃ja₁cong'₂.

⁴³ Ia₁ jiá₃ jmi_g₄ ja₁tsá₃ ma'e₂ ŋi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni'₁ia'₂ le₃lág'₃ quián'₂ 'nia'₂, a₂jě₃li'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅.

⁴⁴ Jnúu'₂ dsa₂ 'uě₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá₃ ma'e₂ le₁juí₄ lé₂ ja₁lá₃. Ia₁ tsá₃ ca₂rě₃len'₄ 'nia'₂ lia'₂ con'₂ jmi_g₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Marcos 11:15-19; Juan 2:13-22)

⁴⁵ Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅‡ ja₁jaun₂.

⁴⁶ Ca₂juá'₂:

—Ne₄ Si₂ juá'₂: “Né₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

⁴⁷ Ca₂le₃jě₃ jmi_g₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ juí₅ 'a₂ lia'₂ jnag'₃.

⁴⁸ La₁ tsá₃ dso'₂ guě'₂ juí₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lin₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

‡ **19:45** A₂lin₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.”

§ **19:46** Isaías 56:7. * **19:46** Jeremías 7:11.

1 Co₂ráun₂ jme₁ma₂'en₅₄ Jesús jme₂t_{in}₂₃ dsa₂ jág₁ dse₃ i₁dsi₅ guá'₅ templo, jme₁ca₂dsi₁lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃.

2 Ca₂juá'₂:

—Jmo₄ jág₁ 'e₂ ta₁ líng'₅. ¿Ein₂ ca₂cuē₃ bí₂ 'éi'₃ a₂jmo'₂ le₂ně₅?

3 Jaun₂ ca₂ŋag₃ Jesús, ca₂juá'₂:

—Ján₃ bá₄ ŋag₄ jniá₂ caun₂ jág₁ 'nia'₂:

4 ¿Ein₂ ca₂chen₃ Juan₅₄ a₂o₃choin₃ dsa₂ jmig₂? ¿Ca₂chei₃ Diú₄, o₃ ca₂chei₃ dsa₂ mi₂güig₃ 'e₂? Ŋag₄ de'₂ 'nia'₂ a₂ně₅.

5 Jaun₂ ca₂dsia₃ jág₁ guoin₅₄, ca₂juá'₂:

—Ně₁juá'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón'₅ bá₄ juá'₂: “¿'E₂ guë'₂ lě₃ tsá₃ ca₂rě₃'én'₂ 'nia'₂ jág₁ quió'₅?”

6 Ně₁juá'₂ ca₂ŋag₄ guë'₂ jniog₄ dsa₂ bá₄ i₂ca₂chen₃ 'éi₂, ně₃ cón'₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ jág₁ quián₅ Diú₄.

7 Jaun₂ ca₂ŋag₃:

—Tsá₃ a₂jaun₂ ne₄ jnia'₅₄.

8 Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂j mó'₂ ta₁ ja₁nau₂

(Mateo 21:33-44; Marcos 12:1-11)

9 Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃'ín₃

bá₄ ca₂ηó₃ uě₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅.

10 Jme₁ca₂tě₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂l₁mag₂₃ con'₂ a₂ca₂tín₂ ne₄ dsa₂ i₂jmo₅ ta₁ ja₁nau₂ 'éi₂. La₁ jě₂ bá₄ ca₂cuě₃ tióin'₅₄, ca₂dsióg'₂ lín₃.

11 Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂j móg'₂ táng₃: jñia'₅₄ ca₂tě₂ca₂'o'₂ bá₄ ca₂cuě₃ tióin'₅₄, ca₂dsióg'₂ lín₃ táng₃.

12 Jě₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂j móg'₂ uig₅, ca₂dsei₂₃ tióin'₅₄.

13 'Jaun₂ ca₂juá'₂ juig₅₄ ja₁nau₂: “ǎ'E₂ jmo₅₄ jniá₂ ně₃? Chi'₂ quiáng₃ i₂'nióg₃ guě₄ lín₃ tsing₅₄. 'An₁ jme₃gain₃ bá₄ i₂ně₅.”

14 La₁ jme₁ca₂jág₂ i₂tion'₅₄ jmo₅ ta₁, ca₂quín'₃ jág₁, ca₂juá'₂: “I₂ně₅ bá₄ tin₃ a₂la₂ cang₂. Ně₃ o₁jñí'₄ jniog₄, ia₁jaun₂ jniog₄ bá₄ lé₂ quián₂.”

15 Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ǎ'E₂ bá₄ jmo₃ dsa₂ i₂quió'₅ ja₁nau₂ ně₃, quian'₅₄ dsa₂ 'éi₂?

16 Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ñág₃ ja₁nau₂ quió'₅.

Jme₁ca₂nág₂ dsa₂ jág₁ ně₅, ca₂juá'₂:

—iTsá₃ juí₁le₅₄ le₂ně₅!

17 Jaun₂ ca₂jág₂ Jesús, jaun₂ ca₂juá'₂:

—ǎ'E₂ guě'₂ 'nió'₄ jein₅ jág₁ ja₁juá'₂ ne₄ Si₂?

N₁cang₁ a₂tsá₃ ca₂rě₃ji'₅₄ tě₅'ia'₂,

ca₂dsióg₃ ca₂lě₃ n₁cang₁ a₂dsen₅₄ guě₄

tě₁ron₅₄ qui'₅₄ 'ia'₂. *

* 20:17 Salmo 118:22.

18 Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁
le₁dsog'₅₄ quió'₅; ně₁jua'₂ ni₁cang₁ guē'₂ ně₃ ca₂tá'₂
ne₄ quió'₅, lé₂ 'liog₂.

19 Dsi₂jui₅ jaun₂ jme₁'nio₃ juig₅₄ jme₂dsa₂, tē₅juá'₅
ně₃, jme₁tsáun'₂, ia₁ ca₂rē₃lí'₄ a₂'in₅ 'éi₂ bá₄ Jesús,
a₂ca₂juá'₂ jág₁ jáng'₅ léi₄ jaun₂.† La₁ dsa₂ juig₂ bá₄
ca₂rē₃gain₃.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄

(Mateo 21:45-46; 22:15-22; Marcos 12:12-17)

20 Cón'₂ ca₂chein₃ dsa₂ i₂ñia'₅₄ con'₂ tiog₅, tsá₃
jme₂li₅₄, jmo₂₃ a₂lín₅ dsa₂ dsen₃, jme₁'no'₂ jui₅ 'a₂
lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃
Jesús. Jaun₂ jme₁dsi₁jáng'₂ ne₄ bí₂ 'éi'₃ a₂'io₅
dsi₁má'₂.

21 Jaun₂ ca₂ñí'₃ Jesús jág₁ la₂:

—Tē₅, ne₄ ñia'₅₄ dsón'₂ bá₄ lia'₂ tí₅ jág₁ jme₂tíng'₁
dsa₂, tsá₃ jua'₅₄ jma₃quén₅ jing'₅₄ dsa₂; jme₂tíng'₁
dsa₂ con'₂ lē₅ jui₅ tí₅ quió'₅ Diú₄.

22 Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César,
o₃ tsá₃ qui₅₄ 'e₂?

23 La₁ ca₂rē₃lí'₄ bá₄ Jesús mai₅₄ quió'₅ dsa₂ 'éi₂.
Jaun₂ ca₂ñag₃:‡

24 —'Ě₄ de'₂ 'nia'₂ caun₂ cu₄ 'ua'₂.§ ¿'Ein₂ quió'₅
nió'₄ chí₁ton₅? ¿'A₂ lia'₂ chein₂ juá'₂ letras tio'₅₄ ně₅?

25 —Quió'₅ gui'₅₄ emperador César bá₄ —juá'₂
jaun₂ ně₃.

Jaun₂ guē₄ ca₂juá'₂ Jesús:

† 20:19 'Nio'₂ ja₁ton₅ Isaías 5:7. ‡ 20:23 A₂lín₅₄ chog₅₄ si₂ chí₁ton₅
ján₃: “¿'E₂ lē₃ cáun'₂ táu₂ 'nia'₂ ñiá₂?” § 20:24 griego: denario.

—Jang'⁵⁴ guë'² 'nia'² jaun₂ ně₃, ne₄ César con'²
a₂ca₂tín₂ César; ne₄ Diú₄ ně₃ jang'⁵⁴ 'nia'² con'²
a₂ca₂tín₂ Diú₄.

²⁶ Jaun₂ tsá₃ ca₂tió'³ jua'⁵⁴ a₂jo₅₄ quian'⁵⁴ jág₁
të₃jë₄ jág₅ dsa₂ jaun₂. Të₂le₃ ca₂i₃gó'³ dsí₅ bá₄ jág₁
a₂ca₂jéin'³ Jesús; tei₄ bá₄ co₂nei'⁵⁴ ca₂i₃léin₂.

Ca₂ḡag₃ dsa₂ saduceos ju_ilia'² a₂jen'⁵⁴ 'lag₄

(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lin₅₄ dsa₂ saduceos,
i₂jme₂tag₅ a₂tsá₃ jen'⁵⁴ 'lag₄, ca₂o₃ḡag₅₄:

²⁸ —Të₅, ca₂quiog₂ Moisés si₂ a₂juá'², ně₁jua'²
ca₂jon₃ jan₂ dsa₂ ḡe'² të₃ tsá₃ ca₂can₃ 'io₅₄ quián₅
guein₂, tion₅₄ 'nió'⁵ jén'² gu₂ dsó₂ rin'⁵⁴ dsa₂ ḡe'²
i₂ca₂jon₃ quian'⁵⁴ 'io₅₄ 'nág₂ 'éi₂, ia₁jaun₂ guein₂
i₂le₃chan₂ quián₅, lé₂ co₂'nió'⁴ tsi₁jon₂ 'lag₄ riin'⁵⁴.

²⁹ Jaun₂ ně₃, jme₁chan₂ guion₃ dsa₂ ḡe'² i₂jme₁lë₄
rin'⁵⁴. Ca₂jen'² gu₂ i₂le₂'uig₅₄, la₁ ca₂join₃ bá₄ të₃ tsá₃
guein₂ ca₂can₃ 'io₅₄ quián₅.

³⁰ Jaun₂ ca₂caun₃ táng₃ i₂ca₂të₂ on₃,*

³¹ le₂jaun₂ bá₄ i₂ca₂të₂ ún₂ ně₃, ca₂cain₃ 'io₅₄ 'éi₂.
Le₂jaun₂ bá₄ ca₂lë₃ quian'⁵⁴ ta₁guion₃. Ca₂dsain₃
bá₄; 'i₁jan₂ guein₂ tsá₃ ca₂can₃ 'io₅₄.

³² Jë₁ca₂tó'², ca₂jon₃ bá₄ 'io₅₄ ján₃.

³³ Jaun₂ ně₃, jmig₄ jë₁ma₂të₂ rë₁jen'⁵⁴ 'lag₄, ç²ein₂
bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'² dsa₂
ḡe'² i₂ca₂guá₂ quiain'⁵⁴.

³⁴ Jaun₂ ca₂ḡag₃ Jesús:

—Dsa₂ i₂chan₂ ne₄ gua'⁵⁴ 'uë₃ jmig₄ ně₃, tiain'⁵⁴
qui₂jéin'² gu₂, qui₂jéin'² gu₂ chi'² quián₅ ně₃.

* **20:30** A₂lin₅₄ chog₅₄ si₂: “ca₂caun₃ táng₃ i₂ca₂të₂ on₃, la₁ ján₃ bá₄
le₂jaun₂ ca₂join₃, tsá₃ guein₂ ca₂can₃ 'io₅₄.”

35 La₁ i₂ca₂tín₂ t́n' ₄ ja₁tiain' ₃ mi₂güí₃ caun₂, i₂tín₅₄ jen' ₅₄ ja₁jme₁rē₂'lín₅₄, ja₁jaun₂ guē₄ tsá₃ ma₃'ein₂ jén'₂ gu₂, on₃ guē₄ qui₃jén'₂ guē₄ gu₂ chi'₂ quiáin₅.

36 Ia₁ tsá₃ ma₂'ein₂ lé₂ dsián₃. Ja₁jaun₂ ma₂lén₂ ju₁lia'₂ lín₅ ángeles, lén₂ jaun₅ Diú₄, ia₁ ma₂ca₂rē₃cháin₃ táng₃.

37 La₁ ju₁lia'₂ a₂jen'₅₄ 'lag₄, ca₂tē₂ Moisés ca₂cuē₃ léi₄ jme₁ca₂tó'₂ ne₄ Si₂ a₂ca₂lē₃ quian'₅₄ ni'₁ma₂taun₅, ja₁juá'₂ 'iín₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.”

38 Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

39 Jaun₂ ca₂ḡag₃ i₂lín₅₄ tē₅juá'₅:

—Tē₅, 'ḡio₅ jlá'₁ jág₁ quiáng'₂.

40 Tsá₃ ma₃ca₂tiá₃ dsí₅ jua'₅₄ a₂ḡag₃ guē₄ 'e₂ ḡag₃.

*¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?
(Mateo 22:41-46; Marcos 12:35-37)*

41 Ca₂juá'₂ Jesús ca₂tsí'₃ dsa₂:

—¿'A₂ lia'₂ lě₅ ně₃ a₂juá'₂ dsa₂ a₂lín₅ tsi₁jon₂ David I₂rē₂'ín₁ quián₅ Diú₄?

42 Jua'₂ 'ḡiog₅ bá₄ guē'₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

43 ca₂lia'₂ ca₂tē₂ jmí₄

a₂tón'₄ jniá₂ dsa₂ i₂'iog₅₄ o₄tag'₄.”†

44 Chi₂jua'₂ le₂nē₅ juá'₂ David tē₂ Te₁gui'₅₄, ¿'a₂ bá₄ lia'₂ lě₅ jaun₂ a₂juá'₂ lín₅ jaun₅ 'éi₂?

† 20:43 Salmo 110:1.

Jme₂ cáun'₂ Jesús quió'₅ të₅juá'₅
(Mateo 23:1-36; Marcos 12:38-40; Lucas 11:37-54)

⁴⁵ Të₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quiain'₅₄ le₂la₂:

⁴⁶ —Te₃ñi'₅₄ 'nia'₂ quian'₅₄ të₅juá'₅, ia₁ 'ñio₅ 'ñio₂ dsí₅ i₂nioi'₅₄ jláin'₁ le₁qui'₂ tsi'₁'mi'₂ chen'₅₄ jang₄; të₅ dsí₅ qui₂cuag₃ dsa₂ Diú₄ jui₁lia'₂ jë₄ 'ma'₅₄, jmá'₃ lia'₂ ne₄ 'ma₂si'₅₄ dsen'₅₄ bá₄ 'no'₂ tiain'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmig₄ ně₃.

⁴⁷ Qui₂jñiá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén'₂ Diú₄ uě₂. Tson₂ guě₄ uig₅ 'ě₂ Diú₄ quió'₅ i₂le₂ně₅.

21

Ca₂tó'₂ 'io₅₄ 'nág₂ te₂ñé₂ cu₄ quió'₅
(Marcos 12:41-44)

¹ Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ñió'₃ tsi₁gu₅ ja₁tio'₅₄ ofrendas.

² Jaun₂ ca₂jín₂ táng₃ jan₂ 'io₅₄ 'nág₂ te₂ñé₂ ca₂tó'₂ tin₃ ñí₁ guéin₂.*

³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ñé₂ ně₅ lia'₂ con'₂ guě₄ ca₂le₃jín₃ i₂ma₂ně₂tió'₂.

⁴ Ia₁ 'éi₂ ně₃, cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃; dsa₂ mí₂ ně₅ ně₃, ně₂cuě₃ ca₂le₃jě₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guě'₃.

* 21:2 lit. “tin₃ ñí₁ lepta.”

*A₂dsi₃'én₂ bá₄ guá'₅, jág₁ 'ě₂ Jesús
(Mateo 24:1-2; Marcos 13:1-2)*

⁵ I₂lin₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅
templo, ia₁ a₂ŋí₄ lě₃ jlá'₁ ni₁cang₁ a₂le₁juí₄, ca₂le₃jě₃
guě₄ a₂jlá'₁ tio'₅₄ a₂qui₂ma₂cuě₃ dsa₂ co₂'nió'₄ ofren-
das. Jaun₂ ca₂juá'₂ Jesús:

⁶ —Ca₂le₃jě₃ a₂jág'₂ 'nia'₂ tíong'₂ ně₅, já₅ caun₂
jmig₄ jě₁dsi₃'én₂, tsá₃ ma₃'e₂ ni₁cang₁ te₂'ŋiá₄ jua'₅₄
a₂le₁juí₄ guě₄ lé₂.

*Léi₄ a₂le₃cha₂ jmig₄ jě₁ca₂tó'₂
(Mateo 24:3-28; Marcos 13:3-23)*

⁷ Jaun₂ ca₂ŋag₃ dsa₂ ně₃:

—Tě₅, ĺlíg'₂ jaun₂ lé₂ a₂ně₅? ĺ'E₂ bá₄ léi₄ le₃cha₂
jě₁ma₂ja₂quián₃ lé₂ a₂jaun₂?

⁸ Jaun₂ ca₂ŋag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅
dsa₂. Ia₁ i₂juin₅ lin₃ i₂tě₁₃nio₄ i₂juá'₂ i₂noi₅₄
o₄quió₃ jniá₂, a₂juá'₂ ně₃: “Jniá₂ bá₄ 'éi₂”; juá'₂ ján₃:
“Ma₂ja₂quián₃ jmig₄ jaun₂”. La₁ tsá₃ i₂o₂nó'₅ 'nia'₂
chi₁co'₅₄ quió'₅.

⁹ Ia₁ jě₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃
dsa₂ mi'₅₄ ně₃, tsá₃ tón'₁ 'nia'₂ go₂'i₃, ia₁ le₂jaun₂ de'₂
jnjá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅
jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quiín'₂
quian'₅₄ juig₂ siá'₂; jme₃'uán'₃ dsa₂ ca₂taun₂
ca₂taun₂.

¹¹ Qui₂dsi₃bi₅₄ 'uě₃ tiá₂, jiá₃ 'on₅₄ dsa₂ ca₂le₂con₂, 'í₂
jmi₁uig₅ ně₃; jnia₅₄ gau₂ dsi₁ guei'₅₄, 'lióng₂ léi₄ ca'₅₄
qui₂le₃jniá₂.

12 La₁ né'₃ a₂lé₂ ca₂le₃jě₃ a₂ně₅, qui₃tsán'₂ dsa₂
'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃
dsi₂tan₅₄ quián₅ guá'₅ sinagoga, jaun₂ guě₄ to'₂
né'₃ 'má₃. Dsi₁jó₂ ne₄ rag₅₄ ne₄ dsi₄má'₂ ně₃ 'ui₅g₅₄
quió₃ jniá₂.

13 Ja₁jaun₂ cui₃n₃ jmig₄ a₂jang'₅₄ 'nia'₂ já₁g₁ dsau₅
a₂'ág'₄ jniá₂.

14 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂
tě₃jniá₅ 'a₂ lia'₂ long'₅₄,

15 ia₁ 'nió₃ bá₄ jniá₂ cuě₅₄ já₁g₁ a₂ting'₂ a₂ŋi'₅₄ 'nia'₂
'a₂ lia'₂ ŋag'₅₄, ca₂lia'₂ jniá'₅₄ tsá₃ ma₃'e₂ ŋi₅ ŋag₃
ca₂le₃jín₃ dsa₂ i₂'iog₅₄ 'éi₂.

16 Ca₂tě₂ chog'₂-ŋéi'₅ 'nia'₂ qui₃já₁ng'₂, ca₂tě₂ chi'₂
rín₁g'₂, o₁rín₁g'₂, a₂mei₅₄ quiáng'₂ ně₃. I₂lin₅₄ 'nia'₂
jme₃dsiog₅ dsa₂.

17 Ca₂le₂con₂ bá₄ jme₃'ŋia₅₄ dsa₂ 'nia'₂ o₄quió₃
jniá₂.

18 La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jniá'₅₄
'i₁ca₂mi'₂ jni₂ dsei'₂ 'nia'₂ tsá₃ dsi₃'én₂.

19 Ně₁jua'₂ ca₂nau'₂ 'nia'₂ tiá₂, dsi₁no'₃ 'nia'₂ tín'₄
jme₂dsí₂ quiáng'₂.

20 'Jě₁ma₂ca₂jag'₅₄ 'nia'₂ ma₂le₁lio₃ 'lióg₂
le₃lág'₃ juig₂ Jerusalén, jaun₂ guě₄ le₃len'₅₄ 'nia'₂
ma₂ja₂quián₃ 'én₂.

21 Dsa₂ i₂tián'₅ 'uě₃ Judea jmig₄ jaun₂, ju₁i₁cuing₁₂
le₃má'₂; i₂tián'₅ jě₄ juig₂ guě'₂ ně₃, ju₁i₁'u₁in₂; ju₁i₁lia'₂
i₂tion'₅₄ ja₁nau₂ guě'₂, tsá₃ ma₃ju₁ja₂lein₅.

22 Ia₁ lé₂ jmig₄ a₂le₃chan₂ dsa₂ gue₃ jm₁ui₅g₅ 'ŋio₅
lin₃, a₂le₃ti₃ ca₂le₃jě₃ lia'₂ con'₂ lě₅ juá'₂ ne₄ Si₂.

23 juig₂ ju₁lia'₂ dsa₂ mí₂ i₂le₁quian₅ guein₂,
ju₁lia'₂ i₂chan₂ guein₂ bě'₅₄ i₂'ín'₂ dsi'₅₄ quió'₅ ně₃,

jmig₄ jaun₂! Ia₁ go₂l₃ 'ŋio₅ lín₃ tēs₃tsi'₅₄ gua'₅₄ 'uē₃,
a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂;

²⁴ ia₁ dsi₃gan'₅₄ i₂dsián₃ quian'₅₄ ŋi₁tág₂; i₂lín₅₄
guē'₂ qui₃tē₂ dsa₂ le₁'ŋei'₅₄ ca₂le₂con₂ go₄ dsi₂nau₂.
Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂
ca₂dsin₃ jmig₄ quió'₅ dsi₂nau₂ a₂'i₄ 'éi'₃ tóin'₃ goin₂.

'A₂ lia'₂ lé₂ i₁ŋjió'₂ Jaun₅ dsa₂ mi₂güig₃

(Mateo 24:29-35, 42—44; Marcos 13:24-37)

²⁵ 'Jmig₄ jaun₂ lé₂ léi₄ tē₂le₃ quian'₅₄ 'iog₂, tsi'₂, nei₅
ně₃. Ta₁caun₂ gua'₅₄ 'uē₃ tón'₃ dsa₂ tiá'₃ qui'₂ dsí₅, tsá₃
a₂ŋi₅ jmo₃, jmi₁ŋí'₄ guē'₂ ně₃ lé₂ gau₂ qui₃iná'₃.

²⁶ Tón'₃ dsa₂ qui₃nei'₂ a₂le₃gó'₃, 'i₅ dsí₅ ne₄ ca₂le₃jě₃
'e₂ niog₅ lé₂ mi₂güig₃. Ia₁ ca₂tē₂ jui₅bí₂ a₂cha₂ guei'₅₄
mi₂güig₃ qui₃quian'₃.

²⁷ Jaun₂ guē₄ jín₂ dsa₂ Jaun₅ dsa₂ mi₂güig₃ jiá₃ jē₄
jnei₅ a₂'uain'₂ a₂jlán'₁ 'ŋio₅ lín₃.

²⁸ Jē₁ma₂ca₂rē₃lióg₃ lē₂ a₂ně₅, quen'₂ 'nia'₂ bí₂,
'a₃ jlian₅₄ 'nia'₂, † ia₁ ja₃quián₂ jmig₄ a₂lión'₂ 'nia'₂
co₂ŋei'₅₄.

²⁹ Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ŋí₂ 'nia'₂ jui₁lia'₂ lē₂ quian'₅₄ ni₁'ma₂ higuera,
jui₁'e₂ guē₃ ni₁'ma₂ siá'₂ ně₃;

³⁰ jē₁ma₂ca₂ne'₅₄ mog'₅₄, cáun'₂ 'nia'₂ 'í₂ guiong'₅₄
a₂ja₂quián₃ jein'₂ 'iog₂ bá₄ jaun₂.

³¹ Ján₃ bá₄ le₂ně₅, jē₁ma₂tē₂ ne'₅₄ 'nia'₂ lē₂ ca₂le₃jě₃
a₂ně₅, le₃ŋi'₅₄ 'nia'₂ a₂ma₂ja₂quián₃ le₃gon₂ Diú₄.

³² A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ŋi₂
tsi₁jon₂ jmig₄ ně₃, ‡ ca₂lia'₂ ca₂lě₃ ca₂le₃jě₃ a₂ně₅.

† 21:28 lit. “nau₂ 'nia'₂ chog'₅₄ ne'₅₄.”

‡ 21:32 O₃, “né'₃ a₂dsián₃
dsa₂ i₂lín₅ raza la₂.”

33 Dsi₃ŋí₂ guei'₅₄ mi₂güí₃ quian'₅₄ gua'₅₄ 'uë₃, la₁ já₁ quió₃ ně₃, o₁lí₂g' tsá₃ dsi₃ŋí₂ jua'₅₄ tsá₃ le₃ti₃.

34 'Të₃ŋí'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂'i₅ 'au'₂ a₂chang'₂ mi₂güí₃ la₂, con'₂ tsá₃ ŋó₅ ně₁jua'₂ ca₂jo₃ jmig₄ jaun₂ 'nia'₂ co₂tiá₂.

35 Jui₁lia'₂ ja₁ta'₂ caun₂ tsi₁liá'₂ bá₄ lé₂ jmig₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uë₃.

36 Jaun₂ chan'₂ 'nia'₂ rë₂jáng'₁, chi₁leng'₄ Diú₄ ca₂le₃jě₃ jmig₄, ia₁jaun₂ bá₄ quin'₅₄ 'nia'₂ jmig₄ líóng'₂ ne₄ ca₂le₃jě₃ a₂niog₅ lé₂ ně₅, ia₁jaun₂ dsi₁nóg'₅ tē₃tsing'₅₄ ne₄ Jaun₅ dsa₂ mi₂güí₃.

37 Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá'₅ templo, jë₁ma₂ca₂nei₂ dsó₅ dsi₂jŋia₅₄ má'₂ ja₁chei₂ Olivos.

38 Ca₂le₃jín₃ bá₄ dsa₂ jme₁ja₂léin₂ të₂ o₃'iog₂ i₁dsi₅ guá'₅ a₂ja₂néi₃ já₁g₁ a₂cuë₂₃.

22

*Ca₂jmo₃ dsa₂ já₁ a₂tsáin'₂ Jesús
(Mateo 26:1-5, 14–16; Marcos 14:1-2, 10–11;
Juan 11:45-53)*

1 Jme₁ma₂ja₂quián₃ jmig₄ quió'₅ i₁ŋí'₄ a₂tsá₃ levadura rë₂jŋia₅, a₂chei₂ Jmig₄ Të₂'in₅₄.

2 Jaun₂ qui₂ca₂'náu'₃ dsí₅ juig₅₄ jme₂dsa₂, të₅juá'₅ ně₃, 'a₂ lia'₂ cuin₃ jmig₄ jŋag'₃, ia₁ a₂gain₃ dsa₂ juig₂ bá₄.

3 Jaun₂ ca₂'í₃ Satanás dsí₅ Judas, i₂tě'₂ Iscariote, i₂jme₁lín₄ jan₂ dsa₂ i₂guia₃-tín₂.

4 Judas 'éi₂ ně₃ ca₂ŋei₅₄ ca₂l₁jmo₅₄ jág₁ quian'₅₄ juig₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo ně₃, 'a₂ lia'₂ jáng'₂ jín'₂ Jesús o₄gú₃.

5 Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuë₃ cu₄.

6 Jaun₂ ca₂cuë₃ Judas jág₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quaiin'₅₄.

Má₃ jë₁ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

7 Ca₂të₂ jme₁ca₂të₂ jmig₄ quió'₅ i₁ŋí'₄ a₂tsá₃ levadura rë₂jña₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig₄ Të₂'in₅₄.

8 Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂jña₅₄ má₃ quián₂ jniog₄ a₂que₅₄ Jmig₄ Të₂'in₅₄.

9 Jaun₂ ca₂ŋag₃ 'éi₂:

—¿A₂já'₄ 'niog'₂ dsi₁jmó₁ jnia'₅₄ co₂jña₅₄?

10 Jaun₂ ca₂juá'₂:

—Jë₁ma₂dsi₃nó'₅ 'nia'₂ jë₄ juig₂, jme₃jein'₂ jan₂ dsa₂ ŋe'₂ i₂ŋá'₅ quion₂ caun₂ ni₁dsig₁ 'a₄ jmig₂. O₁'éin'₃ 'nia'₂ ca₂të₂ dsi₂néi₂ ja₁'í₂.

11 Jaun₂ juig'₅₄ 'nia'₂ dsa₂ juig₅₄ dsi₂néi₂: “Le₂la₂ juá'₂ Të₅ tsí'₅ 'ne₂: ¿Na₂ bá₄ dsi₂néi₂ ja₁guë'₅₄ má₃ quió'₅ Jmig₄ Të₂'in₅₄ quiang'₅₄ chi'₂ dsi₂guia₃-tín₂ quiáng₃?”

12 Jaun₂ 'ë₃ caun₂ ja₁lë₄ dsi₂néi₂ juë'₂ guei'₅₄ ja₁ma₂lë₅ co₂jña₅₄ quió'₅. Ja₁jaun₂ jmo₄ co₂jña₅₄.

13 Jaun₂ ca₂i₃lén₂ bá₄ 'éi₂ ně₃. Ca₂lě₃ rě'₂ lia'₂ con'₂ lě₅ jág₁ jaun₂. Ja₁jaun₂ ca₂jmo₃ má₃ quió'₅ jmig₄.

14 Jme₁ca₂tě₂ hora jaun₂, ca₂guá₂ Jesús ne₄ mesa, quiain'₅₄ chi'₂ dsi₂guia₃-tín₂* quiáin₅.

15 Jaun₂ ca₂tsí'₃ 'éi₂:

—iLíg'₂ bá₄ 'ín₅ dsi₃ guě'₅₄ má₃ Jmig₄ Tě₂in₅₄ la₂ quian'₅₄ 'nia'₂, né'₃ a₂dsi₃ŋíg₂ uig₅!

16 Ia₁juá'₅ jniá₂ juíg₂ 'nia'₂, tsá₃ ma₃líg'₂ jmig₄ jua'₅₄ guě'₅₄ guě₄ má₃ le₂la₂ ca₂lia'₂ ca₂tě₂ jmig₄ i₁le₃ti₃ ja₁gon₂ Diú₄.

17 Jaun₂ ca₂tín₂ copa, ca₂cuě'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsióg₁ jin₄ ríng'₂.

18 Ia₁juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ guě₄ jmi'₅₄ míg₂ uvas le₂la₂, ca₂lia'₂ ca₂tě₂ jmig₄ i₁le₃ti₃ ja₁gon₂ Diú₄.

19 Jaun₂ ca₂tín₂ táng₃ caun₂ i₁ŋí'₄, ca₂cuě'₃ ti₁'mag'₄ Diú₄. Jaun₂ ca₂'niai₃ ca₂cuě'₃ 'éi₂, ca₂juá'₂:

—Ŋi₃ bá₄ jniá₂ i₁ŋí'₄ la₂, a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

20 Ján₃ bá₄ le₂ně₅, jme₁ma₂ca₂lě₃ guě'₅ i₁ŋí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lě₅ jág₁ 'mí₂ a₂tě₃ron₅₄, a₂li'₅₄ tě₂le₃ quian'₅₄ jmí₃ a₂dsi₃'o₅₄ o₄quián'₂ 'nia'₂.‡

21 'La₁ ně₃ ně₃, ne₄ mesa la₂ guá₅ quian'₅₄ jniá₂ i₂jáng'₂.

* **22:14** griego: apóstolous (dsa₂ i₂chen₄). † **22:19** A₂lin₅₄ chog₅₄ si₂ tsá₃ chi₁ton₅ “a₂ma₂rě₂jang'₅₄ o₄quián'₂ 'nia'₂, Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guě'₂ versículo 20. ‡ **22:20** 'Nio'₂ ja₁ton₅ Éxodo 24:8.

22 Dsón'₂ bá₄ 'en₅₄ jui₅ Jaun₅ dsa₂ mi₂güig₃ dsióg₄ ja₁'ein₅₄ 'éi'₃ dsióg₄, la₁ |'e₂ gué₄ juíg₂ dsa₂ i₂jáng'₂!

23 Jaun₂ ca₂jme₃lióg₃ tsi₂ca₂jín₂ quiaín'₅₄ riin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsín₂ o₄quió'₄ 'ein₂ i₂lén₂ i₂dsen₅₄ gué₄

24 Ján₃ bá₄ ca₂lě₃ mi'₅₄ jě₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ gué₄.

25 Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tain'₂₃ goin₂ jmo₂₃ 'éi'₃ lia'₂ lě₂ dsí₅. Le₂jaun₂ gué'₂ i₂le₁'io₅ 'éi'₃ i₂le₁'ín₁ quiaín₅, 'ag₅ dsa₂ a₂lín₅ dsa₂ i₂jmo₅ a₂dse₃.

26 La₁ tsá₃ le₂jaun₂ lé₂ quian'₅₄ 'nia'₂. Ju₁lia'₂ i₂can'₅₄ jě₄ quián'₂ 'nia'₂, ju₁jmo₁₂ mei'₂. Le₂jaun₂ gué'₂ i₂cán₂ ne₄ ju₁₅, ju₁jmo₁₂ ně₂jag₄ bá₄ i₂jme₂ti₃.

27 Jaun₂ ně₃, ¿'ein₂ i₂dsen₅₄ gué₄: i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄? La₁ jniá₂ 'eng₅₄ jě₄ quián'₂ 'nia'₂, líng₅ jan₂ i₂jme₂ti₃.

28 'Nia'₂ gué'₂ líng'₅ i₂ma₂ja₂nóg'₅ quiong'₅₄ jniá₂ jě₄ uig₅ a₂qui₂ma₂i₂njíg₂.

29 'Uig₅₄ ně₅ ně₃, dsián₄ jniá₂ 'nia'₂ ja₁o₁tiáng'₂ gong'₂, ju₁lia'₂ ma₂dsiog₃ Ne'₃ jniá₂,

30 ia₁jaun₂ o₁qué'₂ o₁én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂ 'éi'₃ quió'₅ ta₁gua₃-tín₂ nió'₃ tsi₁jon₂ dsa₂ juig₂ Israel.

Ni₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

31 Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂sě₃dsen₃ ma₂ně₂mag₃ 'ñiái'₂ 'nia'₂ lia'₂ ja₁'ñiá'₂ dsa₂ trigo,

32 la₁ jniá₂ ma₂ně₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ ně₃, jě₁ma₂ca₂jéin'₃ táng₃ 'au'₂, cuë'₅₄ bí₂ ríng'₂.

33 Jaun₂ 'éi₂ ně₃ ca₂ŋag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lě₅ quian'₅₄ 'ne₂, o₁ŋia'₅₄ 'mú₃ ca₂quín₂.

34 Jaun₂ ca₂ŋag₃ Jesús:

—Pe₄, jniá₂ guë'₂ juá'₅, tsá₃ 'o₃ tē₁guí₄ dsó₂ ně₃, ca₂lia'₂ ma₂ně₂juá'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá₂.

Ma₂ja₂quián₃ hora gue₃ Jesús uig₅

35 Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ guë'₂ tē₂lau₂, on₃ guë'₂ ni₁lau₂ ton₅ tag'₅₄ ně₃, ċcha₁ a₂ca₂rě₃'nió'₅ quián'₂ 'nia'₂?

'Éi₂ ně₃, ca₂ŋag₃:

—'I₁caun₂ tsá₃ ca₂rě₃'nió'₅.

36 Jaun₂ ca₂juá'₂ táng₃:

—Ně₃ guë'₄ ně₃ i₂'io₅ tsi₁na'₅₄, tē₂lau₂ ně₃ jui₁quian₅₄. I₂tsá₃ 'io₅ ŋi₁tág₂ ně₃, o₁'nag₁₂ mi₂dsióg₂ quió'₅ ia₁jaun₂ lá₃ ŋi₁tág₂.

37 Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂ ne₄ Si₂ le₂la₂: “Nó₃ jě₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ ně₂jag₄ bá₄ a₂rě₂cáin'₄ dso₄ ján₃.”§ Ia₁ ca₂le₃jě₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

38 Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tin₃ ŋi₁tág₂.

Jaun₂ ca₂ŋag₃ táng₃:

—Tió'₅ bá₄ ně₅.

§ 22:37 Isaías 53:12.

*Ca₂chi₂lén'₂ Jesús Diú₄ caun₂ ja₁chei₂ Getsemaní
(Mateo 26:36-46; Marcos 14:32-42)*

³⁹ Jaun₂ guě₄ ně₃ o₂'iín₃ ηó₃ jui₅ Má'₂ Olivos, ia₁ le₂jaun₂ tīn₂ bá₄. Jaun₂ ca₂l₃lén₂ chi'₂ dsi₂guia₃-tín₂ quióng'₅₄.

⁴⁰ Jme₁ca₂dsiog₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂cáun₂ táu₂.

⁴¹ Jaun₂ ca₂ηó₃ Jesús 'ηiog₅ uíng₂ con'₂ ja₁tág'₅ ca₂míg₂ nīcang₁ a₂táun₂ dsa₂. Ja₁jaun₂ ca₂chi₃jné₃ ca₂chi₃lén'₂ Diú₄.

⁴² Ca₂juá'₂:

—Tia₅₄, ζtsa₁ cuín₅ jmíg₄ jñiá'₄ uig₅ dsi₃ηíg₂ la?₂ La₁ia₁, jui₁le₅₄ bá₄ a₂'ηio₂ 'au'₂ 'ne₂, on₃jua'₅₄ con'₂ 'nio₃ jñiá₂.

⁴³ Jaun₂ ca₂jme₃jnia₅ jan₂ ángel ne₅₄, i₂ca₂sión₃ jui₅ guei'₅₄ i₂juíg₃, a₂ca₂cuě₃ bí₂.

⁴⁴ Hora jaun₂ ca₂ηág₃ uig₅ 'ηio₅ lín₃, jaun₂ tē₂le₃ lē₅ guě₄ ca₂chi₃lén'₂ Diú₄; ca₂tein₃ jme₁dsiog₂ ně₂jag₄ bá₄ jmi₂ qui₂ca₂dsá₂ tē₂ 'uē₃.*

⁴⁵ Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁ le₁güín₃ bá₄ 'éi₂ tián'₅ ca₂jo₃, 'uig₅₄ ia₁ a₂ηí₄ lē₃ 'lia'₂ dsí₅.

⁴⁶ Jaun₂ ca₂juá'₂:

—ζ'E₂ lē₃ le₁güín'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

* **22:44** A₂lín₅₄ chog₅₄ si₂ tsá₃ chi₁ton₅ versículos 43 quian'₅₄ 44.

47 Të₃jë₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂tě'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁në₅ bá₄ jing'₅₄ Jaun₅ dsa₂ mi₂güí₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lě₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ñi₁tág₂?

50 Jan₂ 'éi₂ ně₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂ñiá'₂ rě₂gua₅₄ ne₁.

51 Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rě₂gua₄ 'éi₂, ca₂jme₃lió₂.

52 Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ ně₃ i₂dsi₃lén₂ tsáun'₂:

—¿'E₂? ¿Jui₁lia'₂ jě₁tsán'₂ dsa₂ 'ang₂ ja₂nóg'₅ qui₂le₁quian'₄ ñi₁tág₂, 'ma₂ ně₃?

53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ ně₃ guě₄, 'au'₂ 'nia'₂ bí₂ tiá'₂ 'au'₂ jmó'₂, ně₃ lia'₂ chí'₅ qui₁né'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69-75; Marcos 14:53-54, 66-72; Juan 18:12-18, 25-27)

54 Jme₁ma₂ně₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ ně₃, uing₂ bá₄ tě₂quín₃ ñó₃ 'ein₂₃.

55 Dsa₂ 'éi₂ ně₃, ca₂dsia₃ si₂ i₁dsi₅, ca₂tián'₂ le₃lág'₃ cau₅ si₂; jě₄ jaun₂ ca₂guá'₂ Pe₄ ján₃.

† 22:47 Jme₁tin₂ quió'₅ dsa₂ judíos a₂chen'₂ jú'₅ riin'₅₄ jě₁cuag₃ Diú₄.

56 Të₃jë₄ jaun₂, ca₂rë₃lí₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂. Caun₂ ca₂jág₂ tiá₂, ca₂juá'₂:

—Ján₃ bá₄ jme₁quiain'₅₄ i₂në₅.

57 La₁ 'éi₂ ně₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá₂, 'ne₂ 'io₅₄.

58 Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quiain'₅₄ 'ne₂ ján₃, ¿lia'₅₄?

—Jan₂ 'ón₄. Tsá₃ dsa₂ 'éi₂ jme₁quian'₄ jniá₂, 'ne₂.

59 Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Të₃dsón'₂ jan₂ i₂jme₁quiain'₅₄ bá₄ ně₅, ia₁ Galilea bá₄ ja₁chain₂.

60 Jaun₂ ca₂juá'₂ táng₃ Pe₄:

—Të₃dsón'₂ rë'₂ juá'₅ jniá₂ la₂, ca₂lia'₂ jnia'₅₄ tsá₃ cúng₅ 'ein₂ 'éi₂ 'ín'₅ 'nia'₂.

Të₃jë₄ dsia₂₃ jág₁ jaun₂ jme₁ca₂'o₃ të₁guí₄ dsó₂.

61 Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂në₂juá'₂ le₂jnia₅: “Tsá₃ 'o₃ të₁guí₄ dsó₂ ně₃, ca₂lia'₂ ma₂në₂jua'₅₄ 'ne₂ 'ni₅ ráun₂, a₂tsá₃ tóng'₄ a₂cui_g'₂ jniá₂.”

62 Jaun₂ ca₂o₃ 'ín₃ ca₂tá'₂ qui'₂ dsí₅, ca₂'o₃ 'ñio₅ lin₃.‡

A₂lë₁qui₂co₂jma'₂ dsa₂ Jesús

(Mateo 26:67-68; Marcos 14:65)

63 Dsa₂ i₂niog₅ jmo₅ 'í₁ Jesús ně₃, a₂lë₁qui₂co₂jmog'₂ tioin'₅₄, ca₂cuë₃ ně₃.

64 Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá'₂:

‡ 22:62 A₂lin₅₄ chog₅₄ si₂ tsá₃ chi₁ton₅ versículo 62. § 22:64 A₂lin₅₄ chog₅₄ si₂ tsá₃ chi₁ton₅ “qui₂ca₂quein₃ dsí₂ne₅₄.”

—iDsi₄ jág₁ 'ein₂ nē₂quein₃ quiáng'₂!
 65 'Lióng₂ lín₃ bá₄ ca₂juá'₂ tióin'₅₄, a₂tē₂'o'₂.

Ca₂chen'₃ dsa₂ Jesús ne₄ dsi₂tan₅₄ quián₅ guá'₅
 (Mateo 26:59-66; Marcos 14:55-64; Juan 18:19-24)

66 Jme₁jnia₃ jaun₂, qui₂ca₂ñi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tē₅juá'₅ nē₃. Jme₁ma₂le₁ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

67 —¿Dsón'₂ 'ne₂ líng'₅ I₂rē₂'ín₁ quián₅ Diú'₄?

Jaun₂ ca₂ñag₃:

—O₁jñia'₅₄ ca₂juá'₃ jniá'₂, jniá'₂ 'éi₂, a₂dsón'₂ tsá₃ le₃'én'₂ bá₄ 'nia'₂.

68 Nē₁juá'₂ ca₂ñag₄ jniá'₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃juá'₅₄ a₂jaun₂ jein'₅₄ 'nia'₂ jág₁ quió₃.*

69 La₁ nē₃ nē₃, tē₂le₃ ne₄ jui₅ ja₁ñó₄ nē₅, guá₃ Jaun₅ dsa₂ mi₂güí₃, tē₂le₃ gu₂ ne₁ Diú'₄ i₂'uan'₂ gué₄ lín₃.

70 Jaun₂ ca₂ñag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ñi'₅₄ Diú'₄, jaun₂?

—Jniá'₂ bá₄ líng₅, ju₁lia'₂ ma₂nē₂juá'₅₄ 'nia'₂ nē₅.

71 Jaun₂ ca₂juá'₂ tióin'₅₄:

—¿Ein₂ gué₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂ jniog₄ guio₅₄ ma₂nē₂né₁ jág₁ a₂ma₂nē₂'uě'₃ i₂nē₅ 'ñiog₅ mi₂'o₅₄ chéin'₅.

23

Ca₂dsián'₃ Jesús ne₄ Pilato
 (Mateo 27:1-2, 11–14; Marcos 15:1-5; Juan 18:28-38)

* 22:68 A₂lín₅₄ chog₅₄ si₂juá'₂ ján₃: “on₃ gué'₂ jaun₂ a₂lo'₅₄ 'nia'₂.”

1 Jaun₂ qui₂ca₂nau₂ ca₂le₃jín₃ ca₂ñjai₃ Jesús ne₄ Pilato.

2 Ja₁jaun₂ guë₄ ca₂'náu'₃ dsáu₁ Jesús, ca₂juá'₂:

—Ca₂jon₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jin₄ dsa₂ juig₂ quián₂ jnia'₅₄. Ní₂₃ toin'₂ dsa₂ jág₁ a₂tsá₃ ma₂'ein₂ qui₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rë₂'ín₁ quián₅ Diú₄, co₂'nió'₄ a₂lín₅ rag₅₄.

3 Jaun₂ ca₂ñag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂në₅ bá₄, jui₁lia'₂ juá'₂ 'ne₂ në₅.

4 Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quián'₅₄ dsa₂ juig₂:

—Tsá₃ 'e₂ dsáu₁ dsa₂ në₅ dso'₂ jniá₂ 'i₁caun₂.

5 La₁ të₂le₃ lë₅ guë₄ co₂mi'₅₄ ca₂tóin'₂, ca₂juá'₂:

—La₁ 'ñio₅ lin₃ dsia₂₃ mi'₅₄ ñi₂₃, jme₂tiin₂₃ dsa₂ ta₁caun₂ 'uë₃ Judea. Ca₂jme₃lióg₃ Galilea, rë₂në₃ guë'₂ ma₂ñi₂₃ ja₁lá₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

6 Jme₁ca₂nág₂ Pilato a₂në₅, jaun₂ ca₂ñag₃ chi₂jua'₂ 'uë₃ Galilea chan₂ dsa₂ 'éi₂.

7 Jme₁ca₂rë₃ñi₅ në₃, a₂lín₅ Jesús dsa₂ chan₂ të₂le₃ 'uë₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ñi₂₃ juig₂ Jerusalén jmi₄ jaun₂.

8 'Io'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'in₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

9 'Lióng₂ a₂qui₂ca₂ñí'₃ Jesús, la₁ tsá₃ ma₃'e₂ ca₂ñag₃ 'éi₂ 'i₁caun₂.

10 Ja₁jaun₂ jme₁tión₂ juig₅₄ jme₂dsa₂ quian'₅₄ tē₅juá'₅ ně₃, caun₂ qui₂ca₂'náu'₃ tion₅₄ dsáu₁ 'éi₂.

11 Jaun₂ Herodes ně₃, quian'₅₄ 'lióg₂ quiáin₅, lē₁qui₂ca₂j móg'₂ tióin'₅₄, ca₂quei'₃ 'mí'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

12 Jmíg₄ jaun₂ bá₄ ca₂jmo₃ Pilato a₂mei'₅₄ quian'₅₄ Herodes, ia₁ jme₁le₁'ñiai₁₂ riin'₅₄ le₂jñiá₅.

Ca₂O₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

13 Jaun₂ ca₂ñí'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ ně₃.

14 Jaun₂ ca₂tsí'₃ dsa₂:

—O₂jon'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mí'₅₄ jin₄ dsa₂. Tē₃ ne'₅₄ 'nia'₂ ma₂qui₂nē₂ñag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lē₅ dso₄ a₂jme₂cain'₅₄ 'nia'₂.

15 On₃ guē'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂ jua'₅₄ ca₂tíin₂ gue₃ 'mú₃.

16 La₁ jmo₅₄ 'éi'₃ a₂bóg₂ dsa₂, jaun₂ guē₄ loin₅₄.

17 Jme₁jmi₄g₄ tē₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

18 La₁ dsa₂ juig₂ ně₃ co₂ñei'₅₄ ca₂le₃jíin₃ ca₂tóin'₂ co₂mí'₅₄ ca₂juá'₂:

—¡Cau₅ jñiá'₃ i₂nē₅! ¡Barrabás bá₄ lion₄ quián₂ jnia'₅₄!

* 23:17 A₂lin₅₄ chog₅₄ si₂ tsá₃ chí₁ton₅ versículo 17.

19 Barrabás 'éi₂ ca₂to'₂ dsa₂ né'₃ 'má₃ 'uig₅₄ ia₁ ca₂dsia₃ caun₂ mi'₅₄ jě₄ juig₂, ton'₂ ia₁ jme₁ma₂jñi'₃ dsa₂ ně₃.

20 Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guě₄ dsa₂.

21 La₁ tē₂le₃ lě₅ guě₄ co₂mi'₅₄ ca₂tón'₂ bá₄ dsa₂, guió'₅ juá'₂:

— ¡Tióin₃ cróg₄! ¡Tióin₃ cróg₄!

22 Jě₁ñó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

— ¿'E₂ guě'₂ 'lig'₅₄ ma₂jmo₃? Tsá₃ 'e₂ dsáu₁ i₂ně₅ dso'₂ jniá₂ jua'₅₄ a₂ca₂tín₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guě₄ loin₅₄.

23 La₁ tion₅₄ ca₂mi₃ dsa₂ tíoín'₅₄ co₂mi'₅₄ a₂tion₃ cróg₄. Ca₂lě₃ rě'₂ con'₂ lě₅ 'ín₅ dsí'₅ dsa₂ juig₂ lé₂.

24 Jaun₂ co₂ñei'₅₄ me'₂ ca₂jmo₃ Pilato 'éi'₃ a₂lé₂ con'₂ lě₅ mi₅ dsa₂.

25 Jaun₂ ca₂lióin₂ bá₄ dsa₂ i₂jme₁'en₅₄ né'₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃. Jaun₂ ca₂jáng'₂ ca₂jín'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí'₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

26 Con'₂ ma₂tíoín'₅₄ jui₅ jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uě₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

27 Juin₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-o₂₃ 'lia'₂ dsí'₅ qui'₂-óin'₂ Jesús.

28 Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂ quiáng'₂ ně₃.

²⁹ Ia₁ já₅ jmig₄ jě₁juá'₂ dsa₂: “E₂ guě₄ dsen₃ jui₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guě₄ dsen₃ jui₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ guě'₂ dsi'₅₄ quió'₅ ca₂guén'₃ guein₂ ně₃.”

³⁰ Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.”

³¹ Ia₁ chi₂jua'₂ le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ċ'ě₂ guě₄ bá₄ dsi₃ní₂ i₂ca₂tín₂ dsón'₂?†

³² Ján₃ bá₄ jme₁le₁jñiai₂₃ guě₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lě₅ quian'₅₄ Jesús.

³³ Jme₁ca₂dsi₃lěin₂ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lin'₅₄ 'éi₂, jan₂ tē₂le₃ gu₂ne₁, jan₂ guě'₂ tē₂le₃ gu₂jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ŋi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

³⁵ Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, jui₁lioin₅₄ 'ŋiog₅ chi₂jua'₂ dsi₂jó'₃ llin₅ I₂rě₂'ín₁ rě₂quion'₅₄ quián₅ Diú₄.

† **23:31** lit. “ia, chi₂jua'₂ ni₁'ma₂ rě'₂ co₂jmo₅ dsa₂ le₂ně₅, ċ'ě₂ guě₄ bá₄ lé₂ quian'₅₄ ni₁'ma₂ quein₂?” ‡ **23:33** ja₁chei₂ “Gólgota” quian'₅₄

arameo; quian'₅₄ latín guě'₂, chei₂ “Calvario.” § **23:34** A₂lin₅₄

chog₅₄ si₂ tsá₃ chi₁ton₅ jág₁ ně₅. * **23:34** 'Nio'₂ ja₁ton₅ Salmo 22:18.

36 Dsi₂'lióg₂ ně₃ ca₂jmóg'₂ burlas ca₂jme₃quiáin₃
ca₂jén'₃ vino jen'₂,

37 ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄
'ŋiag'₂.

38 Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅
né₃ jág₁ jmei₅: griego, latín, hebreo ně₃, co₂'nió'₄
a₂juá'₂: “RAG₅₄ QUIÁN₅ DSA₂ JUDÍOS BÁ LA₂.”

39 Jan₂ i₂rě₂cán'₄ dso₄ i₂jme₁rě₂ton₅ cau₅ quió'₅
ca₂tě₂ca₂'o'₂, ca₂juá'₂:

—¿On₁ 'ne₂ líng'₅ I₂rě₂'ín₁ quián₅ Diú₄? Ma₂ně₃
lion₄ 'ŋiag'₂, jaun₂ lo'₅₄ jnia'₅₄ ně₃.

40 La₁ ca₂jí₂ bá₄ riin'₅₄ ca₂juá'₂:

—¿'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅
bá₄ guei'₂ ján₃.

41 La₁ jniog₄ a₂ca₂tág₂ dsón'₂ guei₂ uig₅ la₂, lia'₂
con'₂ lě₅ a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂
riin₂.

42 Jaun₂ ca₂juá'₂:

—Jesús, ju_i1dsiog'₂ bá₄ 'au'₂ jniá₂, jě₁ma₂dsiáng'₃
ja₁gong'₂.

43 Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'ne₂, jmig₄ ně₃ tě₃tsing'₅₄
quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-
30)

44 Con'₂ dsi₃ní'₃,‡ tě₁tsi'₅₄ qui₁né'₃ ta₁caun₂ gua'₅₄
'uě₃, ca₂lia'₂ ca₂tě₂ hora ŋí₁ 'ni₅§ le₃ca₂'láu₂.

† 23:43 griego: paradeiso (Paraíso). ‡ 23:44 lit. “hora jnéi₂.”

§ 23:44 lit. “hora ŋi₃.”

45 'Iog₂ co₂dsia₅ ca₂rě₃liá'₃; tsi₁'mi'₂ cortina a₂jme₁'ei₅ dsi₂nei₂ guá'₅ templo, co₂dsia₅ ca₂chen₃ ca₂lě₃ tin₃ dso'₅₄ jo₂.

46 Hora jaun₂, ca₂guió'₃ Jesús, ca₂juá'₂:

—i₁Tia₅₄ quiáng₃, o₄gog'₂ 'ne₂ dsia₅₄ jme₂dsí₂ quió₃!

Caun₂ jaun₂ bá₄ a₂ca₂juá'₂ guě₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lě₃ jaun₂, ca₂jme₃juin'₂ Diú₄, ca₂juá'₂:

—Dson'₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lě₃ jaun₂, ca₂i₃lein₃ quein₂₃ dsí₅. *

49 Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ m'í₂ i₂jme₁ma₂quiong'₅₄ tē₂ Galilea, jme₁tióin₂ uíng₂ jág₅ ca₂le₃jě₃ a₂ně₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lě₃ ně₃, jan₂ dsa₂ i₂chen₂ José, i₂jme₁quen'₅₄ líin₅ ta₁ jin₄ dsi₂tan₅₄ quián₅ guá'₅, jme₁líin₄ dsa₂ dsen₃ i₂'ua₁ dsí₅.

51 Sě₄ 'éi₂ ně₃, i₂chan₂ juig₂ Arimatea ja₁tén₄ Judea, tsá₃ ca₂rě₃'ñi₃ó₃ dsí₅ lia'₂ niog₅ ca₂jmo₃ dsi₂tan₅₄ rin'₅₄, ia₁ jme₁chi₁jñia₂₃ le₃gon₂ Diú₄.

52 Jaun₂ ca₂ñei₅₄ ně₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, calio₃ caun₂ 'mi'₂ tióg₃. Jaun₂ ca₂i₁quio₂₃ 'ñi₃ó₃ tau₂ 'ñio₅ a₂jme₁ma₂lě₅ ca₂jmo₃ dsa₂ dsí₅ ni₁'lau₂, ja₁tsá₃ 'ein₂ 'lag₄ ma₂'í₅.

* 23:48 Co₂'nió'₄ a₂jmo₂₃ léi₄ a₂qui'₂ dsí₅.

⁵⁴ Ia₁ jmig₄ jaun₂ tion'₅₄ dsa₂ jmo₂₃ co₂jnia₅₄ a₂'nió'₅ quió'₅ jmig₄ sa₅₄ a₂jē₁ca₂jnia₃ jaun₂.

⁵⁵ La₁ dsa₂ mī₂ i₂ma₂ja₂lén₂ quian'₅₄ Jesús tē₂ Galilea, ca₂o₃lén₂ ca₂jág₃ 'a₂lia'₂ ca₂quion₅ dsa₂ 'lag₄ né'₃ táu₂.

⁵⁶ Jme₁ca₂dsi₃leín₃ quió'₅, ca₂jmo₃ co₂jnia₅₄ no'₅₄ mi₂jui₂g₂ quian'₅₄ guě₄ ma₁'au₂ ně₃, a₂dsi₃tsin₅₄ Jesús.

Jme₁ca₂jnia₃ sa₅₄ jaun₂, ca₂tiáin'₂ ca₂jnia₃ lia'₂ con'₂ lě₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

¹ Jē₁le₂'uig₅₄ jmig₄ semana, ca₂i₃lén₂ táng₃ dsa₂ mī₂ tē₂ o₃'iog₂ lín₃, i₁jag₅₄ tau₂ 'ñio₅ le₁quian₅ no'₅₄ mi₂jui₂g₂ a₂jme₁ma₂lě₅ co₂jnia₅₄ quió'₅; [lě₂ bá₄ guě₄ dsa₂ mī₂ sián'₂ i₂ca₂jme₃quiong'₅₄].*

² Jme₁ca₂dsi₃leín₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rē₂jni₅ tau₂ 'ñio₅.

³ Jaun₂ ca₂i₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús]† ca₂dsó'₂ ja₁jaun₂.

⁴ [Jaun₂ ca₂lě₃],‡ tē₃ tióin₂ dsi₂gó'₃ dsí₅ jaun₂, tsá₃ a₂ñi₅ jmo₃, jme₁ca₂jín₂ on₃ dsa₂ i₂qui'₂ tsin'₅₄ tág₅, tióin₂ cau₅ quió'₅.

⁵ Tē₃ ma₂gó'₅ jaun₂, ca₂'in₃ ne₅₄ tē₂ 'uē₃. Jaun₂ ca₂juá'₂ dsa₂ 'éi₂:

—¿'E₂ lě₃ 'na'₂ 'nia'₂ jan₂ i₂jén'₃ jin₄ 'lag₄?

* **24:1** A₂lin₅₄ chog₅₄ si₂ tsá₃ le₁ton₅ jág₁ ně₅. † **24:3** A₂lin₅₄ chog₅₄ si₂ tsá₃ le₁ton₅ jág₁ ně₅. ‡ **24:4** A₂lin₅₄ chog₅₄ si₂ tsá₃ le₁ton₅ jág₁ ně₅.

6 Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁η₁₂₃ Galilea,

7 jme₁ca₂juá'₂ a₂ca₂tín₂ Jaun₅ dsa₂ mi₂güí₃ jáng'₂ dsa₂ o₄gú₃ dsa₂ 'lin'₅₄, a₂tíon₃ dsa₂ cróg₄, la₁ a₂'ni₅ jmíg₄ jaun₂ jein'₅₄ táng₃.

8 Jaun₂ guě₄ ca₂dsáu'₃ dsí₅ 'io₅₄ jág₁ jaun₂ quió'₅ Jesús.

9 Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lě₂ guě₄, ca₂tsí'₃ ca₂le₃jín₃ guě₄ dsa₂ sián'₂ ně₃.

10 Dsa₂ mí₂ i₂jme₁quion₂ jág₁ ně₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quia₁in'₅₄ guě₄ dsa₂ mí₂ sián'₂.

11 La₁ jme₁ca₂nág₂ chi'₂ dsi₂guia₃-tín₂ jág₁ ně₅, a₂lě₁tě₂'i₅ bá₄ 'io₅₄ 'éi₂, lín₂, jaun₂ tsá₃ ca₂rě₃'éin₂.

12 La₁ Pe₄ ně₃, ca₂o₃'iin₃ ηó₃ co₂chi'₅₄ ca₂i₁jag₅₄ dsi₂néi₂ tau₂ 'ηio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ηái'₃ bá₄ táng₃ jaun₂ ně₃, dsi₂gó'₃ dsí₅ 'e₂ ca₂lě₃.

A₂ca₂lě₃ dsi₂jui₅ ja₁ηó₄ jui₂g₂ Emaús
(Marcos 16:12-13)

13 Jmíg₄ jaun₂ dé₄, on₃ dsa₂ 'éi₂ tíoin'₅₄ jui₅ i₃lėin₂ jui₅ jui₂g₂ ja₁tě'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén.

14 Jaun₂ dé₄ tsí'₅ riin'₅₄ i₃lėin₂ ca₂le₃jě₃ 'e₂ niog₅ ca₂lě₃.

15 Tě₃ dsia₂₃ i₃lėin₂ jaun₂, ca₂jme₃quián₃ Jesús ηó₃ quiong'₅₄.

16 La₁ jui₁'a₂ guě₃ la₂ jág₂ i₃lėin₂, cha₂ a₂jmo₅ a₂tsá₃ rě₂cuig₂₃ 'ein₂ 'éi₂.

17 Jaun₂ ca₂ŋag₃ Jesús:

—ǂ'E₂ bá₄ jág₁ dsia'₂ 'nia'₂ ja₂nóg'₅?

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄.

18 Jaun₂ ca₂ŋag₃ jan₂ i₂chen₂ Cleofas:

—ǂOn₁ bá₄ jan'₂ 'ne₂ líng'₅ dsa₂ i₂lia'₂ të₁tsin'₅₄
guan₅ Jerusalén, jaun₂ tsá₃ ŋi'₅₄ 'e₂ niog₅ ca₂lě₃
dsióg₂-jo₃ nē₅?

19 Jaun₂ ca₂ŋag₃:

—ǂ'E₂ ca₂lě₃ guë'₂?

Jaun₂ ca₂ŋag₃ táng₃:

—A₂ca₂lě₃ quian'₅₄ Jesús i₂chan₂ Nazaret,
i₂jme₁lín₄ jan₂ i₂jme₁'ě₂ jág₁ quián₅ Diú₄, i₂'uan'₂
tě₂le₃ quian'₅₄ ca₂le₃jě₃ a₂niog₅ ca₂jmo₃, i₂'uan'₂
tě₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄
lia'₂ le₃ne₄ dsa₂ mǂ₂güí₃g₃ ně₃;

20 'a₂ lia'₂ ca₂jáng'₂ juig₅₄ jme₂dsa₂ quian'₅₄
dsi₂tan₅₄ quián₂ jnia'₅₄, ca₂dsi₂ 'éi'₃ ca₂jŋag'₃ tioin'₅₄,
ca₂tion₃ cróg₄.

21 Jnia'₅₄ jme₁'ín₂ dsí₅ chong₂, a₂lág₂ jnia'₅₄ 'éi₂ bá₄
lín₅ i₂jme₁lión₂ juig₂ Israel. La₁ nē₃ nē₃, ma₂'ni₅ jmig₄
ca₂lě₃ le₂nē₅.

22 I₂lín₅₄ dsa₂ mǂ₂ i₂tion'₅₄ jě₄ quián₂ jnia'₅₄
ma₂ně₂quiong₃ jnia'₅₄ juě'₅, ia₁ ma₃i₁jag₅₄ tě₂ o₃'iog₂
ma₂'míg₂ tau₂ 'ŋio₅, juá'₂.

23 Tsá₃ ni₁ŋi₁ 'lag₄ dsó'₅. A₂jaun₂ bá₄ dsia₂₃ o₃lein₃
a₂ně₂jme₃jnia₅ ángeles ne₅₄, a₂ně₂juá'₂ i₂chan₂ bá₄
'éi₂.

24 Jaun₂ ně₃, ma₂i₁len₅₄ i₂lín₅₄ rin'₅₄ jnia'₅₄
ma₂i₁jag₅₄ tau₂ 'ŋio₅. Jua'₂ dsón'₂ bá₄ dsau₅ con'₂
lě₅ jág₁ jmóg'₅ dsa₂ mǂ₂ 'éi₂, la₁ 'éi₂ guë'₂ ně₃ tsá₃
ně₂jǂin₂, juá'₂.

25 Jaun₂ ca₂ŋag₃ Jesús ca₂tsí'₃ 'éi₂:

—i'En₁ jmá'₃ tsá'₃ 'e₂ ca₂ŋí'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jě₃ a₂niog₅ ca₂juá'₂ dsa₂ i₂jme₁'ě₂ jág₁ quián₅ Diú₄?

26 Ia₁ ŋon₁ le₂jaun₂ 'i₄ 'éi'₃ ca₂tín₂ I₂rě₂'in₁ quián₅ Diú₄, dsi₃ŋí'₂ ca₂le₃jě₃ a₂ně₅ de'₂ jniá₅, jaun₂ guě₄ dsián'₄ ja₁le₃juin'₂ táng₃?

27 Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ŋó₃ ca₂'ě₃ le₂tan₅₄ si₂ quió'₅ dsa₂ i₂jme₁'ě₂ jág₁ quián₅ Diú₄, ja₁juá'₂ 'iin₂₃ 'éi₂ 'ŋiog₅.

28 Jaun₂ ja₂quián₃ dsi₁lén₂ juig₂ pí'₁ ja₁tioin'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ŋó₅ co₂dsau₅ bá₄ ca₂jmo₃.

29 La₁ i₂on₃ 'éi₂ ně₃ ca₂chi₃quióng₂ jmig₄ a₂jŋia₃, ca₂juá'₂:

—Ně₃ o₁jŋia₁ quian'₅₄ jnia'₅₄, ia₁ ca₂rín₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jŋia₃ quian'₅₄ 'éi₂.

30 Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ŋí'₄, ca₂jme₃jŋiói₃, jaun₂ guě₄ ca₂'niai₃ ca₂cué'₃ le₃on₃ i₂quiain'₅₄.

31 Tě₃jě₄ jaun₂ ně₂jag₄ a₂jaun₂ guě₄ ca₂niá₃ jme₁ne₁₂ lín₂, jaun₂ guě₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tě₃ ne₅₄.

32 Jaun₂ guě₄ ca₂dsia₃ jág₁ guioin₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lě₃ dsi₅ néi₁ ca₂le₃jě₃ 'e₂ niog₅ ně₂juá'₂ ně₂jme₃ŋí'₂ dsi₅ jniog₄ a₂juá'₂ Si₂.

33 Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃

chi'₂ dsī₂guia₃-tín₂ i₂lě₂ guě₄, le₁ŋi'₂ quian'₅₄ guě₄
dsa₂ sián'₂.

34 Jaun₂ juá'₂ 'éi₂ tioin'₅₄:

—Tě₃dsón'₂ bá₄ ma₂ca₂jen'₅₄ Te₁gui'₅₄. Ia₁
ma₂ně₂jme₃jniái₂₃ ne₄ Si₂mu₅₄.

35 Jaun₂ guě₄ ca₂jmóg'₃ táng₃ i₂on₃ 'éi₂ jág₁ 'a₂
lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂
jme₁ca₂'niai₃ i₁ŋí'₄.

*Ca₂jme₃nia₅ Jesús jě₄ quió'₅ chi'₂ dsī₂guia₃-tín₂
(Mateo 28:16-20; Marcos 16:14-18; Juan 20:19-
23)*

36 Tě₃ tioin'₅₄ dsia₂₃ jág₁ jaun₂, jme₁ca₂jme₃nia₅
Jesús ca₂nau₂ jě₄ quió'₅. Š

37 Ca₂i_gó'₃ dsí₅ tioin'₅₄, lín₂ jan₂ jme₂dsí₂ bá₄ 'éi₂
ŋi₅.

38 Jaun₂ ca₂juá'₂:

—č'E₂ lě₃ ŋí₄ lě₃ tion'₅₄ 'nia'₂ chí'₅ go₂'i₃? č'E₂ lě₃ ŋí₄
'lióng₂ a₂'náu'₂ 'nia'₂ 'au'₂?

39 La₂ jag₄ 'nia'₂ o₄gu₃ o₄tag₃. Jniá₂ bá₄ la₂.
I₂nó'₅ 'nia'₂ i₂níg'₃ quió₃ i₂jag₄ 'nia'₂. Jan₂ jme₂dsí₂,
on₃jua'₅₄ i₂ton₅ ŋí₅ on₃ i₂'en₅₄ mu₅, jui₁lia'₂ jág'₂ 'nia'₂
lín₅ jniá₂.

40 Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

41 Tě₃ tioin'₅₄ jaun₂ dsī₂gó'₃ dsí₅ tsá₃ 'éin₂ o₄quió'₄
a₂ŋí₄ lě₃ 'io'₂ jén'₅, jme₁ca₂juá'₂ Jesús:

—čCha₁ a₂le₃que₅₄ ca₂la₂ ja₁lá₃?

42 Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂,
[quian'₅₄ guě'₂ ca₂jne₄ ni₁tá'₅ cuing₅].*

Š 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂:
—Siang'₃. Jui₁'ei₅ bá₄ tei₄ tion'₅₄ 'nia'₂.” * 24:42 A₂lín₅₄ chog₅₄ si₂
tsá₃ chi₁ton₅ jág₁ ně₅.

43 Jaun₂ ca₂gue₃ ca₂guě'₃ guá'₅ tē₃ne₄ ca₂le₃jín₃.

44 Jaun₂ ca₂juá'₂ ně₃:

—Ma₁ ca₂juá'₃ jniá'₂ le₂jñiá'₅ lia'₂ con'₂ jme₁ñi₂₃ jín'₄ 'nia'₂, a₂tion₅₄ le₃ti₃ ca₂le₃jě'₃ lia'₂ con'₂ lě'₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme₁'ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá'₂.

45 Jaun₂ guě'₄ ca₂jme₃ñí'₂ dsí'₅ 'éi₂ a₂juá'₂ Si₂,

46 jaun₂ ca₂juá'₂:

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ñí'₂ uig₅ I₂rě'₂ín₁ quián₅ Diú₄, la₁ jein'₅₄ bá₄ táng₃ a₂'ni₅ jmig₄;

47 a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsí'₅ dsa₂ ia₁jaun₂ bá₄ lé₂ le₃'én₂ dsáu₁. Jág₁ ně₅ dsó₃ qui₂rě'₂ě₂ o₄quió'₃, ne₄ ca₂le₃jín₃ i₂chan₂ gua'₅₄ 'uě₃, la₁ Jerusalén de'₂ jñiá'₅ ja₁le₃lióg₃.

48 'Nia'₂ ně₃ i₂qui₂ca₂tě'₂ ne'₅₄ ca₂le₃jě'₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅.

49 Jaun₂ ně₃, tsin₅₄ jniá'₂ i₂ma₂lě'₅ jág₁ chen₃ Ne'₃. La₁ jñi₄ guě'₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ juí₅bí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(Marcos 16:19-20)

50 Jaun₂ ca₂jñiai₃ chi'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄.

51 Ca₂lě₃ ně₃, tē₃jě₄ jme₂gu'₅₄ jaun₂, ca₂i₃uíin₂.†

52 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lin₃,

53 le₃ó₃ jmig₄ bá₄ jme₁ñi'₂ i₁dsi₅ guá'₅ jme₂juiin'₂ Diú₄.

† 24:51 A₂lin₅₄ chog₅₄ si₂ juá'₂ ján₃: “ca₂ñái'₃ guei'₅₄ i₂juíg₃.”

Co₂n₅.

Jag₁ 'mí₂ a₂ ma₂ li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

5c52af9e-3086-5d57-9b7e-2e495fea8899